





琴瑟

第六冊 卷之二十四

陳仲魚舊藏

聽香館主  
韻園居士  
檢





施註蘇詩卷之十九



漫堂先生宋 犖

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩七十三首

時在黃州作

東坡八首

并引按東坡在黃岡山下州治東百餘步先生儋耳手澤云祀人馬正卿作太學生清苦有氣節學者既不喜

博士亦忌之余少時偶至其齋中書杜子美秋雨歎壁上初無意也而正卿即日辭歸不復出至今白首窮餓守節如故詩中馬生即其人也

余至黃州二年日以困匱故人馬正卿哀予乏食為於郡中請故營地數十畝使得躬耕其中地既



詩是柴桑真  
面目愈淡愈永  
愈淡愈厚詩云  
百回不厭

久荒為茨棘瓦礫之場而歲又大旱墾闢之勞筋  
力殆盡釋耒而歎乃作是詩自愍其勤庶幾來歲  
之入以忘其勞焉

廢壘無人顧頽垣滿蓬蒿誰能捐筋力歲晚不償勞獨  
有孤旅人天窮無所逃端來拾瓦礫歲旱土不膏崎嶇  
草棘中欲刮一寸毛喟然釋耒嘆我廩何時高

詩周頌亦有高廩萬億及秭

荒田雖浪莽高庳各有適下隰種秔稌東原蒔棗粟江  
南有蜀士桑果已許乞好竹不難栽但恐鞭橫逸仍須  
卜佳處規以安我室家童燒枯草走報暗井出一飽未

敢期瓢飲已可必

晉陶潛傳公田五十頃種秔詩周頌豐年多黍多稌鄭氏云秔稻也蜀士謂王文甫也文甫嘉州犍為縣人居於武昌先生與秦太虛書云所居對岸武昌山水絕佳有蜀人王生在邑中往往為風濤所隔不能歸則王生能為殺雞炊黍至數日不厭東方朔傳規以為苑

自昔有微泉來從遠嶺背穿城過聚落流惡壯蓬艾去  
為柯氏陂十畝魚蝦會歲旱泉亦竭枯萍粘破塊昨夜  
南山雲雨到一犁外泫然尋故瀆知我理荒蕪泥芹有  
宿根一寸嗟獨在雪芽何時動春鳩行可膾公自注蜀人貴芹芽膾雜鳩肉

為之

後漢劉平傳王扶少修節行聚落化其德注云小於鄉曰聚廣雅云落居也  
左傳有汾澮以流其惡杜子美大雨詩流惡邑里清陶淵明詩晨侵理荒穢  
種稻清明前樂事我能數毛空暗春澤鉞水聞好語自公

一往無味尋瑞法  
後味乃多之窮



王孟日家雜詩  
所未經道

上首稻次首麥。  
余在臨沂見秋末  
種麥後經牛羊踐  
齒立春乃止讀此  
詩始喻其理

一本作二殆謂至  
黃二年也作千  
載豈有味乎

潘生名內古生  
名耕道見祭  
任師中文

注蜀人以細雨為雨毛稻初  
生時農夫相語稻鍼出矣

分秧及初夏漸喜風葉舉月明看

露上一珠垂縷秋來霜穗重顛倒相撐拄但聞畦隴

聞蚱蜢如風雨

公自注蜀中稻熟時蚱蜢羣  
飛田間如小蝗狀而不害稻

新春便入甑玉粒

照筐筥我久食官倉紅腐等泥土行當知此味口腹吾

已許

江文通別賦秋露如珠秋月如珪漢  
賈捐之傳太倉之粟紅腐而不可食

良農惜地力幸此十年荒桑柘未及成一麥庶可望投

種未逾月覆塊已蒼蒼農父告我言勿使苗葉昌君欲

富餅餌要須縱牛羊再拜謝苦言得飽不敢忘

史記商君傳苦言  
藥也甘言疾也

種棗期可剝種松期可斲事在十年外吾計亦已慤十

年何足道千載如風電舊聞李衡奴此策疑可學我有

同舍郎官居在瀟岳公自注李  
公擇也遺我三寸甘照坐光卓犖

百栽儻可致當及春冰渥想見竹籬間青黃垂屋角

襄陽耆舊傳李衡作宅於武陵龍陽汎洲上種橘千株臨終救其子曰吾有千頭  
木奴不責汝衣食歲上一匹絹可以不貧矣南史彭城王義康傳上嘗冬月噉甘  
歎其形味竝劣義康在坐曰今年甘殊有佳者遣還東府取甘大供御者三寸杜  
子美即事詩一雙白魚不受釣三寸黃甘猶自青楚辭橘頌青黃雜糅文章爛兮  
杜子美詩紅  
稠屋角花

潘子久不調沽酒江南村郭生本將種賣藥西市垣古

生亦好事恐是押牙孫家有十畝竹無時容叩門我窮

交舊絕三子獨見存從我於東坡勞餉同一餐可憐杜

杜



拾遺事與朱阮論吾師卜子夏四海皆弟昆潘名大臨字邠老榮陽人郭生

名邁汾陽人古生名耕道新平人

漢張釋之傳十年不得調漢齊悼惠王傳朱虛侯章曰臣將種也薛調無雙傳劉振女曰無雙許以妻王仙客未果而振授朱泚偽官無雙籍入掖庭仙客怨慕不已聞富平古押牙人間有心人以情告之古生作奇法取之使復為夫婦二十年杜子美絕句梅熟許同朱老喫松高擬對阮生論

惡道

馬生本窮士從我二十年日夜望我貴求分買山錢我今反累生借耕輟茲田刮毛龜背上何時得成羶可憐馬生癡至今夸我賢眾笑終不悔施一當獲千

傅大士金剛經頌如龜毛不實似兔角無形

題織錦圖上回文三首

春晚落花餘碧草夜涼低月半枯桐人隨遠鴈邊城暮

倒句更佳

先生自作此正佳先生作此亦佳不淨正亦佳亦佳也

雨暎疎簾繡閣空

紅手素絲千字錦故人新曲九回腸風吹絮雪愁縈骨

淚灑縑書恨見郎

晉列女傳寶酒妻蘇惠織錦為回文旋圖詩以贈酒凡八百四十字再見司馬遷報任安書腸一日而九回後漢蔡倫傳自古書契多編以竹簡其用縑白者謂之為紙

羞看一首回文錦錦似文君別恨深頭白自吟悲賦客

斷腸愁是斷絃琴

西京雜記相如晚居茂陵將聘妾文君作白頭吟自絕相如乃止後漢列女蔡琰傳注豈故斷琴一絃問之琰曰第四絃

姪安節遠來夜坐三首

南來不覺歲崢嶸坐撥寒灰聽雨聲遮眼文書元不讀伴人燈火亦多情嗟予潦倒無歸日今汝蹉跎已半生



免使韓公悲世事，白頭還對短燈檠。

鮑明遠舞鶴賦：歲崢嶸而催莫。杜子美詩：旅食歲崢嶸。白樂天詩：對雪畫寒灰。傳燈錄：有僧問藥山：惟儼禪師和尚，不許人看經，因何卻自看師曰：我只圖遮眼。稽叔夜絕交書：足下舊知吾潦倒，倉疎不切事情。韓退之短燈檠歌：一朝富貴還自恣，長樂高張照朱翠。吁嗟世事無不然，牆角君看短檠葉。

心衰面改瘦崢嶸，相見惟應識舊聲。  
永夜思家在何處，殘年知汝遠來情。  
畏人默坐成癡鈍，問舊驚呼半死生。  
夢斷酒醒山雨絕，笑看饑鼠上燈檠。

識舊聲：暗使後漢夏馥事。詳十二卷子。由將赴南都詩註韓退之示姪孫湘詩：知汝遠來應有意。杜子美詩：問舊半為鬼。驚呼熱中腸。

落第汝為中酒味，吟詩我作忍饑聲。  
便思絕粒真無策，苦說歸田似不情。  
腰下牛閑方解佩，洲中奴長足為生。  
大弨一弛何緣鼓，已覺翻翻不受檠。

唐李廓落第詩：氣味如中酒，情懷似別人。陸龜蒙杞菊賦序：忍飢誦經，豈不知屠沽兒有酒食，取木奴用。李衡洲上種橘事，注見本卷。韓退之詩：大弨挂壁，無由繫。漢蘇武傳：能網紡繳，繫弓弩。顏師古曰：檠，謂輔正弓弩也。

### 冬至日贈安節

我生幾冬至，少小如昨日。  
當時事父兄，上壽拜脫膝。  
十年閱凋謝，白髮催衰疾。  
瞻前惟兄三，顧後子由一。  
近者隔濤江，遠者天一壁。  
今朝復何幸，見此萬里姪。  
憶汝總角時，啼笑為梨栗。  
今來能慷慨，志氣堅鐵石。  
諸孫行復爾，世事何時畢。  
詩成卻超然，老淚不成滴。

楚辭：離騷：瞻前而顧後兮，相觀人之計極。陶淵明責子詩：浦子垂九齡，但覓梨與栗。

### 岐亭道上見梅花戲贈季常



一點芳心在... 物家佳境天人也... 待不物佳度而自有... 生嘉推之為物嘗... 吟極向存老情手... 古此後乃若不... 者尾向蓋謂... 侍兒病起新... 於欽頭見此... 出以備樽也... 六徑後世傳... 者東地作... 利亭得... 以判公新法... 故勇于排... 忌情于... 非敢怨... 定何正... 之下... 于今... 表... 和石厨... 曰霜林... 傍... 天下... 向... 思... 晚... 暮... 想... 垣... 樓... 裏... 素... 自... 歲... 直... 現... 則... 不... 識... 界...

蕙死蘭枯菊亦摧。返魂香入嶺頭梅。數枝殘綠風吹盡。  
一點芳心雀啣開。野店初嘗竹葉酒。江雲欲落豆稽灰。  
行當更向欽頭見。病起烏雲正作堆。

東方朔十洲記聚窟洲有返魂香死屍於地聞之即活杜子美詩啣雀爭枝墜又詩雀啄江頭楊柳花張協七命豫北竹葉清宜城九醞酒也文酒清話王勉秀才上古水縣大夫雪詩上天燒下豆稽灰烏李須教做白梅

樂全先生生日以鐵拄杖為壽二首

先生真是地行仙。住世因循五百年。每向銅人話疇昔。  
故教鐵杖鬪清堅。入懷冰雪生秋思。倚壁蛟龍護晝眠。  
遙想人天會。方丈眾中驚倒野狐禪。

楞嚴經有十種仙堅固服餌而不休息食道圓成名地行仙法華經正法住世二十小劫像法亦住二十小劫銅人用薊子訓摩挲銅人專注再見韓退之赤藤杖

歌空堂晝眠倚戶。漏飛電著壁。搜蛟螭傳燈錄。佛為人天師。又百丈山大智禪師。每日上堂。有一老人隨眾聽法。一日眾散。老人不去。師問之。老人曰。我非人也。過去生中曾住此山。有學人問大修行人。還落因果也。無對曰。不落因果。遂墮在野狐身。今請和尚代一轉語。師曰。汝但問老人。便問師曰。不昧因果。老人言。下大悟。告辭曰。今已免野狐身。

二年相伴影隨身。踏遍江湖草木春。擿石舊痕猶作眼。  
閉門高節欲生鱗。畏塗自衛真無敵。捷徑爭先卻累人。  
遠寄知公不嫌重。筆端猶自斡千鈞。

莊子達生篇夫畏塗者十殺一人則父子兄弟相戒也必盛卒徒而後敢出焉楚辭離騷何桀紂之昌披兮夫惟捷徑以窘步鮑明遠城東橋詩爭先萬里途各事百年身

杭州故人信至齊安

昨夜風月清。夢到西湖上。朝來聞好語。扣戶得吳餉。輕



成惟東坡詩  
天然自出  
與東坡作  
詩於東坡  
詩下

圓白曬荔脆醞紅螺醬更將西菴茶勸我洗江瘴故人  
情義重說我必西向一年兩僕夫千里問無恙相期結

書社公自注故人相約釀錢未怕供詩帳公自注僕頃以詩得罪有司移杭取境內所留詩杭

州供數百首謂之詩帳還將夢魂去一夜到江漲公自注江漲杭州橋名

蔡君謨荔枝譜福州舊貢紅鹽密煎二種慶曆初知州沈邈以道遠不可致減紅鹽之數而增白曬者

送牛尾狸與徐使君公自注時大雪中

風卷飛花自入帷一樽遙想破愁眉泥深厭聽雞頭鶻

酒淺欣賞牛尾狸通印子魚猶帶骨披綿

黃雀漫多脂殷勤送去煩纖手為我磨刀削玉肌

後漢梁冀傳妻孫壽作愁眉啼粧王彥輔塵史閩中鮮食最珍者子魚也割之則子滿腹莆田迎仙鎮乃其出處予按部過之驛左有一祠謂之通應廟下有水曰

宣州牛尾狸  
最著

通應谿日受潮汐訪諸土人為鹹淡水不相入處此魚最良故謂之通應子魚比見士大夫賦詩多曰通印以目其魚之大小如王荆公送元厚之知福唐詩云長魚俎上通三印荆公博學多聞豈自有所稽耶黃雀出江西臨江軍土人謂脂厚為披綿

四時詞

春雲陰陰雪欲落東風和冷驚簾幙漸看遠水綠生漪  
未放小桃紅入萼佳人瘦盡雪膚肌眉斂春愁知為誰  
深院無人剪刀響應將白紵作春衣

謝靈運詩山桃發紅萼杜子美蚤春詩紅入桃花嫩青歸柳葉新張籍白紵歌皎皎白紵白且鮮將作春衣稱少年裁縫長短不能定自持刀尺向姑前

垂柳陰陰日初永蔗漿酪粉金盤冷簾額低垂紫燕忙  
蜜脾已滿黃蜂靜高樓睡起翠眉嚬枕破斜紅未冝勻  
玉腕半揎雲碧袖樓前知有斷腸人

此種詩不及全差  
遠矣



宋玉招魂濡鬢炮羔有柘漿此注柘諸蔗也取諸蔗之汁以為漿飲也杜  
子美入秦行蔗漿歸厨金盃凍孟郊莎柵聯句此處不斷腸定知無斷處

新愁舊恨眉生綠粉汗餘香在斬竹象牀素手熨寒衣

爍爍風燈動華屋夜香燒罷掩重局香霧空濛月滿庭

抱琴轉軸無人見門外空聞裂帛聲

杜子美白絲行象牀玉手亂殷紅萬草千花動凝碧美人細意熨帖平裁縫減盡  
針線跡戰國策孟嘗君至楚楚獻象牀白樂天琵琶行轉軸撥絃三兩聲又四絃

一聲如裂帛

霜葉蕭蕭鳴屋角黃昏陡一作覺羅衾一作薄夜風搖動鎮

帷屏酒醒夢回聞雪落起來呵手畫雙雅醉臉輕勻襯

眼霞真態生香誰畫得玉奴纖手嗅梅花

杜牧之秋娘詩虎睛珠絡襪金盤犀鎮帷南部煙花記虞世基嘲司花女袁寶兒  
詩學畫鴉兒半未成杜牧之閨情詩娟娟卻月眉新學學鴉飛牛僧孺周秦行紀

韓偓詩媚霞橫接眼波采

楊太真自稱為玉奴

太守徐君猷通守孟亨之皆不飲酒以詩戲之

徐君猷名大受東海人孟亨之名震東平人舉進士東坡來黃州  
二君為守倅厚禮之無遷謫意君猷秀惠列屋杯觴流行多為賦  
詞滿去而殂坡有祭文挽詞意甚悽惻亨之寓毗陵坡自黃過常有同游僧舍詩載二十三卷

孟嘉嗜酒相溫笑徐邈狂言孟德疑公獨未知其趣爾

臣今時復一中之風流自有高人識通介寧隨薄俗移

二子有靈應撫掌吾孫還有獨醒時

晉孟嘉傳未得酒中趣注已見又庾亮正旦大會州府人士褚裒問亮聞江州有  
孟嘉其人何在亮曰在坐卿自覓裒歷觀指嘉曰此君小異將無是乎亮欣然喜  
裒得嘉而奇嘉為裒所得陶淵明孟嘉傳高陽許詢嘗乘船近行適逢嘉過嘆曰  
都邑美士吾盡識之獨不識此人唯聞中州有孟嘉者將非是乎中聖人徐邈語  
再見三國徐邈傳盧欽著書稱邈曰或問欽徐公當武帝時人為通自在涼州  
及還京師人以為介何也欽曰往毛孝先崔季珪用事貴清素之士于時皆變易

全用孟嘉二人飲酒

事以其名下有靈

事笑厥初不飲美

隋穆者



車服以求名高而徐公不改其常故人以為通比來天下奢靡轉相倣效而徐雅尚自若不與俗同故前日之通乃今日之介也是世人之無常而徐公之有常也史記屈原傳舉世混濁而我獨清衆人皆醉而我獨醒

### 雪後到乾明寺遂宿

門外山光馬亦驚。堦前屐齒我先行。風花誤入長春苑。雲月長臨不夜城。未許牛羊傷至潔。且看鴉鵲弄新晴。更須攜被留僧榻。待聽摧簷瀉竹聲。

太平寰宇記長春宮在同州朝邑縣強梁原上周武帝保定五年宇文護築尉遲儼中朝故事長春宮園林繁茂花木無所不有芳菲長如三春節漢地理志齊地記云古有日夜出見於東萊故萊子立此城以不夜為名寰宇記不夜城在登州文登縣春秋時萊子所置邑以日出于東故以不夜為名

伯父送先人下第歸蜀詩云人稀野店休安枕。路入靈關穩跨驢。安節將去為誦此句因以為

### 韻作小詩十四首送之

索漠齊安郡從來著放臣。如何風雪裏更送獨歸人。瘦骨寒將斷衰髯。摘更稀。未甘為死別猶恐得生歸。

杜子美簡諸子詩長安苦寒誰獨悲杜陵野老骨欲折又垂老別孰知是死別

日上氣暎江。雪晴光眩野。記取到家時。鋤耰吾正把。月明穿破裘。霜氣澀孤劍。歸來閉戶坐。默數來時店。

韓退之喜侯喜至詩依依夢歸路歷歷想行店崔豹古今注肆所以陳貨鬻之物店所以置貨鬻之物

諸兄無可寄。一語會須酬。晚歲俱黃髮。相看萬事休。故人如念我。為說瘦癯癯。尚有身為患。已無心可安。

詩國風棘人樂樂老子吾所以有大患者為吾有身

日上一連雞老杜無以過

鄭交形貌藥藥然瘦瘠也



吾兄喜酒人。今汝亦能飲。一杯歸誦此。萬事邯鄲枕。  
東阡在何許。寒食江頭路。哀哉魏城君。宿草荒新墓。

杜子美詩寒食江頭路風花高下飛魏城君公之配王氏也

臨分亦泣然。不為窮途泣。東阡時一到。莫遣牛羊入。

晉阮籍傳率意獨駕車迹所窮輒慟哭而返

我夢隨汝去。東阡松柏青。卻入西州門。永愧北山靈。  
乞墦何足羨。負米可忘艱。莫為無車馬。含羞入劍關。

家語子路曰昔者由也事二親之時常食藜藿之實為親負米百里之外今列鼎而食願食藜藿為親負米不可復得也華陽國志漢司馬相如成都人蜀有升僂橋相如出關題其柱云大丈夫不乘駟馬車不復過此橋後漢郭丹傳買符入函谷關慨然歎曰丹不乘使者車終不出關去家二十年果乘高車出關

我坐名過實。謹譁自招損。汝幸無人知。莫厭家山穩。

越絕書名過實者滅故聖人不使名過實

竹筥與練帶。隨時畢婚嫁。無事苦相思。征鞍還一跨。

後漢戴良傳五女出嫁練裳布被竹筥木屐以遣之

萬里卻來日。一菴仍獨居。應笑謀生拙。團團如磨驢。

### 次韻和王鞏六首

君談陽朔山。不作一錢直。巖藏兩頭虺。瘴落千仞翼。雅宜驩兜放。頗訝虞舜陟。暫來已可畏。覽鏡憂面黑。況子三年囚。苦霧變飲食。吉人終不死。仰荷天地德。我來黃岡下。欹枕江流碧。江南武昌山。向我如咫尺。春蔬黃土軟。凍筍蒼崖坼。此行我累君。乃反得安宅。遙知丹穴近。



為斷句漏石他年分刀圭名字挂仙籍

公自注鞏許惠桂州丹砂

陽朔屬桂州北夢瑣言楊遠曾至嶺外見陽朔荔浦山水愛之談不容口嘗謂王讚曰侍郎曾見陽朔山水乎讚笑曰某未嘗打人唇縱齒折那得見之蓋非取不去也漢灌夫傳平生毀程不識不直一錢韓退之永貞行江氣嶺峻昏若凝一蛇兩頭見未曾墮落千仞翼本意用馬援飛鷲站事注已見尚書舜陟方乃死注云升道南巡守死於蒼梧之野白樂天惻惻吟炎瘴靈均面黧黑句漏漢縣屬交州出丹砂

少年帶刀劍但識從軍樂老大服犁鋤解佩付鎔鑠雖無獻捷功會賜力田爵敲冰春搗紙刈葦秋織箔櫟林斬冬炭竹塢收夏籜四時俯有取一飽天所酌君生紈綺間欲學非其腳左右玉纖纖束薪誰為縛勿令聞此語翠黛頓將惡笑我一間茅婦姑紛六鑿

韓退之會李正封聯句從軍古云樂談笑清油幕漢文帝紀遣使勞賜孝弟力田置三老孝弟力田常員周禮仲冬斬陰木仲夏斬陽木漢貨殖傳頗有拾仰有取

未詳

已見趙飛燕外傳為薄眉號山黛宋玉神女賦擷薄怒以自持兮曾不可乎犯于六鑿出莊子外物篇注已見

欲結千年實先摧二月花故教窮到骨要使壽無涯久已逃天網何須服日華賓州在何處為子上栖霞

內景經吞日月華法呪曰日魂云云十六字自有五色流霞入口中許端夫齊安拾遺云栖霞樓在郡城最高處江淮絕境也

鄰里有異趣何妨傾蓋新殊方君莫厭數面自成親默坐無餘事回光照此身他年赤墀下玉立看垂紳

陶淵明答龐參軍詩引俗諺云數面成親舊況其情過此者乎廣燈錄古德云若能回光反照漢梅福傳登文石之陛涉赤墀之塗

平生我亦輕餘子晚歲人誰念此翁巧語屢曾遭惹故度詞聊復託芎藭子還可責同元亮妻卻差賢勝敬通若問我貧天所賦不因遷謫始囊空



定國有侍妾名柔  
奴坡之伴空風波詞

杜子美題鄭十八著作詩可念此翁懷直道也霑新國用輕刑先生詩話云昔吾  
為鳳翔幕過長安見劉原父留吾劇飲數日酒酣謂吾曰昔陳季弼告陳元龍曰  
聞遠近之論謂明府驕而矜元龍曰夫閨門雍穆有德有行吾敬陳元方兄弟淵  
清玉潔有禮有法吾敬華子魚清修疾惡有識有義吾敬趙元達博聞強記奇逸  
卓犖吾敬孔文舉雄姿傑出有王霸之畧吾敬劉玄德所敬如此何驕之有餘子  
瑣瑣安足錄哉因仰天太息此亦原父之雅趣也吾後在黃州作詩云平生我亦  
輕餘子晚歲人誰念此翁蓋記原父語也後漢馬援傳在交趾常餌薏苡軍還載  
之一車及卒後有人上書譖之以為前所載還皆明珠文犀國語晉范文子曰有  
秦客度詞於朝注度者隱也左傳宣十二年楚伐蕭還無社號申叔展叔展曰有  
麥麴乎曰無有山鞠窮乎曰無河魚腹疾奈何杜預注麥麴窮所以禦濕欲使  
無社逃泥水中軍中不敢正言故謬語鞠窮即芎藭音起弓切晉陶  
潛有責子詩後漢馮衍傳娶北地任氏女悍忌不得畜媵妾衍字敬通

君家玉臂貫銅青下客何時見目成勤把鉛黃記宮樣

莫教絃管作蠻聲熏衣漸歎衙香少擁髻遙憐夜語清

記取北歸攜過我南江風浪雪山傾公自注君自南江赴任不一過我

楚辭九歌滿堂兮美人忽獨與余兮目成韋應物宮人入道詩高髻雲鬟宮樣粧世說郝隆作詩云姬隅躍清池相溫問姬隅何物答曰蠻名魚也溫曰何以作蠻

語隆曰千里投公始得蠻府參軍那不作蠻語香譜載唐化度寺及雍文微郎中二衙香法擁髻用伶玄樊通德事已見

### 記夢回文二首 并引叙

十二月二十五日大雪始晴夢人以雪水烹小團

茶使美人歌以飲余夢中為作回文詩覺而記其

一句云亂點餘花唾碧衫意用飛燕故事也乃續

之為二絕句云

醜顏玉盃捧纖纖亂點餘花唾碧衫歌咽水雲凝靜院

夢驚松雪落空巖

趙飛燕外傳后與使仔坐誤唾使仔袖使仔曰姊唾之染紺袖正如石上花假令尚方為之未必如此衣之華也以為石花廣袖列子湯問篇薛譚學謳於秦青響過行雲顏延年詩山明望松雲



空花落盡酒傾缸。日上山融雪漲江。紅焙淺甌新火活。龍團小碾鬪晴牕。

三朵花 并引

房州通判許安世以書遺余言吾州有異人常戴三朵花莫知其姓名郡人因以三朵花名之能作詩皆神仙意又能自寫真人有得之者許欲以一本見惠乃為作此詩

學道無成鬢已華。不勞千劫漫烝砂。歸來且看一宿覺。未暇遠尋三朵花。兩手欲遮瓶裏雀。四條深怕井中蛇。畫圖要識先生面。試問房陵好事家。

粵地記勝所載先生詩三句解云子年從服長生藥三朵花長籍石老花与春真石同

楞嚴經若不斷淫修禪定者如烝砂石欲其成飯經百千劫祇名熱砂傳燈錄溫州永嘉禪師初謁六祖問答相契便欲辭去祖留一宿謂之一宿覺七女經國王機惟尼有七女第二女字須臾摩游家間言雀在餅中復蓋其口不能出飛今餅已云破雀飛而去又七賢女偈曰雀來入瓶中羅穀掩瓶口穀穿雀飛去識神隨業走傳大士善慧錄亦云賓頭盧為優陀延王說法經云昔有人行曠野為象所逐見一丘井即入井中藏井有四毒蛇欲螫其身大王當知此人苦惱不可勝數

次韻陳四雪中賞梅 陳四即季常

臘酒詩催熟。寒梅雪鬪新。杜陵休歎老。韋曲已先春。獨秀驚凡目。遺英臥逸民。高歌對三白。遲暮慰安仁。

杜子美酬裴迪蚤梅詩江邊一樹垂垂發朝夕催人自白頭又詩韋曲花無賴家家惱殺人楚辭招魂激楚之結獨秀先些逸民用袁安僵臥事已見吳中風俗占臘月見三白田翁笑嚇嚇

正月二十日與潘郭二生出郊尋春忽記去年



是日同至女王城作詩乃和前韻

東風未肯入東門。走馬還尋去歲村。人似秋鴻來有信。事如春夢了無痕。江城白酒三杯釀。野老蒼顏一笑溫。已約年年為此會。故人不用賦招魂。

楚辭宋玉哀屈  
原作招魂章

是日偶至野人汪氏之居有神降於其室自稱

天人李全字德通善篆字用筆奇妙而字不可識云天篆也與余言有所會者復作一篇仍用

前韻

酒渴思茶漫扣門。那知竹裏是仙村。已聞龜策通神語。

更看龍蛇落筆痕。色瘁形枯應笑屈。道存目擊豈非溫。歸來獨掃空齋臥。猶恐微言入夢魂。

法書苑仲尼書吳季札墓志變化開合若龍蛇盤據史記屈原傳被髮行吟澤畔  
顏色憔悴形容枯槁莊子田子方溫伯雪子見仲尼而不言曰若夫人者目擊而  
道存矣

浚井

古井沒荒萊。不食誰為惻。鉞矍下兩纒。蛙蚓飛百尺。腥風被泥滓。空響聞點滴。上除青青芹。下洗鑿鑿石。露濡愧童僕。杯酒暖寒栗。白水漸泓渟。青天落寒碧。云何失舊穢底。來新潔井在有無中。無來亦無失。

周易井渫不食為我心惻。津陽門詩注石壑巖下有泉寺僧於上層樓中。輓轡斜引纒長二百尺。詩國風揚之水白石鑿鑿。漢義縱傳為定襄太守郡中不寒而栗。



周易井無喪無得往來井井

紅梅三首

石曼卿紅梅詩按此謂此兩句村學至中

怕愁貪睡獨開遲。自恐冰容不入時。故作小紅桃杏色。尚餘孤瘦雪霜姿。寒心未肯隨春態。酒暈無端上玉肌。

詩老不知梅格在。更看綠葉與青枝。公自注石曼卿紅梅詩云認桃無綠葉辨杏有青枝

雪裏開花卻是遲。何如獨占上春時。也知造物含深意。

故與施朱發妙姿。細雨裊殘千顆淚。輕寒瘦損一分肌。

不應便雜天桃杏。數點微酸已著枝。一作牛

齊已蚤梅詩前村深雪裏昨夜一枝開宋玉好色賦著粉太白施朱太赤

幽人自恨探春遲。不見檀心未吐時。丹鼎奪胎那是寶。

此意為之

此他山有牡丹詩如安

公自注朱砂紅銀謂之不奪胎色玉人搵頰更多姿。抱叢暗藥初含子。落盡

穠香已透肌。乞與徐熙新畫樣。竹間璀璨出斜枝。

楚辭遠遊玉色頰以艷顏今精神粹而始壯注搵怒色玉人怒則頰紅故以比紅梅也沈存中筆談國初江南布衣徐熙墨筆畫花殊草草略施丹粉神氣迥出別

有生動之意

和子由寄題孔平仲草菴

逢人欲覓安心法。到處先為問道菴。盧子不須從若士。

蓋公當自過曹參。羨君美玉經三火。笑我枯桑困八蠶。

猶喜大江同一味。故應千里共清甘。

神仙傳若士者古之仙人燕虛敖至蒙谷之山見焉方踞龜殼而食蛤蜊謂敖曰吾方與汗漫期九垓之外不可久住乃竦身入雲中漢曹參傳為齊丞相聞蓋公善治黃老言避正堂舍焉三火用淮南子鍾山之玉灼以爐炭三日夜語已見左太冲吳都賦鄉貢八蠶之綿交州記一歲八蠶出日南晉安海物異名記八蠶綿

時年仲夏州知結



者八蠶共作一綿華嚴經譬如眾水皆同一味隨器異故水有差別

二蟲

君不見水馬兒步步逆流水大江東流日千里此蟲趨  
趨長在此君不見鷄濫堆決起隨衝風隨風一去宿何  
許逆風還落蓬蒿中二蟲愚知俱莫測江邊一笑無人  
識

杜子美詩鴈兒爭水馬毛詩嚶嚶草蟲趨趨阜螽注趨趨躍也方言阿如軋亦名鷄濫堆莊子逍遙游蝸與鷺鳩笑之曰我決起而飛捨榆枋又之二蟲又何知

陳季常見過二首

陳季常名慥父希亮字公弼其先自京兆遷於眉公弼知鳳翔公始筮仕為簽書判

官相從二年公至黃季常數從之游既為公弼作傳又為季常作方山子傳

上卷有陳季常所著朱陳家學圖則其先已若在彼矣亦可

仕宦常畏人退居還喜客君來輒館我未覺雞黍窄東

坡有奇事已種十畝麥但得君眼青不辭奴飯白

晉阮籍傳能為青白眼見禮俗之士以白眼對之嵇康造焉乃見青眼杜子美入秦行為君酷酒滿眼酷與奴白飯馬青芻

送君四十里只使一帆風江邊千樹柳落我酒杯中此  
行非遠別此樂固無窮但願長如此來往一生同  
聞君開龜軒東檻俯喬木人言君畏事欲作龜頭縮我  
知君不然朝飯仰暘谷餘光幸分我不死安可獨

盧仝月蝕詩北方寒龜被蛇縛藏頭入殼如入獄再見暘谷用內景經吞日華事注見本卷史記甘茂傳貧人女與富人女會績貧女曰我無以買燭而子之燭光幸有餘子可分我餘光無損子明而得一斯便焉韓退之文我得祕藥不可獨不死詳見十二卷

寒食雨二首

魚目直謂此二詩不減李太白

自我來黃州已過三寒食年年欲惜春春去不容惜今



年又苦雨。兩月秋蕭瑟。臥聞海棠花。泥汗燕脂雪。暗中偷負去。夜半真有力。何殊病少年。病起頭已白。

此詩却不從龍利

莊子大宗師藏舟於壑藏山於澤謂之固矣然而夜半有力者負之而走

春江欲入戶。雨勢來不已。小屋如漁舟。濛濛水雲裏。空

庖煮寒菜。破竈燒溼葦。那知是寒食。但感烏御紙。君門

深九重。墳墓在萬里也。擬哭途窮。死灰吹不起。

白樂天寒食吟風吹曠野紙錢飛宋玉九辯君之門今九重杜子美詩此身醒復醉不擬哭途窮漢韓安國傳死灰獨不復然乎

### 徐使君分新火

臨臯亭中一危坐。三見清明改新火。溝中枯木應笑人。鑽斫不然誰似我。黃州使君憐久病。分我五更紅一朵。

及大之制字時插用  
之石名曰時姑慶

法怡到先生真跡但見  
鳥銜紙感字改見字更  
穩亮  
舊居此山黃帝可名石如  
者以乃名景景知者以乃  
于情結四種覽者保  
宗王風賦吹死友

從來破釜躍江魚。只有清詩嘲飯顆。起攜蠟炬遶空屋。欲事煎烹無一可。為公分作無盡燈。照破十方昏暗鎖。

漢東方朔傳捐薦去几危坐而聽周禮司燿掌行火之政令四時變國火韋慎微咸鎬故事清明日尚食內園官小兒於殿前鬪鑽新火先進者賜絹三匹梳一口尋以新火賜宰臣以下盧全詩不堪鑽斫為天下溝中用莊子百年之木其斷在溝中語已見躍魚暗使范丹釜中生魚事注再見飯顆詳見十三卷答孔周翰詩注韓退之石鼎聯句巧匠琢山骨剡中事煎烹華嚴經譬如一燈燃百千燈其本一燈無滅無盡維摩經天女問維摩詰我等云何住魔宮摩詰云有法門名無盡燈譬如一燈燃百千燈冥者皆明明終無盡

### 次韻答元素

并引 元素姓楊氏名繪九卷有分贈元素桂花詩

余舊有贈元素詞云。天涯同是傷流落。元素以為今日之先兆。且悲當時六客之存亡。六客蓋張子野劉孝叔陳令舉李公擇及元素與余也。



不愁春盡絮隨風。但喜丹砂入頰紅。流落天涯先有識。摩挲金狄會當同。蓬蓬未必都非夢。了了方知不落空。莫把存亡悲六客。已將地獄等天宮。

劉禹錫楊柳枝詞春盡絮飛留不得隨風好去落誰家賈誼服賦識言其度注云識驗也有徵驗之書也漢晉春秋魏明帝徙長安銅人金狄或泣摩挲後漢蘇子訓事蓬蓬用莊子語俱再見蔡神師十玄談了了時無可了了玄玄處亦須訶殷勤為唱玄中曲空裏蟾光撮得麼等量經阿鼻地獄與非非想天劫數苦樂等無有二

○ 蜜酒歌 并引叙

西蜀道人楊世昌善作蜜酒絕醇醲余既得其方作此歌以遺之

真珠為漿玉為醴六月田夫汗流此不如春壅自生香

蜀何世人手儀

蜂為耕耘花作米一日小沸魚吐沫二日眩轉清光活三日開壅香滿城快瀉銀瓶不須撥百錢一斗濃無聲甘露微濁醲醲清君不見南園採花蜂似雨天教釀酒醉先生先生年來窮到骨問人乞米何曾得世閒萬事真悠悠蜜蜂大勝監河侯

真誥石英夫人答許長史書云玉醴金漿交梨火棗乃飛騰之藥唐顏魯公有與李大保乞米帖注已見莊子家貧貸粟於監河侯再見

○ 又一首答二猶子與王郎見和

脯青苔炙青蒲爛蒸鵝鴨乃瓠壺煮豆作乳脂為酥高燒油燭斟蜜酒貧家百物初何有古來百巧出窮人搜羅假合亂天真詩書與我為麴蘖醞釀老夫成搢紳質

身想身句 徐陵與宗室書



非文是終難久。脫冠還作扶犁叟。不如蜜酒無燠寒。冬不加喆夏不酸。老夫作詩殊少味。愛此三篇如酒美。封胡羯末已可憐。不知更有王郎子。

盧氏雜說鄭餘慶召親朋食救家人曰爛蒸去毛勿拗折項客謂必鵝鴨也良久每人前栗飯一甌蒸盡盧一枚公食美甚諸人強進而罷山海經倭始為百巧古老有百無一有百巧百窮之語至今俗諺尚爾李白丹丘談玄詩假合作容貌揚子其文是也其質非也洞仙傳郭璞曰吾昨夜夢在石頭外江中扶犁而耕後漢馬援傳過是欲少味矣晉列女傳謝道韞初適凝之還甚不樂叔父安曰王郎逸少子不惡汝何恨答曰一門叔父則有阿大中郎羣從兄弟復有封胡羯末不意天壤之中乃有王郎封謂謝歆胡謂謝朗羯謂謝玄末謂謝川皆小字也麗情集無雙傳劉振妻常戲呼王仙客為王郎子

謝陳季常惠一措巾

措巾 措鳥 感切

夫子胃中萬斛寬。此巾何事小團團。半升僅漉淵明酒。二寸纔容子夏冠。好戴一作帶黃金雙得勝。休教一本作可憐白苧

一生酸臂弓腰箭。何時去直上陰山取可汗。

南史陶潛酒熟取頭上葛巾漉酒訖還復著之已見漢杜欽傳字子夏茂陵杜鄴與欽同姓字俱以才能稱京師而欽目偏盲故衣冠謂欽為盲杜子夏以相別欽惡以疾見詆迺為小冠高廣纔二寸由是京師更謂欽為小冠杜子夏雙得勝世人巾裏以黃金為大環雙繫其帶謂之得勝環疑用此事亦恐自有故實姑俟知者古樂府白紵歌制以為袍餘作巾袍以光軀巾拂塵唐李靖傳突厥寇太原靖率勁騎三千趨惡陽嶺頡利可汗大驚亡去為張寶相禽以獻於是斥地自陰山北至大漠矣

贈黃山人

面頰照人元自赤。睂毛覆眼見來烏。倦游不擬談玄牝。示病何妨出白鬢。絕學已生真定慧。說禪長笑老浮屠。東坡若肯三年住。親與先生看藥爐。

舊唐書毛若虛睂毛覆於眼老子玄牝之門是謂天地根楞嚴經攝心為戒因戒生定因定發慧是名三無漏學袁宏漢紀浮屠佛也西域天竺國有佛道焉佛者

正合用此兩事



漢言覺也將以  
覺悟羣生也

### 問大冶長老乞桃花茶栽東坡

周詩記苦茶茗飲出近世初緣厭梁肉假此雪昏滯嗟  
我五畝園桑麥苦蒙翳不令寸地閑更乞茶子藝飢寒  
未知免已作太飽計庶將通有無農末不相戾春來凍  
地裂紫筍森已銳牛羊煩呵叱筐筥未敢睨江南老道  
人齒髮日夜逝他年雪堂品空記桃花齋

詩國風誰謂茶苦其甘如薺洛陽伽藍記齊王肅初好茗飲及歸魏高祖問茗飲  
何如酪漿肅曰茗不中與酪作奴高祖大笑因號茗飲為酪奴李肇國史補湖州  
有顧渚紫筍茶茶苑總錄段成式謝因禪師茶云忽惠荊州紫筍茶一角寒茸擢  
筍本貴含膏嫩葉抽芽方珍搗草詩大雅敦彼行葦牛羊勿踐履國風于以盛之  
維筐及筥

### 魚蠻子

江淮水為田舟楫為室居魚鰕以為糧不耕自有餘異  
哉魚蠻子本非左衽徒連排入江住竹瓦三尺廬於焉  
長子孫戚施且侏儒擘水取魴鯉易如拾諸途破釜不  
著鹽雪鱗毛青蔬一飽便甘寢何異獺與狙人間行路  
難踏地出賦租不如魚蠻子駕浪浮空虛空虛未可知  
會當算舟車蠻子叩頭泣勿語桑大夫

漢五行志吳地以船為家以魚為食國語戚施不可使仰侏儒不可使援劉禹錫  
有獺吟下見盈尋魚投身擘洪漣禮記內則芼之以萍藻古樂府有行路難曲漢  
武帝紀元光六年初算商車李奇曰始稅商賈車船令出算食貨志船有算商者  
少物貴又異時算輅車賈人之緡皆有差又卜式曰縣官當食租衣稅而已今桑  
弘羊令吏坐列販物求利烹弘  
羊天乃雨弘羊嘗為御史大夫

一轉隊列何可令  
奉移新法者向



弔李臺卿 并引

李臺卿字明仲廬州人貌陋甚性介不羣而博學強記罕見其比好左氏有史學考正同異多所發明知天文律曆千載之日可坐數也軾謫居黃州臺卿為麻城主簿始識之既罷居於廬而曹光州演甫以書報其亡臺卿光州之妻黨也

我初未識君人以君為笑垂頭老鶴雀煙雨霾七竅弊衣來過我危坐若持釣褚裒半面新駸蔑一語妙徐徐步其瀾極望不可徼卻觀元嫵媚士固難輕料看書眼如月罅隙靡不照我老多遺忘得君如再少從橫通雜

此詩不足傳此人  
予我而下後者始而  
若以繼而起教又  
繼之以太息得入  
名已死後日恨耶

藝甚博且知要所恨言無文至老幽不耀其生世莫識已死誰復弔作詩遺故人庶解俗子譙

唐裴寬呼為碧鶴雀再見莊子應帝王儵與忽謂渾沌曰人有七竅以視聽食息子獨無有褚裒問蓋嘉何在注見本卷左傳昭二十八年叔向適鄭駸蔑惡欲觀叔向從使之收器者而往立於堂下一言而善叔向聞之曰必駸明也下執其手以上遂如故知老子常有欲以觀其微唐韻微小道也世說支道林曰北人看書如顯處視月南人學問如牖中窺日漢司馬遷傳儒者博而寡要唐蕭德言傳太宗詔哀次經史百代帝王所以興衰者上之帝愛其書博而要左傳孔子曰言之不文行之不遠老子聖人直而不肆光而不耀

曹旣見和復次其韻

造物本兒嬉風噫雷電笑誰令妄驚怪失七號萬竅人走江湖一一操網釣偶然連六鼈便為此手妙空令任公子三歲蹲海徼長貧固不詞辭一死實未料難將

此詩過于人氣  
甚矣

豈特  
吉室  
之此而



著草算除用佛眼照何人嗣家學恨子兒尚少嗟我與  
曹君衰老世不要空言今無救奇志後必耀吟君五字  
詩義重千金弔收藏慎勿出免使羣兒譙

舊唐書杜審言傳甚為造物小兒相苦新書云造化小兒列子湯問篇龍伯之國  
有大人舉足不盈數步而暨五山之所一釣而連六鰲莊子外物任公子為大釣  
巨緇五十犗以為餌躡乎會稽投竿東海旦旦而釣期年不得魚晉載記下崇曰  
所欠惟一死耳蜀志諸葛亮傳司馬仲達曰吾便料生不便料死也史記龜策傳  
能得百莖著草并得其下龜以下者百言百當足以決吉凶金剛經如來有佛眼  
否傳大士頌云佛眼如千日照異體還同左傳莊二十二年非此其身在其子孫  
光遠而自他  
有耀者也

施註蘇詩卷之十九

施註蘇詩卷之二十

漫堂先生宋 榮

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩四十九首

起在黃州盡元豐七年甲子量移汝州作

次韻孔毅父集古人句見贈五首

孔毅父各平仲家世見第十卷父長

源挽  
詞注

羨君戲集他人詩指呼市人如使兒天邊鴻鵠不易得  
便令作對隨家雞退之驚笑子美泣問君久假何時歸  
世閒好句世人共明月自滿千家墀



市人用史記淮陰傳  
驅市人而戰之意

紫駝之峰人莫識。雜以雞豚真可惜。今君坐致五侯鯖。盡是猩脣與熊白。路旁拾得半段槍。何必開鑪鑄矛戟。用之如何在我耳。入手當令君喪魄。

西京雜記五侯不相能賓客不得來往婁護豐辯傳會五侯閒各得其歡心競致奇膳乃合以為鯖世稱五侯鯖以為奇味焉裴啟語林亦云五侯王氏婁護漢書作樓護呂氏春秋伊尹說湯曰肉之美者猩猩之脣象之紋張協七命封熊之掌翰音之跖燕髀猩唇髦殘象白按熊白即如謂象白也唐哥舒翰傳遇吐蕃苦拔海翰持半段槍迎擊所向披靡

天下幾人學杜甫。誰得其皮與其骨。劃如太華當我前。跛狎欲上驚嶮崿。名章俊語紛交衡。無人巧會當時情。前生子美只君是。信手拈得俱天成。

書斷羊欣云胡昭草行得張芝骨索靖得其肉韋誕得其筋史記李斯傳太山之高百仞而跛狎牧其上李太白上裴長史書名章俊語絡繹閒起傳燈錄洛普和尚頌云入荒田不揀信手拈來草觸目未嘗無臨機何不道

詩人雕刻閑草木。搜抉肝腎神應哭。不如默誦千萬首。左抽右取談笑足。夜吟石鼎聲悲秋。可憐好事劉與侯。何當一醉百不問。我欲眠矣君歸休。

揚子或問雕刻象形者匪天歟韓退之贈崔立之詩勸君韜養待招徵不用雕琢愁肝腎古詩話賀知章見李白烏桕曲曰此詩可泣鬼神矣詩國風左旋右抽中軍作好韓退之石鼎聯句序道士軒轅彌明夜抵劉師服居宿指鑪中石鼎謂侯喜曰子能為詩能與我賦此乎劉與侯皆已賦十餘韻彌明應之如響

膏明蘭臭俱自焚。象牙翠羽戕其身。多言自古為數窮。微中有時堪解紛。癡人但數羊羔兒。不知何者是左慈。千章萬句卒非我。急走捉君應已遲。



東坡初貶黃州五年  
即細而極在南山新免  
三時也次年正月二十  
日有女王城之詩又次  
年正月二十日有事如  
春夢了無痕之詩又  
此年有是詩三四則  
謂元豐官制行後廢  
宗惟職立秘書省省  
時先生黃已四年也  
任所云則新舊二字詩  
證多着後當以故者  
是  
除舊序而儲士

意深矣現此等語  
惟可以放火貨之出廢  
抑亦可以見時事之更  
張仁而所以道燕  
安于後世者何其感  
思豐之政所以大有可  
恨者何其類其類  
下句云云又可痛哉  
第一語教年甘字  
漁雅而忠也勢掃  
舊業而事陸放  
第山見行

漢兩龔傳薰以香自燒膏以明自銷周易同心之言其臭如蘭左傳襄二十四年  
象有燕以焚其身賄也異物志翠鳥形似燕赤而翠青人取其羽以為飾吳筠  
玄猿賦小則翡翠頌於毛羽大則犀象殘於齒革老子多言數窮不如守中史記  
滑稽傳談言微中亦可以解紛後漢左慈傳曹操欲殺之走入羊羣操知不可得  
乃令就羊中告之曰不復相殺本試君術耳忽一老羝人立而言曰遽如許即  
競往赴之而羣羊數百皆變為羝並居前膝人立云遽如許遂莫知所取焉

六年正月二十日復出東門仍用前韻

亂山環合水侵門身在淮南盡處村五畝漸成終老計  
九重新掃舊巢痕豈惟見慣沙鷗熟已覺來多釣石溫  
長與東風約今日暗香先返玉梅魂

舊巢痕按陸游作施氏注東坡詩序解舊巢字甚詳云昔祖宗以三館養士儲將  
相才及官制行罷三館而東坡蓋嘗直史館然自謫為散官削去史館之職久矣  
至于史館亦廢故云新掃舊巢痕其用事之嚴如此思意  
詩句必作如是解母乃太固後人穿鑿之病所以不免也

食甘

一雙羅帕未分珍林下先嘗愧逐臣露葉霜枝翦寒碧  
金槃玉指破芳辛清泉款款先流齒香霧霏霏欲喫人  
坐客殷勤為收子千奴一掬奈吾貧

唐蕭嵩傳荆州進黃甘帝以紫粉包賜之又柳氏舊聞云以素羅包其二賜嵩薛  
逢謝西川相公賜甘子詩滿合新甘破鼻香相公恩重賜先嘗千奴用李衡千頭  
木奴事詳見上  
卷東坡詩法

大寒步至東坡贈巢三

巢三名谷字元修眉山人嘗舉進士京師東坡責黃州谷走江淮因  
與之遊及二蘇用於朝谷未嘗一見逮謫嶺海慨然自眉山徒步  
訪之至梅州遺文定書曰我萬里步行見公不自意至今至梅矣  
文定驚喜曰此非今世人古之人也既見相泣時谷年七十三將  
復見文忠於海南文定止之不可至新會蠻隸竊其囊裝獲於新  
州谷從之  
病死於新

春雨如暗塵春風吹倒人東坡數間屋巢子誰與鄰空



牀斂敗絮破竈鬱生薪相對不言寒哀哉知我貧我有  
一瓢一作酒獨飲良不仁未能賴我頰聊復濡子唇故人  
千鐘祿馭吏醉吐茵那知我與子坐作寒醬呻努力莫  
怨天我爾皆天民行看花柳動共享無邊春

南史陶潛傳敗絮自擁何慙兒子杜荀鶴詩  
旋斫生柴帶葉燒吐茵用漢丙吉事注再見

元脩菜 并引

菜之美者有吾鄉之巢故人巢元脩嗜之余亦嗜  
之元脩云使孔北海見當復云吾家菜耶因謂之  
元脩菜余去鄉十有五年思而不可得元脩適自  
蜀來見余於黃乃作是詩使歸致其子而種之東

元脩誤以君平  
為北海坡因之  
耳

坡之下云

世說楊脩九歲甚聰慧孔君平詣其父父不在兒為設果  
孔指楊梅以戲兒曰此是君家果應聲答曰未聞孔雀是

君家禽

彼美君家菜鋪田綠茸茸豆莢圓且小槐牙細而豐種  
之秋雨餘擢秀繁霜中欲花而未萼一一如青蟲是時  
青帚女採擷何怱怱烝之復湘之香色蔚其饒點酒下  
鹽豉縷橙芼薑蔥那知雞與豚但恐放箸空春盡苗葉  
老耕翻煙雨叢潤隨甘澤化暖作青泥融始終不我負  
力與糞壤同我老忘家舍楚音變兒童此物獨嫵媚終  
年繫余胃君歸致其子囊盛勿函封張騫移首宿適用  
如葵菘馬援載薏苡羅生等蒿蓬懸知東坡下瘠鹵化

趙景和雲麓  
漫抄云巢菜  
即豌豆苗恐非  
是若豌豆即不  
當云春盡苗葉  
老耕翻煙雨  
叢也  
冬月之用好後  
乃是







對立鵙鵙相媚嫵。開樽藉草勸行路。不惜春衫汗泥土。  
褰裳共過春草亭。扣門卻入韓家圃。輓轡繩斷井深碧。  
鞦韆索挂人何所。映簾空復小桃枝。乞漿不見鷹門如。  
南山古臺臨斷岸。雪陣翻空迷仰俯。故人餽我玉葉羹。  
火冷煙消誰爲煮。崎嶇束縵下荒徑。姪姪隔花聞好語。  
更隨落景盡餘樽。卻旁孤城得僧宇。主人勸我洗足眠。  
倒牀不復聞鐘鼓。明朝門外泥一尺。始悟三更雨如許。  
平生所向無一遂。茲游何事天不阻。固知我友不終窮。  
豈弟君子神所予。

黃州東坡圖柯山四望直南高丘故亦名柯丘東南隅海棠一株甚茂又柯丘南尚氏家有叢枳甚大公嘗自爲圖之晉書王徽之傳吳中一士大夫家有好竹欲

觀之使出坐輿造竹下諷嘯良久主人灑掃請坐徽之不顧將出主人乃閉門徽之便以此賞之盡歡而去又互見前晉阮脩傳意有所思率爾褰裳不避晨夕小桃用本事詩所載崔護事已見傳奇裴航經藍橋驛因渴乞漿于茅舍老嫗曰雲英擎一甌漿來郎君要飲俄於葦箔下出雙玉手捧瓷甌飲之互見十四卷次韻舒教授詩注漢蒯通傳東縵請火於亡肉家歐陽永叔莫登樓詩姪姪扶欄車兩頭髮髦垂鬟嬌未羞詩大雅豈弟君子神所勞矣韓退之薦士詩微詩公勿謂所勞

日日出東門

日日出東門。步尋東城游。城門抱關卒。笑我此何求。我亦無所求。駕言寫我憂。意適忽忘返。路窮乃歸休。懸知百歲後。父老說故侯。古來賢達人。此路誰不由。百年寓華屋。千載歸山丘。何事羊公子。不肖過西州。

詩國風駕言出游以寫我憂史記蕭何世家召平者故秦東陵侯晉羊曇謝安甥也安薨後行不由西州路詳見七卷游東西巖詩注



南堂五首

齊安拾遺夏澳口之側本水驛有亭曰臨臯郡人以驛之高坡上築南堂為先生游息

江上西山半隱堤。此邦臺館一時西。南堂獨有西南向。臥看千帆落淺谿。暮年眼力嗟猶在。多病顛毛卻未華。故作明牕書小字。更開幽室養丹砂。他時夜雨困移牀。坐厭愁聲點客腸。一聽南堂新瓦響。似聞東塢小荷香。山家為割千房蜜。稚子新畦五畝蔬。更有南堂堪著客。不憂門外故人車。

杜子美秋野詩風落收松子天寒割蜜房孟東野新居詩獨治五畝蔬

掃地燒香閉閣眠。簟紋如一作似水帳如煙。客來夢覺知何處。挂起西牕浪接天。

李商隱詩水紋簾滑鋪牙牀李太白詩碧紗如煙隔牕語尉遲偓中朝故事路巖籍沒有蚊蠅一項輕密如煙人疑其蛟綃也

次韻子由種杉竹

吏散庭空雀噪簷。閉門獨宿夜厭厭。似聞梨棗同時種。應與杉篁刻日添。糟麴有神熏不醉。雪霜誇健巧相沾。先生坐待清陰滿。空使人人歎滯淹。

詩小雅厭厭夜飲注安也

孔毅父妻挽辭

結禱記初歡。同穴期晚歲。擇夫得溫嶠。生子勝王濟。高



風相賓友。古義仍兄弟。從君吏隱中。窮達初不計。云何抱沈疾。俯仰便一世。幽陰淒房櫳。芳澤在中袂。百年縱得滿。此路行亦逝。那將有限身。長瀉無益涕。君文照今古。不比山石脆。當觀千字誄。寧用百金瘞。

毛詩東山四章樂男女之得及時也云親結其禱九十其儀毛傳曰禱婦人之禱禱香纓也又大車刺周大夫禮義陵遲男女淫奔云殺則異室死則同穴世說溫嶠從姑有一女屬嶠覓婿嶠報姑已得之門地婿身盡不滅嶠因下玉鏡臺一枚既交禮女以手披紗扇撫掌大笑曰我固疑是老奴晉列女傳王渾妻鍾琰生子濟詳見八卷賀陳述古弟章生子詩注左傳僖公三十二年曰季使過冀見冀缺擣其妻饁之敬相待如賓後漢龐公傳夫妻相與敬如賓客古樂府焦仲卿妻詩結髮同枕席黃泉共為友毛詩女曰雞鳴陳古義以刺今不說德而好色也又宴爾新婚如兄如弟漢班婕妤賦房櫳虛兮風泠泠楚詞大招粉白黛黑施芳澤鄭玄周禮注誄謂積累生時德行漢朱建傳母死辟陽侯奉百金稅注視贈終者之衣被

### 次韻孔毅父久旱已而甚雨三首

先生為楊道士書一帖云僕謫居黃

岡綿竹武都山道士楊世昌子京自廬山來過余口口口乃去其人善畫山水能鼓琴曉星歷骨色及作軌革卦影通知黃白藥術可謂藝矣明日當舍余去為之悵然浮圖不三宿木下真有以也元豐六年五月八日東坡居士又一帖云十月十五日夜與楊道士泛舟赤壁飲醉夜半有一鶴自江南來翅如車輪嘎然長鳴掠余舟而西不知其為何祥也聊復記云按次毅父韻第三首載西州楊道士凡數聯因此帖知為世昌詩中又言次洞簫其自廬山從公蓋壬戌之夏前赤壁賦云客有吹洞簫者殆是楊也先生先嘗為賦蜜酒歌後赤壁賦云適有孤鶴橫江東來觀此帖蓋非寓言夢一道士者豈即世昌姑托以夢耶先生道大才高不容於時憂患半生如陳季常巢元脩張中吳子野輩獨相從流離困厄之中其姓名遂不沒於千載今世昌藉此復有傳於後世夫豈偶然二帖書在蜀牋筆畫甚精宿嘗以入石云

饑人忽夢飯甑溢。夢中一飽百憂失。只知夢飽本來空。未悟真饑定何物。我生無田食破硯。爾來硯枯磨不出。去年太歲空在酉。傍舍壺漿不容乞。今年旱勢復如此。



大底好罵  
誰能看其出處

若年說久年  
從風字即帶  
和孔

說到兩思力  
計

下所建象家好

妹  
非來  
來字

歲晚何以黔吾突。青天蕩蕩呼不聞。况欲稽首號泥佛。  
 鑿中蜥蜴尤可笑。跂跂脈脈何等秋。陰陽有時雨有數。  
 民是天民天自卹。我雖窮苦不如人。要亦自是民之一。  
 形容雖是喪家狗。未肯弭耳爭投骨。倒冠落幘謝朋友。  
 獨與蚊雷共圭華。故人嗔我不開門。君視我門誰肯屈。  
 可憐明月如潑水。夜半清光翻我室。風從南來非雨候。  
 且為疲人洗蒸鬱。寒裳一和快哉謔。未暇饑寒念明日。

白樂天詩。渴人多夢飲。饑人多夢食。唐杜牧傳。夢書皎皎白駒字。俄而飯甑裂。牧曰不祥也。乃自為墓志。馬總意林。哀雅正書。太歲在酉。乞漿得酒。太歲在巳。販妻鬻子。則知災祥有自然之理。史通略及朝野僉載。竝云。後漢和熹。鄧皇后紀。嘗夢捫天蕩蕩。正青張奐傳。凡人之情。寃則呼天。窮則扣心。今呼天不聞。扣心無益。誠自傷痛。蜥蜴詳見十二卷。蠍虎詩注。史記孔子世家。鄭人謂孔子累累若喪家之狗。再見戰國策。應侯謂秦王曰。王見大王之狗臥者。臥起者。起行者。行止者。止毋

相與鬪者。投之一骨。輕起相牙。何則。有爭意也。漢中山靖王傳。眾响漂山。聚蚊成雷。左傳。襄十年。王叔之宰曰華門。圭竇之人。杜預注。華門。柴門。圭竇。小戶。穿壁為戶。上銳下方。狀如圭也。快哉。用宋玉風賦語。注已見。

去年東坡拾瓦礫。自種黃桑三百尺。今年刈草蓋雪堂。  
 日炙風吹面如墨。平生懶惰今始悔。老大勤農天所直。  
 沛然例賜三尺雨。造化無心悅難測。四方上下同一雲。  
 甘霖不為龍所隔。公自注。俗有分龍日。蓬蒿下濕迎曉來。燈火新涼  
 催夜織。老夫作罷得甘寢。臥聽牆東人響屐。奔流未已  
 坑谷平。折葦枯荷恣漂溺。腐儒麤糲支百年。加耕不受  
 衆目憐。破陂漏水不耐旱。人力未至求天全。會當作塘  
 徑千步。橫斷西北遮山泉。四鄰相率助舉杵。人人知我

地生來詩卷之二十一



囊無錢。明年共看決渠雨。饑飽在我寧關天。誰能伴我  
田間飲。醉倒惟有支頭瓢。

詩小雅上天同雲杜子美詩四海八荒同一雲又詩百年麤糲腐儒食班孟堅西  
都賦決渠降雨荷鋪成雲漢李廣傳嘗夜從一騎出從人田間飲韓退之詩暫奉

一手支  
頭臥

天公號令不再出。十日愁霖併為一。君家有田水冒田。  
我家無田憂入室。不如西州楊道士。萬里隨身惟兩膝。  
沿流不惡泝亦佳。一葉扁舟任飄突。山芎麥麩都不用。  
泥行露宿終無疾。夜來饑腸如轉雷。旅愁非酒不可開。  
楊生自言識音律。洞簫入手清且哀。不須更待秋井塌。  
見人白骨方銜杯。

未章方說甚兩

揚子法言鼓舞萬物者其雷風乎鼓舞萬民者其號令乎雷不一風不再後漢蔡  
邕傳風者天之號令也山芎麥麩用左傳申叔展語詳見上卷和王鞏詩注後漢  
趙壹傳柴車草屣露宿其傍庾信愁賦細酌榴花一兩杯蕩彼愁門終不  
開杜子美醉歌忽憶雨時秋井塌古人白骨生青苔如何不飲令心哀

初秋寄子由

百川日夜逝。物我相隨去。惟有宿昔心。依然守故處。憶  
在懷遠驛。閉門秋暑中。藜羹對書史。揮汗與子同。西風  
忽淒厲。落葉穿戶牖。子起尋袂衣。感歎執我手。朱顏不  
可恃。此語君莫疑。別離恐不免。功名定難期。當時已悽  
斷。况此兩衰老。失塗既難追。學道恨不蚤。買田秋已議。  
築室春當成。雪堂風雨夜。已作對牀聲。

翻借換韻為轉  
折自然遠新  
詩另是一格不特他  
人不能即東坡集  
惟與子由相後詩  
時一見之耳  
倦借隱其如  
三朝知過未  
何

懷遠驛在汴京麗景門按東坡嘉祐六年與子由同奉制策寓懷遠驛笠澤叢書  
陸龜蒙復友生論文書云讀古聖人書每涵泳義味獨坐日昃案上一杯藜羹如



五鼎太牢  
饋於左右

和黃魯直食筍

飽食有殘肉。饑食無餘菜。紛然生喜怒。似被狙公賣爾  
來誰獨覺。凜凜白下宰。公自注太和古白下也。時魯直知吉州太和縣。一飯在家僧。至  
樂甘不壞。多生味蠹簡。食筍乃餘債。蕭然映樽俎。未肯  
雜松芥。君看霜雪姿。童稚已耿介。胡為遭暴橫。三嗅不  
忍嚼。朝來忽解籜。勢迫風雷噫。尚可餉三閭。飯筒纏五  
采。

莊子齊物論狙公賦芋曰朝三而暮四衆狙皆怒曰然則朝四而暮三衆狙皆悅  
名實未虧而喜怒爲用亦因是也再見穆天子傳暴蠹書于羽陵注云暴書中蠹  
蟲韓退之雜詩豈殊蠹書魚生死文字閒續齊諧記屈原以五月五日投汨羅而  
死楚人哀之是日以竹筒貯米祭之建武元年長沙人見人自稱三閭大夫曰常

苦蛟龍所竊願以五色  
絲纏之則蛟龍所畏也

聞子由爲郡僚所掎恐當去官

少學不爲身。宿志固有在。雖然敢自必。用舍置度外。天  
初若相我。發迹造弘大。豈敢負所付。捐軀欲投會。寧知  
事大繆。舉步得狼狽。我已無可言。墮甑難追悔。子雖僅  
自免。雞肋安足賴。低回畏罪罟。黽勉敢言退。若人疑或  
使爲子得微罪。時哉歸去來。共抱東坡耒。

柳子厚冉谿詩少時陳力希公侯許國不復爲身謀後漢隗囂傳帝曰且當置此  
兩子於度外詩大雅而式弘大莊子廣而造大也孔叢子吾於狼狽見聖人之志  
西陽雜俎狼亦狼之類前足絕短每行必駕兩狼失狼則不能行故世言事乖者  
謂之狼狽後漢張步傳負無可言者墮甑後漢孟敏事注已見後漢楊修傳曹  
操欲討劉備而不得進欲守之又難爲功於是出教曰雞肋外曹莫能曉修曰雞  
肋食之則無所得棄之則如可惜公歸計決矣乃令外曰稍嚴操於是回師管劉



伶嘗因醉許官客奮前欲歐之伶徐曰雞肋不足以安尊拳其人笑而止詩小雅豈不懷歸畏此罪罟又黽勉從事不敢告勞

次韻王鞏南遷初歸二首

問君謫南賓野葛食幾尺逢人瘴髮黃入市胡眼碧三年不易過坐睨倚天壁歸來貌如故妙語仍破鑄那能廢詩酒亦未妨禪寂願為尚書郎還賜上方舄

博物志魏太祖習啖野葛至一尺北夢瑣言嶺南黃茅瘴患者髮落白樂天詩大江寒見底巨山青倚天

江家舊池臺修竹圍一尺歸來萬事非惟見秦淮碧平生痛飲處遺墨鴉栖壁西來故父客金印雜鳴鏑三槐老更茂花絮春寂寂中微未可料家廟藏赤舄

劉禹錫江總宅詩池臺竹樹五畝餘至今人道江家宅又詩青松鬱成塢修竹盈尺圍山謙之丹陽記始皇鑿金陵斷方山為瀆令淮水貫城中入大江謂之秦淮

江總歸金陵詩歸來惟見秦淮碧漢吳王濞傳周亞夫問故父絳侯客史記張耳傳外黃女亡其夫去抵父客漢百官表相國丞相金印紫綬晉周顛傳殺諸賊奴取金印如斗大繫肘鳴鏑字出漢匈奴傳注已見曹子建樂府攬弓捷鳴鏑周禮三槐三公位焉按東坡三槐堂記云故兵部侍郎晉國王公嘗手植三槐於庭曰吾子孫必有為三公者已而其子魏國文正公相真宗其子懿敏公事仁宗鞏文正孫也唐禮樂志諸臣之享其親廟室服器之數視其品詩大雅王錫韓侯玄衮赤舄

孔毅父以詩戒飲酒問買田且乞墨竹次其韻

酒中真復有何好孟生雖賢未聞道醉時萬慮一掃空醒後紛紛如宿草十年措洗見真安石如無兒焦穀槁此身何異貯酒瓶滿輒予人空自倒武昌痛飲豈吾意性不違人遭客惱君家長松十畝陰借我一菴聊洗心我田方寸耕不盡何用百頃糜千金枕書熟睡呼不起好學憐君工雜擬且將墨竹換新詩潤色何須待東里



子孟生子孟嘉也注屢見韓退之詩數杯澆腸雖暫醉皎皎萬慮醒還新維摩經文殊師利問維摩詰言菩薩云何觀於衆生維摩詰言如焦穀牙如石女兒嵇康幽憤詩性不傷物頗致怨憎列子方寸之地虛矣監戒錄王梵夫詩云但存方寸地畱與子孫耕

任師中挽辭

任師中名伋已見前注師中為新息令民愛之買田而居後通判黃州知瀘州沒於遂州其在齊安常游於定惠院既去郡人名其亭曰任公東坡遷齊安人知其與師中善也復為師中菴曰師中必來訪予將館於是穎濱為作記

大任師中三兄道

大任剛烈世無有疾惡如風朱伯厚小任溫毅老更文聰明慈愛小馮君兩任才行不須說疇昔竝友吾先人相看半作晨星沒可憐太白與殘月大任先去冢未乾小任相繼呼不還強寄一樽生死別樽中有淚酒應酸貴賤賢愚同盡耳君家不盡緣賢子人間得喪了無憑只有天公終可倚

後漢朱震字伯厚詳見十七卷林子中以詩寄文與可注大小馮君見十二卷和孔密州詩注揚子法言日昃不飲酒酒必酸白樂天詩賢愚貴賤同歸盡北邙冢墓高差我

子由作二頌頌石臺長老問公手寫蓮經字如黑蟻且誦萬遍脅不至席二十餘年予亦作二首

眼前擾擾黑虬蟬口角霏霏白唾珠要識吾師無礙處試將燒卻看瞋無

後漢趙壹傳歎唾自成珠莊子秋水篇子不見夫唾者乎噴則大者如珠小者如霧

眼睛心地兩虛圓脅不沾牀二十年誰信吾師非不睡睡地已死得安眠



傳燈錄第十祖初侍伏馱尊者未嘗睡眠謂其脅不至席號脅尊者遺教經煩惱毒地睡在汝心譬如黑蜣在汝室睡當以持戒之鉤早併除之睡地既出乃可安眠

### 鄧忠臣母周挽辭

鄧忠臣字春思潭州湘陰人

微生真草木無處謝天力。慈顏如春風不見桃李實。古今抱此恨有志俯仰失。公子豈先知戰戰常惜日。吾君日月照委曲到肝鬲。哀哉人子心吾何愛一邑家庭拜。前後粲然發笑色。豈比黃壤下焚瘞千金璧若人道德。人視此亦戲劇聊償曾閱意。遽與仙佛寂孤纍臥江渚。永望墳墓隔作詩相楚挽感動淚再滴。

尚書洛誥王命周公後作冊逸誥孔氏傳云伯禽封命之書皆同在烝祭之日周公拜前魯公拜後公羊傳封魯公以為周公也周公拜乎前魯公拜乎後漢王莽傳子父俱延拜而受之注謂周公拜前魯公拜後出尚書大傳揚雄反騷欽弔楚之湘纍注不以罪死曰纍按孤纍公自謂也譙周法訓曰挽歌者高帝召田橫至

尸鄉自殺從者悲歌以寄其情後續之為薤露蒿里以送喪至李延年分為二等薤露送王公貴人蒿里送士大夫庶人使挽者歌之因呼為挽歌謝希逸宋貴妃誄鏘楚挽於槐風注楚者酸楚也杜子美詩臨岐別數子握手淚再滴

### 徐君猷挽辭

君猷名大受終於黃州事見十九卷戲君猷不飲酒詩註

一舸南游遂不歸。清江赤壁照人悲。請看行路無從涕。盡是當年不忍欺。雪後獨來栽柳處。竹閒行復採茶時。山成散盡樽前客。舊恨新愁只自知。

荆州記蒲圻縣沿江一百里南岸名赤壁周瑜黃蓋乘大艦大破魏武於烏林赤壁東西一百六十里禮記孔子之衛遇舊館人之喪而入哭之遇一哀而出涕子貢曰無乃已重乎子曰子惡夫涕之無從也史記滑稽傳子產治鄭民不能欺子賤治單父民不忍欺西門豹治鄴民不敢欺李後主秋夕詩往愁新恨有誰知

### 和蔡景繁海州石室

蔡景繁名承禧事見二十二卷蔡景繁官舍小閣詩注東坡在黃有答景繁帖

云胸山臨海石室信如所諭前某嘗攜家一游時有胡琴婢就室中作濩索涼州凜然有冰車鐵馬之聲婢去久矣因公復起一念



直叙却似極力誇

若果游此必有新篇當破戒奉和也又云海上奇觀恨不與公同游大篇或可追賦景繁往游既賦詩坡為屬和前所述皆指石曼卿後車胡琴云云皆帖中語意又前年開閣云云即所謂婢去久矣因公復起一念用此帖為証而詩乃粲然因公復起一念實用陳鴻長恨傳楊妃語也

芙蓉仙人舊游處

公自注石曼卿也

蒼藤翠壁初無路戲將桃核裏

黃泥石閒散擲如風雨坐令空山作錦繡倚天照海花無數花閒石室可容車流蘇寶蓋窺靈宇何年霹靂起神物玉棺飛出王喬墓當時醉臥動千日至今石縫餘糟醕山人一去五十年花老室空誰作主手植數松今偃蓋蒼髯白甲低瓊戶我來取酒酌先生後車仍載胡琴女一聲冰鐵散巖谷海為瀾翻松為舞爾來心賞復

何人持節中郎醉無伍獨臨斷岸呼出日紅波碧巘相吞吐徑尋我語覓餘聲拄杖彭鏗叩銅鼓長篇小字遠相寄一唱三歎神悽楚江風海雨入牙頰似聽石室胡琴語我今老病不出門海山巖洞知何許門外桃花自開落牀頭酒甕生塵土前年開閣放柳枝今年洗心參佛祖夢中舊事時一笑坐覺俯仰成今古願君不用刻此詩東海桑田真旦暮

歐陽公詩話石曼卿卒後故人有見之者云恍惚如夢中言我今為仙也所主芙蓉城又石曼卿通判海州以山嶺高峻人路不通了無花卉點綴映照使人以泥裏桃核為彈拋擲於山嶺之上一二歲間花發滿山爛如錦繡張平子東京賦樹翠宇之高蓋飛流蘇之騷殺庾信賦翡翠珠被流蘇羽帳後漢王喬傳為葉令天下玉棺於堂前吏人推排終不搖動喬曰天帝獨召我耶乃沐浴寢其中蓋便立覆宿昔葬於城東土自成墳博物志昔人有玄石者從中山酒家飲與之千日酒



而忘語其節歸數日尚醉家人以為死遂葬之酒家計其日往告之發冢乃醒玉策記千歲松樹四邊披起上杪不長望而視之有如偃蓋楚詞惜誓章載玉女於後車白樂天五弦彈歌鐵擊珊瑚一兩曲冰瀉玉盤千萬聲後漢蔡邕為左中郎將蔡景繁時漕淮南故云持節中郎馬援傳得駱越銅鼓韓退之詩杖撞玉板聲彭觥開閣用王敦事詳見十七卷李公擇過高郵詩注白樂天不能忘情吟序樂天既老又病風乃錄家事會經費去長物妓有樊素者年二十餘綽綽有歌舞態善唱楊枝人多以曲名名之由是名聞洛下將放之馬有駱者駟壯駿穩乘之亦有年將鬻之聞人牽馬出門馬驤首反顧一鳴似知去而旋戀者素慘然立且拜婉變有辭辭畢泣下予愍然不能對且命迴勒反袂飲素酒自飲一杯快吟數十聲因自哂題其篇曰不能忘情吟駱馬注已見神仙傳麻姑謂王方平曰自接待以來見東海三為桑田向到蓬萊水乃淺於往昔會時略半也豈將復為陵陸乎方平笑曰聖人言海中行復揚塵也再見

### 和秦太虛梅花

西湖處士骨應槁。只有此詩君壓倒。東坡先生心已灰。為愛君詩被花惱。多情立馬待黃昏。殘雪消遲月出蚤。江頭一樹春欲闌。竹外一枝斜更好。孤山山下醉眠處。

點綴裙腰紛不掃。萬里春隨逐客來。十年花送佳人老。去年花開我已病。今年對花還草草。不知風雨卷春歸。收拾餘香還畀昊。

歐陽公歸田錄處士林逋居於杭州西湖之孤山善為詩如梅花詩疎影橫斜水清淺暗香浮動月黃昏評詩者謂前世詠梅花者多矣未有此句也自逋之卒湖山寂寥未有繼者撫言寶曆中楊嗣復宴諸生於新昌里第元白亦預皆賦詩于席惟楊汝士後成而最佳元白歎伏汝士醉歸語子弟曰我今日壓倒元白杜子美絕句江上被花惱不徹無處告訴只顛狂白樂天杭州春望詩誰開湖寺西南路草綠裙腰一道斜注云孤山在湖洲中草綠時望如裙腰詩小雅勞人草草又投畀有昊

### 再和潛師

化工未議蘇羣槁。先向寒梅一傾倒。江南無雪春瘴生。為散冰花除熱惱。風清月落無人見。洗粧自趁霜鐘蚤。



惟有飛來雙白鷺。玉羽瓊枝鬪清好。吳山道人心似水。眼淨塵空無可掃。故將妙語寄多情。橫機欲試東坡老。東坡習氣除未盡。時復長篇書小草。且撼長條食落英。忍饑未擬窮呼昊。

山海經豐山上有九耳鐘霜降則鳴柳子厚龍城錄隋開皇中趙師雄遷羅浮一日憩於林閒見一女淡粧出迎相與叩酒家門而飲頃之醉寢師雄亦憺然久之東方已白起視乃在大梅樹下上有翠羽啾啾須臾月落參橫但惆悵而已蜀注云宋武帝宮人早朝聞景陽樓鐘聲即起粧洗出南史及南齊書李賀詩今朝畫眉早不待景陽鐘漢書鄭崇傳臣門如市臣心如水劉子是殆見吾衡氣機也衡通橫華嚴經除一切煩惱習氣爾雅夏為昊天

橄欖

紛紛青子落紅鹽。正味森森苦且嚴。待得微甘回齒頰。已輸崖蜜十分甜。今齋夜話中謂崖蜜是石榴

班固終南頌蜜

房其巔左思

蜀都賦蜜房

郁毓波其阜

即所謂崖蜜

也冷齋語不足

信

本草崖蜜又名石蜜別有土蜜木蜜歸叟詩話范景仁云橄欖木高大難採以鹽擦木身則實自落顧禧注云記得小說南人誇橄欖於河東人云此有回味東人云不若我棗比至你回味我已極久矣棗一作柿按惠洪冷齋夜話云崖蜜事見鬼谷子謂櫻桃也今之鬼谷子實無此說然略記陸士衡有賦云朱藍崖蜜士衡此語當有所自

海棠

東風渺渺泛崇光。香霧空濛一作霏霏月轉廊。只恐夜深花

睡去。故一作更燒高燭照紅粧。

宋玉招魂光風轉蕙泛崇蘭花睡暗使楊妃卯醉未醒事注已見

東坡

雨洗東坡月色清。市人行盡野人行。莫嫌犖确坡頭路。自愛鏗然曳杖聲。



生日王郎以詩見慶次其韻并寄茶二十一片  
 折揚新曲萬人趨獨和先生于為于但信積藏終自售  
 豈知盃脫本無榦竭從冰叟來游宦有伴臞仙亦號儒  
 棠棣竝為天下士芙蓉曾到海邊郭不嫌霧谷霾松柏  
 終恐虹梁荷棟桴高論無窮如鋸屑小詩有味似連珠  
 感君生日遙稱壽祝我餘年老不枯未辦報君青玉案  
 建谿新餅截雲腴

莊子天地篇大聲不入於里耳折揚皇琴則嗑然而笑唐元德秀傳玄宗醜五鳳樓下命三百里縣令刺史皆以聲樂集河內太守輦優伎數百環譎光麗德秀時為魯山令惟樂工數十人聯袂歌于為于于為于者德秀所為歌也帝聞異之歎曰賢人之言哉河內人其塗炭乎乃黜太守德秀益知名朝野僉載武后時宮中謠曰杞推侍御史盃脫校書郎晉王沈傳仕郡文學鬱鬱不得志乃作釋時論曰東野丈人觀時以居隱耕汗腴之墟有冰氏子者出自沍寒之谷過而問余漢司

冰叟指子由王這  
子立其婿也

馬相如傳列仙之儒居山澤閒形容甚臞毛詩棠棣燕兄弟也棠棣之華萼不韡韡凡今之人莫如兄弟史記魯仲連傳先生天下士也芙蓉胡微之芙蓉城傳為王迥子高作子高遇仙人周瑤英事見十四卷王郎字子立子高其兄也班固西都賦因瓌材而究奇抗應龍之虹梁列芬檉以布翼荷棟桴而高驥晉胡毋輔之傳字彥國王澄嘗與人書曰彥國吐嘉言如鋸木屑罪非不絕文選演連珠注傳玄敘連珠曰連珠者興於漢章之世班固賈逵傳殺三子受詔作之其大體必假喻以達其旨使覽者微悟合於古詩諷興之義欲歷歷如貫珠易見而可悅故謂之連珠張衡四愁詩美人贈我錦繡段何以報之青玉案

別黃州

病瘡老馬不任鞿猶向君王得敝幃一作桑下豈無三宿  
 戀樽前聊與一身歸長腰尚載撐腸米闊領先栽蓋瘦  
 衣投老江湖終不失來時莫遣故人非

漢刑法志以鞿而御駢突注馬絡頭曰鞿杜子美瘦馬行日暮不收烏啄瘡禮記敝帷不棄為埋馬也四十二章經浮屠桑下一宿日中一食慎勿再矣後漢襄楷傳浮屠不三宿桑下不欲久生恩愛精之至也郡邑志楚人長腰梗米縮項編魚言美味也韻語陽秋汝人多苦癭故歐陽公汝癭詩云偃婦垂囊盜嬌嬰食卵殼



無由辨肩頸有類龜縮殼梅聖俞詩云女慚高掩襟男大闕裁領公作此詩時方移汝也

過江夜行武昌山上聞黃州鼓角

清風弄水月銜山幽人夜渡吳王峴黃州鼓角亦多情  
送我南來不辭遠江南又聞出塞曲半雜江聲作悲健  
誰言萬方聲一槩鼉憤龍愁為余變我記江邊枯柳樹  
未死相逢真識面他年一葉沂江來還吹此曲相迎餞

吳王峴在武昌西川九曲亭下志林云孫仲謀泛江自樊口繫山通道歸武昌今猶謂之吳王峴吳兢樂府古題要解橫吹曲有鼓角舊說云蚩尤帥魍魎與黃帝戰帝始命吹角為龍鳴以禦之其後魏武北征烏丸越沙漠漠軍士聞之悲思於是減為中鳴尤更悲矣唐樂令諸道行軍應給鼓角者三萬人已上角十四具鼓二十四面二萬已上角八鼓十四萬人以上角六鼓十不滿萬人臨時量給互見十三卷古今樂錄橫吹胡樂張騫入西域傳其法於長安李延年因之更造新聲後漢以給邊將萬人將軍得之有黃鵠隴頭出塞入塞等十曲見班超傳注杜子美閣夜詩五更鼓角聲悲壯又詩萬方聲一槩吾道竟何之

自興國往筠宿石田驛南廿五里野人舍

谿上青山三百疊快馬輕衫來一抹倚山修竹有人家  
橫道清泉知我渴芒鞋竹杖自輕軟蒲薦松牀亦香滑  
夜深風露滿中庭惟有孤螢自開闔

將至筠先寄遲适遠三猶子

露宿風飡六百里明朝飲馬南江水未見豐盈犀角兒  
先逢玉雪王郎子公自注時道逢王郎於建昌方北行也對牀欲作連夜語念汝

還須戴星起夜來夢見小於菟公自注遠小名虎兒猶是髭髥垂兩

耳憶過濟南春未動三子出迎殘雪裏我時移守古河

東酒肉淋漓渾舍喜而今憔悴一羸馬逆旅擔夫相汝

溪山有光潤然



爾出城見我定驚嗟。身健窮愁不須恥。我為迺翁留十日。掣電一歡何足恃。惟當火急作新詩。一醉兩翁勝酒美。

露宿字出趙壹傳已見鮑明遠升天行風食委松柏雲臥恣天行左傳宣十二年將飲馬于河而歸詩國風鬢彼兩髦揚雄方言周晉秦隴間謂父曰翁

端午游真如遲适遠從子由在酒局

一與子由別。卻數七端午。身隨綵絲繫。心與昌歎苦。今年疋馬來。佳節日夜數。兒童喜我至。典衣具雞黍。水餅既懷鄉。飯筒仍愍楚。謂言必一醉。快作西川語。寧知是官身。糟麴困熏煮。獨攜三子出。古刹訪禪祖。高談付梁羅。公自注梁羅遲适小名也詩律到阿虎。歸來一調笑。慰此長齟齬。

丙子秋任倬雲寓中東鄰即酒家便有煮者

周處風土記仲夏端午烹鷺角黍注云端始也謂五月五日風俗通五月五日以五綵絲繫臂者辟兵及鬼令人不病溫左傳僖三十年王使周公闕來聘饗有昌歎杜預曰菖蒲菹也按世俗端午以菖蒲泛酒飲之歲時記及玉燭寶典諸書皆不載未詳所自宋玉九辯圓鑿而方枘兮吾固知齟齬而難入

別子由三首兼別遲

宿守都梁得東平康師孟元祐二年三月刻二蘇公所與九帖於洛陽坡書別

子由第二詩而題其後云元豐七年余自黃遷汝往別子由於筠作數詩畱別此其一也其後雖不過洛而此意未忘因康君郎中歸洛書以贈之元祐元年三月十日賦書

知君念我欲別難。我今此別非他日。風裏楊花雖未定。雨中荷葉終不濕。三年磨我費百書。一見何止得雙璧。願君亦莫歎畱滯。六十小劫風雨疾。

漢司馬遷傳天子始建漢家之封大史公畱滯周南不得與從事發憤且卒法華經日月燈明佛說大乘經六十小劫不起于座

先君昔愛洛城居。我今亦過嵩山麓。水南卜宅一作築吾豈



敢試向伊川買修竹。又聞緱山好泉眼。傍市穿林瀉冰

玉。遙想一作想見茅軒一作簷照水開。兩翁相對清如鵠。

子由卜居賦序昔余先君以布衣宦學四方嘗過洛陽愛其山川慨然有卜居意而貧不能遂唐溫造隱居洛水之南烏重胤辟河陽幕韓愈詩曰水南山人又繼往車馬僕從塞閭里唐地理志河南府本洛州有川三十九其一曰伊川又河南緱氏有仙人洞

兩翁歸隱非難事。惟要傳家好兒子。憶昔汝翁如汝長。筆頭一落三千字。世人聞此皆大笑。慎勿生兒兩翁似。不知樗櫟薦明堂。何似鹽車壓千里。

後漢鄭玄傳以書戒子益恩曰案之禮典便合傳家晉宣穆張后傳帝曰老物不足惜慮困我好兒

初別子由至奉新作

雙鵲先我來。飛上東軒背。書隨好夢到。人與佳節會。一

背款

歡難把玩。回首了無在。卻渡來時谿。斷橋號淺瀨。茫茫暑天闊。藹藹孤城背。青山眊矐中。落日淒涼外。盛衰豈吾意。離合非所礙。何以解我憂。麤了一事太。

施註蘇詩卷之二十



蘇詩卷之二十一

施註蘇詩卷之二十一

長洲顧嗣立

漫堂先生宋 犖

閱定

毗陵邵長蘅

刪補

樸園先生張榕端

商丘宋 至

詩五十四首

起甲子四月以後離黃州至金陵道中作

○ 同年程筠德林求先墳二詩

思成堂

詩商頌 齊我思成注云神靈來至我致齋之所思則用成

宰樹連山谷。祠堂照路隅。養松無觸鹿。助祭有馴鳥。歸  
夢先寒食。兒啼到白須。遙知隣里化。醉叟道爭扶。

公羊傳僖公三十三年秦伯曰若爾之年者宰上之木拱矣注云宰冢也劉禹錫  
宣明二帝碑堂詩千行宰樹荆川道又王思道碑堂詩蒼蒼宰樹起寒煙杜子美



詩蜀相祠堂何處尋唐褚無量傳母喪廬墓左鹿犯所植松柏無量號訴曰山林不乏忍犯吾塋樹即自是羣鹿馴擾不復根觸無量為終身不御其肉北史蕭祇傳祇卒子放居喪以孝聞所居廬前有二慈烏來集每臨時舒翅悲鳴全似哀泣家人則之未嘗有缺高士傳老萊子行年七十臥地為小兒號欲親之喜

### 歸真亭

述異記廬府君墓在館陶銘曰廬府君歸真之室

舊笑桓司馬。今師鄭大夫。不知徂歲月。空覺老楸梧。祭禮傳家法。阡名載版圖。會看千字誄。木杪見龜趺。

禮記夫子居於宋見桓司馬自為石槨三年而不成夫子曰若是其靡也死不如速朽之愈也晉杜預傳遺令曰密縣邢山上有冢云是鄭大夫祭仲或云子產之冢也居山之頂四望周達東北向新鄭城意不忘本也其隧道空其前示藏無珍寶不取於重深也吾將來兆域儀制取法於鄭大夫欲以儉自完耳漢原涉傳曹氏葬茂陵民謂其道曰京兆阡涉慕之遂買地開道立表署曰南陽阡人不肯從謂之原氏阡周禮司會掌國之百物財用凡在書契版圖葉夢得石林詩話學者多議木杪見龜趺為語病謂龜趺不當出木杪殊未之思東南多葬山上碑亭往往在半山間則自下視之龜趺出木杪何足怪哉

### 過建昌李野夫公擇故居

李野夫名莘公擇之兄嘗為江西轉運副使

木杪見龜趺送杜詩我僕猶未未化出也

彭蠡東北源。廬阜西南麓。何人修水上。種此一雙玉。思之不可見。破宅餘修竹。四隣戒莫犯。十畝森似束。我來仲夏初。解籜呈新綠。幽鳥向我鳴。野人畱我宿。衰裒不忍去。微月挂喬木。遙想他年歸。解組巾一幅。對牀老兄弟。夜雨鳴竹屋。臥聽隣寺鐘。書牕有殘燭。

修水在建昌縣徐鉉搜神記陽公子雍伯嘗設義漿以給行旅經三年有一人就公飲出石子一升與之曰種此可得美玉并得好婦如言種之後求徐氏婚徐笑曰得白璧一雙乃可公於所種玉田果得玉徐氏乃以女妻之元稹連昌宮詞連昌宮中滿宮竹歲久無人森似束

### 初入廬山三首

青山若無素。偃蹇不相親。要識廬山面。他年是故人。自

注山南山面也



自昔懷清賞。神游杳藹閒。如今不是夢。真箇是廬山。  
芒屨青竹杖。自挂百錢游。可怪深山裏。人人識故侯。

先生詩話。僕初入廬山。山谷奇秀。平日所未見。殆應接不暇。遂發意不欲作詩。已而見山中僧俗。皆云。蘇子瞻來矣。不覺作一絕。曰。芒鞋青竹杖。云云。既而晒前言之。謬復兩絕句。青山若無素。云云。按詩話。則今第三篇為首篇矣。晉阮修傳。嘗以百錢挂杖頭。至酒店。便獨酣暢。故侯注再見。

圓通禪院先君舊遊也。四月二十日晚至宿焉。  
明日忌日也。乃手寫寶積獻蓋頌佛一偈以贈。  
長老僊公僊撫掌笑曰。昨夜夢寶蓋飛下著處。  
輒出火。豈此祥乎。乃作是詩。院有蜀僧宣逮事。  
訥長老識先君云。

石耳峰頭路接天。梵音堂下月臨泉。此生初飲廬山水。

舊中此種為家  
工穩了待出  
有氣壯了致

他日徒參雪竇禪。袖裏寶書猶未出。夢中飛蓋已先傳。  
何人更識嵇中散。野鶴昂藏未是仙。

傳燈錄。雪竇師諱重顯。遂州李氏子。出家參隨州智門祚和尚。悟不起一念之旨。後居四明之雪竇。有雪竇禪師語錄。野鶴用嵇紹事。注已見。

子由在筠作東軒記。或戲之為東軒長老。其壻  
曹煥往筠。余作一絕句送曹。以戲子由。曹過廬  
山。以示圓通。慎長老。慎欣然。亦作一絕送客出  
門。歸入室。趺坐化去。子由聞之。仍作二絕。一以  
答余。一以答慎。明年余過圓通。始得其詳。乃追

次慎韻

君到高安幾日回。一時斗藪舊塵埃。贈君一籠牢收取。



盛取東軒長老來

九州志筠州治高安縣白樂天詩斗數塵埃衣禮拜冰雪顏

右送曹詩

大士何曾有生死。小儒底處覓窮通。偶畱一映千山上。散作人間萬竅風。

右和慎詩

余過溫泉壁上有詩云直待衆生總無垢我方  
清冷混常流問人云長老可遵作遵已退居圓  
通亦作一絕

石龍有口口無根自在流泉誰吐吞若信衆生本無垢

此泉何處覓寒溫

先生詩話載遵師篇云禪庭誰作石龍頭龍口湯泉沸不休其下句即序中所載

世傳徐凝瀑布詩云一條界破青山色至爲塵  
陋又僞作樂天詩稱羨此句有賽不得之語樂  
天雖涉淺易然豈至是哉乃戲作一絕

帝遣銀河一派垂古來惟有謫仙詞飛流濺沫知多少  
不與徐凝洗惡詩

李白廬山瀑布詩飛流直下三千尺疑是銀河落九天

書李公擇白石山房

偶尋流水上崔嵬五老蒼顏一笑開若見謫仙煩寄語



### 匡山頭白早歸來

廬山記棲賢寺東北有五老峰廬山之勝此為最者李太白詩廬山東南五老峰青天削出金芙蓉杜子美詩匡山讀書處頭白好歸來

### 贈東林總長老

廬山在江州南三十里東林又在山南五里晉道遠所居規制廣袤水石深怪古迹無窮西林即永法師所居規制稍不及東林元豐三年詔革江州東林律居為禪席觀文殿學士王公詔出守南昌欲延寶覺禪師寶舉常總自代總知之宵遁去王公檄諸郡求訪得之新淦深山中遂應命其徒相語曰遠公嘗有識記云吾城七百年後有肉身大士革居道場今符其語矣事見僧寶傳

溪聲便是廣長舌山色豈非清淨身夜來八萬四千偈他日如何舉似人

阿彌陀經出廣長舌相遍覆三千大千世界楞嚴經等八萬四千清淨寶目八萬四千燦迦羅首八萬四千母陀羅臂皆記佛法門之數法華經世尊見大神力出廣長舌清淨法身佛言三身法身者清淨無相之身也化身者受生示現之身也報身者功德莊嚴之身也

### 題西林壁

橫看成嶺側成峰遠近高低各不同  
一作無不識廬山真面目只緣身在此山中

華嚴經於一塵中大小刹種種差別如塵數平坦高下各不同佛悉往詣各轉法輪

### 廬山二勝

并引

余遊廬山南北得十五六奇勝殆不可勝紀而懶不作詩獨擇其尤佳者作二首

### 開先漱玉亭

廬山記山中瀑布十餘處香爐峯與雙劍峯在瀑布旁水源在五老峯頂西入康王谷為水簾

東為開先

高巖下赤日深谷來悲風擘開青玉峽飛出兩白龍亂

開先寺南唐中主李景遷都豫章時所建中有讀書



臺即景讀書  
處後人訛傳為  
後主者非也後  
王煜留守金塔  
未嘗至豫章  
昭明玄宗注家  
憑臆杜撰又改  
開先為開元以  
實元宗之語誤  
益甚矣

沫散霜雪。古潭搖清空。餘流滑無聲。快瀉雙石硤。我來不忍去。月出飛橋東。蕩蕩白銀闕。沈沈水精宮。願隨琴高生。腳踏赤鯁公。手持白芙渠。跳下清冷中。

陸士衡詩頓響倚高崑。側聽悲風響。述征記華山首陽本一山。巨靈擘開以通河。流唐韻。嶽大壑也。漢郊祀歌。天門開。諛蕩蕩。史記封禪書。海中三神山。其物禽獸盡白。而金銀為宮闕。述異記。吳王闔閭構水晶宮。楊漢公吳興詩。溪上玉樓樓上。月清光。合作水晶宮。列仙傳。琴高趙人也。以鼓琴為樂。康王舍人浮游冀州涿郡。開二百餘年。後辭入涿水中。取龍子。與弟子期。至日皆潔齋。候水候。設祠屋。果乘赤鯁來。祠中留一月餘。復入水去。酉陽雜俎。唐律捕得鯉。即放號赤鯁公。輒殺者杖八十。以讖言鯉為李也。莊子讓王舜以天下讓其友北人。無擇。無擇因自投於清冷之淵。

### 栖賢三峽橋

子由棲賢僧堂記。元豐三年。余過廬山。入棲賢谷。谷中多大石。交業相倚。水行石間。其聲如雷。

靈又如千乘車。行者震掉。不能自持。雖三峽之險。不過也。故橋曰三峽。

吾聞太山石。積日穿綫溜。况此百雷霆。萬世與石鬪。深

此者學少陵

行九地底。嶮出三峽右。長輸不盡谿。欲滿無底竇。跳波翻潛魚。震響落飛狖。清寒入山骨。草木盡堅瘦。空濛煙靄間。湏洞金石奏。彎彎飛橋出。激激半月殼。玉淵神龍近。雨雹亂晴晝。垂鉗得清甘。可嚙不可漱。

漢枚乘傳。太山之雷。穿石。單極之統。斷幹。水非石之鑽。索非木之鋸。漸靡使之然也。孫子善守者。藏於九地之下。三峽瞿塘巫山黃牛也。列子。渤海之東有大壑焉。為無底之谷。名曰歸墟。白樂天詩。巖壑無撮土。樹木多瘦堅。杜子美詩。青冥連湏洞。左思吳都賦。不窺玉淵者。未知驪龍之所蟠也。按三峽橋上流有玉淵潭。

### 陶驥子駿佚老堂

文舉與元禮。尚得稱世舊。淵明吾所師。夫子乃其後。挂冠不待年。亦豈為五斗。我歌歸來引。  
公自注。余增損淵明歸去來。以就聲律。謂之歸來引。  
千載信尚友。相逢黃卷中。何似一杯酒。君醉我且歸。明



朝許來否

後漢孔融傳年十歲詣李膺融曰我是李君通家子弟膺問高祖父嘗與僕有恩舊乎融曰先君孔子與君先人李老君同德比義而相師友則融與君累世通家融字文舉膺字元禮陶潛傳我醉欲眠卿可去此詩乃用其語意

我從廬山來。目送孤飛雲。路逢陸道士。知是千歲人。試問當時友。虎谿已埃塵。似聞佚老堂。知是幾世孫。能為五字詩。仍戴漉酒巾。人呼小靖節。自號葛天民。

廬山記遠公十八賢同修淨土結白蓮社山有虎谿遠師送客過此虎輒號鳴嘗與陶淵明陸修靜道士語不覺過虎谿因相與大笑再見陶潛五柳先生傳酣暢賦詩以樂其志無懷氏之民歟葛天氏之民歟漉酒即用陶潛事已見

和李太白

并引

李太白有潯陽紫極宮感秋詩紫極宮今天慶觀

也道士胡洞微以石本示余蓋其師卓玘之所刻玘有道術節義過人今亡矣太白詩云四十九年非一往不可復今余亦四十九感之次其韻玉芝一名瓊田草洞微種之七八年矣云更數年可食許以遺余故并記之

寄臥虛寂堂。月明浸疎竹。冷然洗我心。欲飲不可掬。流光發永歎。自惜非余獨。行年四十九。還此北牕宿。緬懷卓道人。白首寓醫卜。謫仙固遠矣。此士亦難復。世道如奕棋。變化不容覆。惟應玉芝老。待得蟠桃熟。

史記日者傳賈誼曰吾聞古之聖人不居朝廷必在醫卜之中三國王粲傳觀人圍碁局壞粲為覆之碁者不信以帕蓋局使更以他局為之用相比較不誤一道



蟠桃出度索  
山注已見

次韻道潛留別

參寥從先生於黃期年先生移汝同游廬山乃還於潛山中

為聞廬岳多真隱。故就高人斷宿攀。已喜禪心無別語。尚嫌剃髮有詩斑。異同更莫疑三語。物我終當付八還。到後與君開北戶。舉頭三十六青山。

維摩經云何斷攀緣以無所得唐僧詩髮為作詩斑晉阮瞻傳王戎問曰聖人貴名教老莊明自然其旨同異瞻曰將無同戎咨嗟良久即命辟之時謂之三語掾楞嚴經佛告阿難汝咸看此諸變化相吾今還本所因處云何本因此諸變化明還日輪暗還黑月通還戶牖進還精宇緣還分別頑虛還空鬱埽還塵清明還霽則諸世間一切所有不出斯類汝見八種見精明性當欲誰還

岐亭五首

并引

元豐三年正月余始謫黃州至岐亭北二十五里

山上有白馬青蓋來迎者則余故人陳慥季常也為留五日賦詩一篇而去明年正月復往見之季常使人勞余於中途余久不殺恐季常之為余殺也則以前韻作詩為殺戒以遺季常自爾不復殺而岐亭之人多化之有不食肉者其後數往見之往必作詩詩必以前韻凡余在黃四年三往見季常季常七來見余蓋相從百餘日也七年四月余量移汝州自江淮徂雒送者皆止慈湖而季常獨至九江乃復用前韻通為五首以贈之昨日雲陰重東風融雪汁遠林草木暗近舍煙火濕下



河境

有隱君子嘯歌方自得知我犯寒來呼酒意頗急撫掌  
動隣里遠村捉鵝鴨房櫳鏘器聲蔬果照巾幘久聞萋  
蒿美初見新芽赤洗盞酌鵝黃磨刀削熊白須臾我徑  
醉坐睡落巾幘醒時夜向闌唧唧銅餅泣黃州豈云遠  
但恐朋友缺我當安所主君亦無此客朝來靜菴中惟  
見峰巒集

杜子美成都草堂詩不教鵝鴨惱比隣周禮天官冢人掌共巾幘說苑齊景公坐  
睡而夢五大夫晉庾凱傳頽然而醉幘墮几上杜子美龍門鎮詩古鎮峰巒集

我哀籃中蛤閉口護殘汁又哀網中魚開口吐微濕剗  
腸彼交病過分我何得相逢未寒溫相勸此最急不見  
盧懷慎丞壺似丞鴨坐客皆忍笑髡然發其鬢不見王

盧王奢儉其但  
失本自較然若  
援此謂當我殺  
放生則已陋矣

武子每食刀几赤琉璃載丞純中有人乳白盧公信寒  
陋衰髮得滿幘武子雖豪華未死神已泣先生萬金璧  
護此一蟻缺一年如一夢百歲真過客君無廢此篇嚴  
詩編杜集

莊子大宗師魚相响以濕相濡以沫不如相忘於江湖又外物篇神龜知能七十  
二鑽而無遺策不能避剗腸之患晉王獻之傳與徽之操之俱詣謝安二兄多言  
俗事獻之寒溫而已丞壺詳見十九卷蜜酒詩法按盧氏雜說是鄭餘慶事而公  
詩指為盧懷慎豈懷慎事同此而別有出處耶當考晉王濟傳字武子性豪侈麗  
服玉食武帝幸其宅供饌悉貯琉璃器丞純甚美帝問之答曰以人乳丞純帝色  
甚不平食未畢而去按濟死年四十六歲新舊唐書並不載懷慎年壽惟鄭餘慶  
則云死年七十六也黃庭經長生至慎房中急何謂死作命神泣抱朴子以蟻鼻  
之缺損無價之純鈎李白桃李園序天地者萬物之逆旅也光陰者百代之過客  
也又擬古詩生者為過客死者為歸人嚴  
詩指嚴武也杜子美集中有嚴武詩數篇

君家蜂作窠歲歲添漆汁我身牛穿鼻卷舌聊自濕二



年三過君此行真得得愛君似劇孟扣門知緩急家有  
紅頰兒能唱綠頭鴨行當隔簾見花霧輕羃羃為我取  
黃封親拆官泥赤仍須煩素手自點葉家白樂哉無一  
事十年不蓄憤閉門弄添丁一作談笑雜呱泣西方正苦  
戰誰補將帥缺披圖見八陣合散更平聲主客不須親戎  
行坐論教君集

莊子秋水牛馬四足是謂天落馬首穿牛鼻是謂人漢書袁盎傳洛陽劇孟嘗過  
盜盎善待之安陵富人有謂盜曰劇孟博徒將軍何自通之盜曰緩急人所有夫  
一旦叩門不以親為解不以在亡為辭天下所望者惟季心劇孟今公陽從數騎  
一旦有緩急寧足恃乎韓退之晚秋聯句青娥翳長袖紅頰吹鳴篴綠頭鴨曲各  
南史夏侯實有數十妓妾並無被服姿容每有客常隔簾奏伎黃封京師官法酒  
以黃紙或黃羅絹封罍餅口名黃封酒茶錄建州葉氏多茶山每歲貢焉三國志  
蜀諸葛亮演兵法作八陣圖咸得其要云老子用兵有云吾不敢為主而為客唐  
侯君集傳始太宗命李靖教君集兵法既而奏靖且反兵之隱微不以示臣帝以

奇制

讓靖曰方中原無事臣之所教足以  
制四夷而求盡臣術此君集欲反耳

酸酒如醞湯甜酒如蜜汁三年黃州城飲酒但飲濕我  
如更揀擇一醉豈易得幾思歷茅柴禁網日夜急西隣  
推壘盜醉倒豬與鳴君家大如掌破屋無遮羃何從得  
此酒冷面妒君赤定應好事人千石供李白為君三日  
醉蓬髮不暇幘夜深欲逾垣臥想春壘泣君奴亦笑我  
鬢齒行禿缺三年已四至歲歲遭惡客人生幾兩屐莫  
厭頻來集

茅柴乃村落所釀醱薄酒也又黃州人造私酒俗謂之壓茅柴漢循吏傳序禁網  
疎闊詩意謂酒禁嚴也漢趙廣漢傳為京兆尹至霍禹第搜索私屠酤推破盧嬰  
韓退之寄盧仝詩玉川先生洛城裏破屋數間而已矣俗諺有無錢喫酒妒人面  
赤之語好事用揚雄傳語已見陶淵明飲酒詩時賴好事人載醪祛所惑李太白



贈韋南陵詩愁來飲酒二千石寒灰重暖生陽春山翁醉後能騎馬別是風流賢主人王注春籜泣以言酒熟而泣泣然也夜深逾垣似暗使畢卓傳比舍郎酒熟夜至其籜

閒盜取意

枯松強鑽膏槁竹欲瀝汁兩窮相值遇相哀莫相濕不知我與君交游竟何得心法幸相語頭然未為急願為穿雲鷲莫作將雛鴨我行及初夏煮酒映疎曩故鄉在何許西望千山赤茲遊定安歸東泛萬頃白一歡寧復再起舞花墮幘將行出苦語不用兒女泣吾非固多矣君豈無一缺各念別時言閉戶謝衆客空堂淨掃地虛白道所集

梵九綱經序當求精進如救頭然但念無常慎勿放逸杜子美光祿坂詩西望千山萬山赤後漢來歙傳謂蓋延曰呼巨卿欲相屬以軍事而反劾兒女子涕泣乎史

四句為對

竟與別了田村知  
何月亦先生  
手書及厚矣

錄世四射

不另別一詞  
焉所不有

記申公傳公歸魯終身不出門復謝賓客莊子人間世虛室生白宇泰定者發乎天光又曰惟道集虛

郭祥正家醉畫竹石壁上郭作詩為謝且遺二

古銅劍郭祥正字功父當塗人

空腸得酒芒角出肝肺槎牙生竹石森然欲作不可回吐向君家雪色壁平生好畫書牆浣壁長遭罵不瞋不罵喜有餘世間誰復如君者一雙銅劍秋水光兩首新詩爭劍鏃劍在牀頭詩在手不知誰作蛟龍吼

漢律歷志角觸也物觸地而出戴芒角也劉禹錫詩小兒弄筆不能臆浣壁書牕且賞勤杜子美相從歌酒酣擊劍蛟龍吼

龍尾硯歌并引叙

余舊作鳳唳石硯銘其畧云蘇子一見名鳳唳坐



令龍尾羞牛後已而求硯於歙歙人云子自有鳳  
味何以此為蓋不能平也奉議郎方君彥德有龍

尾大硯奇甚謂余若能作詩少解前語者當奉餉

乃作此詩按先生集載鳳味硯銘有三其銘序云北苑龍焙山如翔

鳳味者以爲硯余銘之曰鳳味又延平志考異云延平硯材產研崎者爲上東坡得之喜甚遽目爲鳳味又云硯崎石在劍浦縣東三十里東坡取名

鳳味者此也

黃琮白琥天不惜顧恐貪夫死懷璧君看龍尾豈石林

玉德金聲寓於石與天作石來幾時與人作硯初不詞

辭詩成鮑謝石何與筆落鍾玉硯不知錦茵玉匣俱塵

垢擣練支牀亦何有况瞋蘇子鳳味銘戲語相嘲作牛

直是善于解嘲

覆天向狀龍尾羅紋  
首浪最爲神以世人不  
曉只作天朗氣清解  
則七向不贅設耶  
忽作名言亦少思  
後

後碧天照水風吹雲明牕大几清無塵我生天地一閑  
物蘇子亦是支離人麤言細語都不擇春蚓秋蛇隨意  
畫願從蘇子老東坡仁者不用生分別

周禮以黃琮禮地以白琥禮西方左傳桓十年虞叔有玉虞公求旃弗獻既而悔  
之曰周諺有之匹夫無罪懷璧其罪吾焉用此其以賈害也乃獻之杜子美遺興  
詩賦詩何必多往往凌鮑謝法書苑羊欣云鍾繇行書亦二王之亞又徐浩論書  
云鍾善真書右軍行法小令破體皆一時之妙蔡希綜法書論云八體之極是歸  
乎鍾蔡草隸之雄是歸乎張玉此四賢者自數百載來未之逮也集古錄有擣練  
石記杜子美詩支牀錦石圓史記蘇秦傳諺曰寧爲鷄口無爲牛後今四面交臂  
而臣事秦何異牛後乎莊子人間世支離其形者猶足以養其身終其天年况支  
離其德者乎大毗婆娑論麤言及細語皆歸第一義維摩經天女言華無所分別  
仁者自生分別耳

張近幾仲有龍尾子石硯以銅劍易之張近幾仲開封人

我家銅劍如赤蛇君家石硯蒼壁橢而靈君持我劍向



何許大明宮裏玉佩鳴衝牙。我得君硯亦安用。雪堂窓下爾雅箋蟲鰕。二物與人初不異。飄落高下隨風花。荆緱玉具皆外物。視草草玄無等差。君不見秦趙城易壁。指圖睨柱相矜誇。又不見二生妾換馬。驕鳴啜泣思其家。不如無情兩相與。永以為好譬之桃李與瓊華。

周禮以蒼璧禮天。漢食貨志復小楕之注云楕圓而長也。韓退之酬盧給事詩大明宮中給事歸禮記凡帶必有佩玉。佩玉有衝牙。韓退之讀皇甫湜園池詩爾雅注蟲魚定非磊落人。南史范曄對竟陵王子良曰人生如樹花同發隨風而墮。有拂簾幌墜於茵席之上。有關籬牆落於糞溷之中。墮茵席者殿下是也。落糞溷者下官是也。史記馮驩有一劍又荆綵。漢書單于朝甘泉宮賜以玉具劍並已見。漢淮南王安傳淮南王安善為文詞帝每為報書及賜嘗召司馬相如等視草。翰林志玄宗召張說等入禁中謂之翰林待詔或詔從中出。雖宸翰所揮亦資其檢討。謂之視草。漢揚雄草太玄有以自守泊如也。史記蘭相如傳秦昭王以十五城請易趙和氏璧。趙遣相如奉璧入秦。相如視秦王無意償趙城。持璧睨柱欲擊秦王恐其破璧乃謝之。召有司案圖指從此以往十五都予趙。李玫異聞實錄酒徒鮑

生多畜聲妓外弟韋生好乘駿馬一日相遇既飲酒乃以女妓善四絃者換紫赤撥忽有二人造席便以妾換馬作題聯賦折亭下舊葉書之四韻訖而葉盡韋生取紅箋獻之二公曰幽顯路殊何見逼之甚言訖行十餘步而失二客自稱江淹謝莊鮑既以妾換馬妾歌曰風颺荷珠難暫圓多生信有短因緣西樓今夜三更月還照離人泣斷絃纂異記亦云詩國風有女化離啜其泣矣又匪報也永以為好也

張作詩送硯反劍乃和其詩卒以劍歸之

贈君長鋏君當歌。每食無魚歎委蛇。一朝得見暴公子。櫛具欲與冠爭我。豈比杜陵貧病叟。終日長鑱隨短叢。斬蛟刺虎老無力。帶牛佩犢吏所訶。故將換硯豈無意。恐君瑯琢傷天和。作詩反劍亦何謂。知君欲以詩相磨。報章苦恨無好語。試向君硯求餘波。詩成劍往硯應笑。那將屋漏供懸河。

題中存者  
得他人不思不



委蛇用毛詩字音徒何反漢雋不疑傳暴勝之為直指使者至渤海聞不疑賢請與相見不疑冠進賢冠帶櫛具劍盛服上謁曰竊伏海瀕聞暴公子威名舊矣杜同谷縣歌長鏡長鏡白木柄又短衣數挽不掩脛晉鄧遐傳電水有蛟為人害遐拔劍入水斬之漢李廣傳上名禹使刺虎禹從落中以劍斫絕纜上壯之詩小雅雖則七襄不成報章唐王勃傳張說評楊炯曰文如懸河酌之不竭

去歲九月二十七日黃州生子遜小名幹兒頎然穎異至今年七月二十八日病亡於金陵作

二詩哭之

吾年四十九。羈旅失幼子。幼子真吾兒。看角生已似未。期觀所好。踟躕逐書史。搖頭卻梨栗。似識非分恥。吾老常鮮歡。賴此一笑喜。忽然遭奪去。惡業我累爾。衣薪那免俗。變滅須臾耳。歸來懷抱空。老淚如瀉水。

即微之也。情連在哭我身。因事有時悲。也無意相。哀其哀。

我淚猶可拭。日遠當日忘。母哭不可聞。欲與汝俱亡。故衣尚懸架。漲乳已流牀。感此欲忘生。一臥終日僵。中年忝聞道。夢幻講已詳。儲藥如丘山。臨病更求方。仍將恩愛刃。割此衰老腸。知迷欲自反。一慟送餘傷。

陶淵明責子詩通子垂九齡但覓梨與栗禮記厚衣之以薪葬之中野晉王衍傳衍喪幼子悲不自勝山簡曰孩抱中物何至於此衍曰情之所鍾正在我輩

晉謝安傳但使自今以往日忘日去韓退之杜君墓銘事之在人日遠日忘

平生無一如誰復嘆耳耳滯留生此兒足慰周南史那

知非真實造物聊戲爾煩惱初無根恩愛為種子煩公

為假說反復相指似欲除苦海浪先乾愛河水棄置一

公自注濤顛倒元韻



寸鱗悠然笑侯喜為公寫餘習鉗壘一時取

三國崔琰傳太祖為魏王楊訓發表稱贊功伐琰與訓書省表事佳耳時乎時乎會當有變時有白琰此書傲世怨謗者太祖怒曰諺言生女耳耳非佳語會當有變時意指不遜於是罰琰為徒隸漢司馬遷傳太史公留滯周南不得與從事白樂天自覺詩不將恩愛子更種憂悲根昇玄經漂浪愛河流吹慾海韓退之贈侯喜詩吾黨侯生字叔起呼我持竿釣渭水舉竿引線忽有得一寸纔分鱗與鬢

聞公少已悟拄杖久倚牀笑我老而癡負鼓欲求亡庶  
幾東門子柱史安敢望嗜毒戲猛獸慮患先不詳囊破  
蛇已走尚未省齧傷妙哉兩篇詩洗我干結腸黠蠶不  
作蠶未老輒自僵永謝湯火厄冷然超無方

莊子天運篇孔子見老聃而語仁義老聃曰吾子亦放風而動總德而立矣又奚傑然若負建鼓而求亡子者耶列子力命篇魏有東門吳者子死而不憂曰吾嘗無子無子之時不憂今子死乃與向無子同臣奚憂焉枚乘賦越女侍前齊姬奉後此甘餐毒藥戲猛獸之爪牙朝野僉戴王顯與文皇有舊常戲顯曰抵死不作

爾及文皇登極因奏曰今日得作爾服帝笑曰卿無貴相朕非為卿惜也曰朝貴夕死足矣帝與三品服其夜卒

次荆公韻四絕

青李扶疎禽自來清真逸少手親栽深紅淺紫從爭發  
雪白鵝黃也鬪開

尚書故實王內史帖中有與蜀郡守書求來禽青李日給藤子來禽言味甘來眾禽也俗作林檎晉王羲之字逸少李太白詩右軍本清真瀟灑在風塵

斫竹穿花破綠苔小詩端為覓橙栽細看造物初無物  
春到江南花自開

杜子美有貽何十少府詩覓橙栽郭象南華真經序莊生上知造物無物下知有物之自造也

騎驢渺渺入荒陂想見先生未病時勸我試求三畝宅  
從公已覺十年遲

臨川集題云地上看金沙花數枝過  
蘇軾詩



東軒雜錄王荆公築第於金陵白下門外七里去蔣山亦七里平日乘一驢從數童游諸山寺

甲第非真有。閑花亦偶栽。聊為清淨供。卻對道人開。

注荆公病後捨宅作寺

漢田蚡傳治宅甲諸第顏師古曰言為諸第之最也以甲乙之次言甲則為上矣霍光傳孝宣帝詔賜甲第一區

### 張庖民挽辭

張庖民字翔父金陵人元豐五年卒於曹溪

東晉巾車令。西京執戟郎。甘心向山水。結髮事文章。故

自輕千戶。何曾羨一囊。天高鬼神惡。骨朽姓名芳。庾嶺

銘旌暗。秦淮舊宅荒。吾詩不用刻。妙語有黃香。

公自注黃魯直為庖

民作哀辭

晉陶潛為彭澤令賦歸去來辭云或命中車漢東方朔傳官不過侍郎位不過執戟曹子建與楊德祖書揚子雲先朝執戟之臣耳東方朔傳侏儒長三尺餘奉一

囊粟錢二百四十臣朔長九尺餘亦奉一囊粟錢二百四十侏儒飽欲死臣朔飢欲死後漢趙壹傳文章雖滿腹不如一囊錢韓退之感春詩天公高居鬼神惡曹大家東征賦惟令德為不朽今身既歿而名存晉恒溫傳嘗曰既不流芳後世不足復遺臭萬載耶裴氏廣州記五嶺一曰大庾許嵩建康實錄秦始皇三十七年東巡自江乘渡望氣者云五百年後金陵有天子氣因鑿鍾阜斷金陵長隴以流至今呼為秦淮

### 次韻葉致遠見贈

葉致遠名濤處州龍泉人舉進士始從王介甫學為文詞哲宗立擢掌外制是時貶

欲求五畝寄樵蘇。所至遲留似賈胡。信命不須歌去汝。

逢人未免嘆猶吾。人皆勸我杯中物。我獨憐君屋上烏。

一伎文章何足道。要言一作知摩詰是文殊。

馬援傳耿舒與兄弇書曰伏波類西域賈胡到一處輒止詩國風逝將去汝適彼樂國猶吾用論語字太公六韜愛其人者愛及屋上之烏憎其人者惡其餘齊維摩經文殊師利維摩詰二士共談必說妙法維摩詰默然無言



次韻杭人裴維甫

餘杭門外葉飛秋尚記居人挽去舟一別臨平山上塔  
五年雲夢澤南州淒涼楚些緣吾發邂逅秦淮為子雷  
寄謝西湖舊風月故應時許夢中游

杭州圖經臨平山在州西北六十里

次韻段縫見贈段縫字約之居金陵

季子東周負郭田須知力穡是家傳細思種薤五十本  
大勝取禾三百廛若得與君連北巷故應終老忘西川  
短衣匹馬非吾事只擬關門不問天

漢龔遂傳為渤海太守令民口種一樹榆百本薤五十本蔥一畦韭按百本薤當作句五十本乃蔥公一時誤記耳詩國風不稼不穡胡取禾三百廛兮杜子美贈

畢曜詩我居巷南子巷北九域志成都府劍南西川節度杜子美曲江詩自斷此生休問天又短衣匹馬隨李廣看射猛虎終殘年

題孫思邈真

先生一去五百載猶在峨眉西崦中自為天仙足官府  
不應尸解坐蟲蟲

杜陽編明皇西幸夢一叟再拜於前曰臣孫思邈也廬於峨眉山有年矣今聞鑾駕成都故來候謁云云杜子美有赤谷西崦人家詩韓退之張十八詩上界真人是官府豈如散仙鞭笞鸞鳳終日相追陪仙傳拾遺孫思邈有神仙降謂之曰爾所著千金方濟人之功已廣而以物命為藥害物亦多必為尸解之仙不得白日輕舉矣思邈乃取草木之藥以代蟲蟲之命

戲作鮎魚一絕

粉紅石首仍無骨雪白河豚不藥人寄語天公與河伯  
何妨乞與水精鱗



石首魚名其頭骨乃石也蘇州圖經云養魚城下水中有石首魚梅聖俞河豚詩烹調苟失所入喉為鏝邪酉陽雜俎天公姓張名堅漁陽人乘白龍振策登天抱朴子釋鬼篇馮夷以八月上庚日渡河溺死天帝署為河伯

### 同王勝之游蔣山

王勝之名益柔河南人用蔭入官范文正公未識面以館閣薦之除集賢校理預蘇

此段又見本集漁家傲詞注中頃溪評此詩謂東坡自其好事如此也矣

子美奏邸會作傲歌中司與近臣合攻之言其當誅韓忠獻為仁宗言少年狂語何足深治天下大事不少而獨攻一王益柔此其意不在傲歌也帝感悟但黜監復州酒後歷知制誥直學士院連守大郡至江寧纔一日移南都故詩云到郡席不煖居民空惘然坡借勝之過儀真再和此詩介甫時居金陵數與坡游歎息謂人曰不知更幾百年方有如此人物既賦此詩介甫亟取讀至峰多巧障日江遠欲浮天乃撫几曰老夫平生作詩無此一句佳然足壓荆公和篇也

到郡席不煖居民空惘然好山無十里遺恨恐他年欲

歛南朝寺同登北郭船朱門收畫戟紺宇出青蓮公自注荆公以

寺夾路蒼髯古迎人翠麓偏龍腰蟠故國鳥爪寄曾巔

竹杪飛華屋松根泫細泉峰多巧障日江遠欲浮天畧  
杓橫秋水浮屠插暮煙歸來踏人影雲細月娟娟

後漢黃憲傳戴良見憲歸惘然若有失也庾仲雍九江記建鄴宮城孫權所築昔諸葛亮勸都之云鍾山龍蟠石頭虎踞有王者氣權從之高僧傳誌公生於鷹窠手類鳥爪死葬此山上木玄虛海賦洩澗激灑浮天無岸再見

### 至真州再和二首

王勝之是時年七十二東坡纔四十九故云話舊已忘年勝之至南都未幾而卒

老手王摩詰窮交孟浩然論詩曾伴直話舊已忘年北

上難陪驥東行且趁船離亭花映肉醉眼鷺窺蓮柂轉

三山沒風回五兩偏荒祠過瓜步古甃墮松巔聞道清

香閣新芻白玉泉莫教門掩夜坐待月流天小院檀槽

鬧空庭樺燭煙公詩便堪唱為付小嬋娟



世說賀司空入洛經吳閭門在船中彈琴張季鷹本不相識聞絃甚清下船就賀因共語便大相知說問賀卿欲何之賀曰入洛赴命正爾進路張曰吾亦有事北京因路寄載便與賀同發初不告家追問迺知衡按公詩北上難陪驥東行且趁船蓋借此事而翻用之也賀名循季鷹張翰字杜牧晚晴賦忽八九之紅芙蓉然如婦斂然如女白鷺潛來今邈風標之公子窺此美人今如慕悅其容媚李白鳳凰臺詩三山半落青天外二水中分白鷺洲北堂書鈔候風之羽楚人謂之五兩郭璞江賦覘五兩之動靜李善注引兵書曰凡候風法以雞羽重八兩建五丈旗取羽繫其巔立軍營中圖經揚州江都縣有瓜步鎮韋應物蘇州郡齋詩兵衛森畫戟宴寢凝清香再見白樂天嘗酒詩一甕香醪新插篴

公顏如雪柏千載故依然笑我無根柳空中不待年  
留歸闕旆坐待逆風船特許門傳籥一作籥那知箭起蓮相  
逢月上後小語坐西偏流落千帆側追思百尺巔躬耕  
懷谷口水石羨平泉茅屋歸元亮霓裳醉樂天行聞宣  
室召歸近御爐煙未用歌池上隨宜教李娟

門籥謂門筦籥箭籥謂蓮花漏也世說支道林語王逸少曰貧道與君小語韓退之庭楸詩朝日出其東吾嘗坐西偏劉夢得詩沉舟側畔千帆過病樹前頭萬木春揚子谷口鄭子真不屈其志耕乎巖谷之下賈氏談錄李德裕平泉莊周回四十里天下奇花異草珍松怪石靡不畢置其間陶淵明詩草屋八九間白樂天醉吟先生傳若興發命家僮調法部絲竹合奏霓裳羽衣一曲放情自娛茗芋而後已漢賈誼傳文帝思誼徵之至入見宣室注宣室未央前正室也白樂天和微之歌李娟張態君莫嫌亦擬隨宜且教取注娟態蘇之妓女也又樂天有池上篇

### 次韻答寶覺

芒屨竹杖布行纏遮莫千山更萬山從來無腳不解滑  
誰信石頭行路難

傳燈錄鄧隱峯辭馬祖問何處去對云石頭去師云石頭路滑石頭即希遷也為青原思下第二世號石頭遷

### 看子石硯歌贈胡閻

君不見成都畫手開十看橫雲卻月爭新奇游人指點



小嘖處中有漁陽胡馬嘶。又不見王孫青瑣橫雙碧腸。  
斷浮空遠山色。書生性命何足論。坐費千金買消渴。爾  
來喪亂愁天公。謫向君家書硯中。小牕虛幌相嫵媚。令  
君曉夢生春紅。毗耶居士談空處。結習已空花不住。試  
教天女為磨鉛。千偈瀾翻無一語。

川畫十眉圖序蛾眉翠黛臥蠶捧心偃月復月筋點柳葉遠山八字是為十眉成  
都古今集記明皇御容院有宋藝畫美人侍明皇翠眉十種世多傳寫以為贈玩  
晉賈充傳每讌賓僚其女輒於青瑣中窺之西京雜記文君姣姣眉目如望遠山  
為人放誕故悅長卿而越禮焉長卿素有消渴疾悅文君色遂發痼疾又揚雄懷  
鉛提槩從計吏訪四方詔作方  
言韓退之詩挈攜陬維口瀾翻

### 以玉帶施元長老元以衲裙相報次韻二首

病骨難堪玉帶圍。鈍根仍落箭鋒機。欲教乞食歌姬院。

### 故與雲山舊衲衣

傳燈錄禪宗有函蓋箭鋒語北夢瑣言韓熙載披毳衲  
於歌姬院持鉢乞食曰不為俗情所染可以說法度人

此帶閱人如傳舍。流傳到我亦悠哉。錦袍錯落真相稱。  
乞與佯狂老萬回。

舊唐書萬回法雲公闕鄉人姓張氏幼時笑傲若狂鄉黨莫測出入公卿間常披  
錦袍譚賓錄兩京記竝云開天傳信記萬回兄成安西常往省視一日往返萬里  
故號  
萬回

### 次韻滕元發許仲途秦少游

二公詩格老彌新。醉後狂吟許野人。坐看青丘吞澤芥。  
自慙黃潦薦谿蘋。兩邦旌纛光相照。十畝鋤犁手自親。  
何似秦郎妙天下。明年獻頌請東巡。

先生時乞事居  
任叔白稱野人



司馬相如子虛賦秋田乎青丘彷徨乎海外吞雲夢者八九其於胃中曾不帶芥  
屢見漢書賈捐之字君房楊典曰君房下筆言語妙天下後漢馬融傳車駕東巡  
岱宗融上東巡頌帝  
奇其文名拜郎中

送金山鄉僧歸蜀開堂

撞鐘浮玉山迎我三千指眾中聞磬效未語知鄉里我  
非箇中人何以默識子振衣忽歸去隻影千山裏涪江  
與中冷其此一味水冰盤薦琥珀何似糖霜美

華嚴經譬言如眾  
水皆同一味

送沈達赴廣南

嗟我與君皆丙子四十九年窮不死君隨幕府戰西羌  
夜渡冰河斫雲壘飛塵漲天箭灑甲歸對妻孥真夢耳

妙兩義形容各極其

我謫黃岡四五年孤舟出沒煙波裏故人不復通問訊  
疾病飢寒疑死矣相逢握手一大笑白髮蒼顏畧相似  
我方北渡脫重江君復南行輕萬里功名如幻何足計  
學道有牙真可喜句漏丹砂已付君汝陽壻盜吾何恥  
君歸趁我鷄黍約買田築室從今始

按公以景祐三年丙子生至元豐七年甲子四十九歲漢書幕府注幕府者以軍  
幕為義軍旅無常居止故以帳幕言之劉禹錫游桃源詩道牙期日就塵慮乃冰  
釋晉葛洪傳聞交趾出丹砂求為句漏令洪遂將子姪俱行至廣州刺史鄧嶽畱  
不聽去洪乃止羅浮山鍊丹互見前注莊子德充符壻盜大癩說齊桓公桓公說  
之而視全人其脰肩肩汝癩見上卷別黃州詩注公時方量移汝州  
故云鷄黍後漢范巨卿張元伯事注已見歐陽詩築室買田清穎尾

豆粥

君不見虜沱流漸車折軸公孫倉黃奉豆粥濕薪破竈



自燎衣。饑寒頓解。劉文叔。又不見金谷。敲冰草木春。帳  
下烹煎皆美人。萍蘂豆粥不傳法。咄嗟而辦石季倫。干  
戈未解身如寄。聲色相纏心已醉。身心顛倒自不知。更  
識人間有真味。豈如江頭千頃雪。色蘆茅簷出沒晨煙  
孤。地確春秔光似玉。沙餅煮豆軟如酥。我老此身無著  
處。賣書來問東家住。臥聽鷄鳴粥熟時。蓬頭曳履君家  
去。

後漢書光武字文叔。馮異字公孫。王郎起。光武東南馳。至無萋亭。時天寒烈。眾皆  
飢疲。異上豆粥。明日光武曰。昨得公孫豆粥。飢寒俱解。及至南宮。遇大風雨。引車  
入道旁空舍。異抱薪。鄧禹爇火。光武對竈燎衣。異復進麥飯菹。肩因復渡。虜沱河。  
至信都。建安六年。詔曰。倉卒無萋亭豆粥。虜沱河麥飯。厚意久未報。王霸傳。光武  
南馳至虜沱河。候吏還。白河水流澌。漢臨江王傳。既上車軸。折車廢。晉石崇傳。字  
季倫。有別館在河陽之金谷。為客作豆粥。咄嗟而辦。每冬得韭萍蘂。王愷以不能

及為恨。乃密貨崇帳下。問其所以。悉告之。遂爭長焉。崇後知之。殺所告者。楞  
嚴經。不知身心顛倒所在。狂游何將軍山林詩。盡括書籍。賣來問爾東家。

施註蘇詩卷之二十一



施註蘇詩卷之二十二

漫堂先生宋 犖

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩五十一首

時赴汝雷金陵道中作是年先生在泗州度歲卷中有泗州除夜雪中謝黃師是送酒及正月一日雪中過淮

詩 謁客

秦少游夢發殯而葬之者云是劉發之柩是歲

發首薦秦以詩賀之劉涇亦作因次其韻

君看三代士執雉本以殺身為小補居官死職戰死綏  
夢尸得官真古語五行勝已斯為官官如草木吾如土



看詩遠況已出好

仕而未祿猶賓客待以純臣蓋非古餽焉曰獻稱寡君  
豈比公卿相爾汝世衰道微士失已得喪悲歡反其故  
草袍蘆箠相嫵媚飲食嬉游事羣聚曲江船舫月燈毬  
是謂舞殯而歌墓看花走馬到東野餘子紛紛何足數  
二生年少兩豪逸詩酒不知軒冕苦故令將仕夢發棺  
勸子勿為官所腐塗車芻靈皆假設著眼細看君勿誤  
時來聊復一飛鳴進隱不須煩伍舉

周禮凡贊卿執羔大夫執鴈士執雉晉殷浩傳或問將得官而夢棺將得財而夢  
糞何也浩曰官本臭腐故將得官而夢尸錢本糞土故將得錢而夢穢時以為名  
言瑤璋子人命五行就我者為官禮記仕而未祿者君有餽焉曰獻使焉曰寡君  
違而君薨弗為服也庾信哀江南賦青袍似草古詩青袍似春草長條隨風舒韓  
退之永貞行睽閃跳跟相嫵媚列子天瑞篇長幼羣聚而為牢藉庖厨之物奚異  
犬豕之類乎撫言新進士宴各有月燈打毬又曲江亭子進士開宴既撤饌則移

樂泛舟率為常例咸錫故事二月士女咸出觀新進士月燈閣打毬會孟東野登  
第詩春風得意馬蹏疾一日看盡長安花禮記塗車芻靈自古有之明器之道也  
唐張嘉貞傳張說曰宰相時來則為史記楚世家莊王即位三年日夜為樂令國  
中曰敢諫者死伍舉入諫願有進隱曰有鳥在於阜三年不蜚不鳴是何鳥也王  
曰三年不蜚蜚則冲天三年不鳴鳴則驚人舉退矣吾知之矣

### 金山夢中作

江東賈客木綿裘會散金山月滿樓夜半潮來風又熟  
臥吹簫管到揚州

番禺雜編木綿先花後葉紫赤色大如梳二月三月間花既謝葉為綿有殼盛之  
彼人績為衣裘唐漢中王瑒嘗蚤朝聞笛聲曰何故臥吹笛工驚謝附讓皇帝傳

### 次韻周種惠石鈿

周種字仁熟御史秩之第公先曾舉充鄆  
州教授元祐三年種上疏乞以王安石配

享神宗公兩上章自劾乞正繆  
舉之鼻種後由此致身從橐云

銅腥鐵澀不宜泉愛此蒼然深且寬蟹眼翻波湯已作



龍頭拒火柄猶寒。薑新鹽少茶初熟。水漬雲烝蘚未乾。  
自古函牛多折足。要知無脚是輕安。

陸羽茶經漉水其格以生銅鑄之以備水濕韓石鼎聯句龍頭縮菌蠢又外苞乾蘚文中有暗浪驚淮南子函牛之鼎沸則蛾不得置一足焉後漢劉陶傳猶舉函牛之鼎絀織柘之木周易鼎卦鼎折足楞嚴經心悟實相身意輕安

次韻蔣穎叔

蔣穎叔名之奇宜與人

月明驚鵲未安枝。一棹飄然影自隨。江上秋風無限浪。  
枕中春夢不多時。瓊林花草聞前語。罨畫谿山指後期。

公自注蔣詩記及第時瓊林苑宴坐中所言且約同卜居陽羨 豈敢便為雞黍約。玉堂金殿要

論思

李白贈柳圓詩還同月下鵲三繞未安枝白樂天思家詩抱膝燈前影伴身異聞集書生姓盧者歎生世困厄呂翁取枕授之生俛首但記身入穴中榮適無比忽

欠伸而寤主人蒸黃梁猶未熟也注互見前唐劉商隱愛義與之罨畫溪遂葬居焉地志陽羨有六溪其三溪不知其處而六溪之中有荆溪則首受蕪湖東至陽羨入海圻俗呼為罨畫溪班固兩都賦言語侍從之臣朝夕論思日月獻納

龜山辯才師

此生念念浮雲改。寄語長淮今好在。故人宴坐虹梁南。  
新河巧出龜山背。木魚呼客振林莽。鐵鳳橫空飛綵繪。  
忽驚堂宇變雄深。坐覺風雷生謦欬。羨師游戲浮漚間。  
笑我榮枯彈指內。嘗茶看畫亦不惡。問法求詩了無礙。  
千里孤帆又獨來。五年一夢誰相對。何當來世結香火。  
永與名山躬井磴。

泗州圖經龜山在盱眙縣東北周回四里高十五丈新河在龜山南元豐七年發運使蔣之奇開置夾河自洪澤上至龜山六十里謂之新河杜詩鐵鳳森翔翮一



曰鐵鳳庭中長竿也。楞嚴經空生大覺中如海一漚發有漏微塵國皆依空所生漚滅空本無况復諸三有維摩經度千百劫猶如彈指

### 贈潘谷

志林賣墨者潘谷余不識其人然聞其所為非市井人也墨既精妙而價不二士或不持錢求墨不計多少與之此

豈徒然者哉余嘗與詩云一朝入海尋李白空看人間畫墨仙一日忽取欠墨錢券焚之飲酒三日發狂浪走遂赴井死人下視之蓋跌坐井中手尚持數珠也

潘郎曉踏河陽春明珠白壁驚市人  
那知望拜馬蹏下  
胃中一斛泥與塵何似墨潘穿破褐  
琅琅翠餅敲玄笏  
布衫漆黑手如龜未害冰壺貯秋月  
世人重耳輕目前  
區區張李爭媿妍一朝入海尋李白  
空看人間畫墨仙

晉陽秋潘岳為河陽令通樹桃李人號河陽一縣花百晝夏侯湛與潘岳同輿接茵京都人謂之連璧又不崇與潘岳諂事賈謐謐母廣成君出崇岳降車路左望塵而拜莊子逍遙遊宋人有善為不龜手之藥者世世以泔泔統為事張李張遇李庭珪也其墨為時所重見蔡君謨墨說杜子美送孔巢父詩巢父掉頭不肯住

東將入海隨煙霧若逢李白騎鯨魚道甫問信今何如

### 徐大正閑軒

徐大正字得之因其先君猷守黃州始從公游秦少游為作閑軒記

冰蠶不知寒火鼠不知暑知閑見閑地已覺非閑侶  
君看東坡翁懶散誰比數形骸墮醉夢生事委塵土  
蚤眠不見燈晚食或欺午臥看氈取盜坐視麥漂雨  
語希舌頗強行少腰脚僕五年黃州城不蹋黃州鼓  
人言我閑客置此閑處所問閑作何味如眼不自覩  
頗訝徐孝廉得閑能幾許介子願奉使翁歸備文武  
應緣不耐閑名字挂庭宇我詩為閑作更得不閑語  
君如汗血駒轉盼略燕楚莫嫌鑿輅重終勝鹽車苦



王子年拾遺記負嶠山有冰蠶長七寸黑色有鱗角以霜雪覆之作蠶長一尺織為文錦入水不濡入火不燥東方朔十洲記有火林山山中有火鼠火浣布即火鼠毛為之有垢燒之即除古詩話王貞白寄鄭谷詩火鼠重燒布冰蠶獨蠶絲直須天上手裁作領巾披晉王獻之傳嘗夜臥齋中有偷兒入其室盜物都盡獻之徐曰偷兒青氈我家舊物可特置之羣偷驚走後漢高鳳傳專精誦書妻嘗之田曝麥於庭令鳳護雞時天暴雨而鳳持竿誦經不覺潦水流麥妻還怪問鳳方悟之晉殷仲堪傳每云三日不讀道德論便覺舌本間強杜子美詩年侵腰脚衰三國楊阜傳曹洪置酒大會令女倡著羅縠之衣蹋鼓韓退之贈張十八詩不蹋曉鼓朝安眠聽逢逢楞嚴經若有見者去既花空旋合見眼若無見者出既翳空旋當翳眼漢武帝紀元光元年初令郡國舉孝廉漢傅介子傳元鳳中介子以駿馬監求使大宛因詔令責樓蘭龜茲國尹翁歸傳田延年為河東太守行縣至平陽悉召故吏親臨見之令有文者東有武者西閱數十人次到翁歸獨伏不起曰翁歸文武兼備唯所施設

蒜山松林中可卜居余欲僦其地地屬金山故

作此詩與金山元長老

魏王大瓠無人識種成何翅實五石不辭破作兩大尊

只憂水淺江湖窄我材濩落本無用虛名驚世終何益  
東方先生好自譽伯夷子路并為一杜陵布衣老且愚  
信口自比契與稷暮年欲學柳下惠嗜好酸鹹不相入  
金山也是不羈人蚤歲聞名晚相得我醉而嬉欲仙去  
旁人笑倒山謂實問我此生何所歸笑指浮休百年宅  
蒜山幸有閑田地招此無家一房客

莊子逍遙游惠子謂莊子曰魏王貽我大瓠之種我樹之成而實五石以盛水漿其堅不能自舉也剖之以為瓢則瓠落無所容莊子天地篇百年之木破為犧尊漢東方朔傳初來上書文辭不遜高自稱譽上嘗問朔曰先生視朕何如主朔曰陛下功德陳五帝之主在三王之右誠得天下賢士公卿在位咸得其人譬若以季路為執金吾伯夷為京兆云云上廼大笑杜子美赴奉先詩杜陵有布衣老大意轉拙許身一何愚竊比稷與高韓退之酬盧雲夫詩雲夫吾兄有狂氣嗜好與俗殊酸鹹又送惠師詩惠師浮屠者乃是不羈人浮休字出莊子刻意篇注屢見潤州類集蒜山在江上說者云山多澤蒜故名一說蒜當作籌算之算周瑜諸葛



亮嘗會此山議拒曹操後有赤壁之勝時人以為其多算故名陸龜蒙詩云周郎計算清宵定是也張籍詩愛養無家客撫遺呂仙翁和大雲寺僧詩曰三千里外無家客七百年來雲水身

王仲父哀辭 并引

仁宗朝以制策登科者十五人軾忝冒時尚有富

彥國張安道錢子飛吳長文夏公酉陳令舉錢醇

老王中父并軾與家弟轍九人存焉其後十有五

年哭中父於密州作詩弔之則子飛長文令舉歿

矣又八年軾自黃州量移汝海與中父之子沈之

相遇於京口相持而泣則十五人者獨三人存耳

蓋安道及軾與家弟而已嗚呼悲夫乃復次前韻

是即所謂先帝親收十五人耶

以遺沈之時沈之亦以臯謫家於錢塘云

生芻不獨比前人東藁端能廢謝鯤子達想無身後念

吾衰不復夢中論已知毅豹為均死未識荆凡定孰存

堪笑東坡癡鈍老區區猶記刻舟痕

後漢徐穉傳郭林宗有母憂穉往弔之置生芻一束於廬前而去眾怪不知其故林宗曰此必南州高士徐孺子也詩不云乎生芻一束其人如玉晉謝鯤傳為太傅掾坐家僮取官藁除名莊子達生篇魯有單豹嚴居而水飲不與民共利行年七十而有嬰兒之色不幸遇餓虎殺而食之有張毅者高門懸薄無不走也行年四十而有內熱之病以死豹養其內而虎食其外毅養其外而疾攻其內又田子方篇楚王與凡君坐少焉楚王左右曰凡亡者三凡君曰凡之亡也不足以喪吾存則楚之存不足以存存由是觀之則凡未始亡而楚未始存也呂氏春秋楚人有涉江者其劍自舟中墜於水遽刻其舟曰是吾劍所從墜也舟已行而劍不行若此求劍不亦惑乎

蔡景繁官舍小閣

十九卷有和蔡海州石室詩蔡景繁名承禧臨川人中嘉祐進士第自知雩都縣神



宗名對擢監察御史裏行時呂惠卿參政事景繁極論其姦章言  
廷諍前後十數竟罷去又論用兵交趾不可與爭旦夕利所遺北  
軍難以深入論中人李憲不宜主兵柄皆人所難言者後出為淮  
南轉運副使置司楚州東坡謫黃實在部內獨拳拳慰藉行部訪  
之製詞示坡坡以簡謝云此古人長短句詩也試勉繼之晚即面  
呈又云寄惠奇篇伏讀驚聳李太白自言名章俊語絡繹間起正  
如此耳謹已和一首并藏篋中異日當奉呈也和篇皆失其傳與  
景繁諸帖集亦不載後傳其孫擇言東坡自黃移汝以元豐七年  
至日過山陽登西閣時景繁方行部既賦此詩且以帖與景繁云  
西閣詩不敢不作然未敢便寫板上閣名亦思之未有佳者蔡謨  
蔡廓名父子也晉宋間第一流輒以仰比公家不知可否坡帖云  
西閣而集本作東閣其義理曉然而誤乃如此神宗元豐五年一  
新官制遷進廷臣六年以殿前司廨舍地為尚書省自令僕射以  
下至員外郎聽事凡屋四千餘間故詩云文昌新構滿鸚鵡都邑  
正喧收杞梓坡以十二月朔至泗州景繁以是月得疾卒坡為文  
祭之有云子有賢子汗血之駿天哀子窮以是饋贖景繁國史無  
傳文集亦未之見子居厚事  
祐陵為諫官仕至戶部侍郎

使君不獨東南美典刑尚記先君子戲嘲王叟短轅車

肯為徐郎書紙尾三年弭節江湖上千首放懷風月裏

手開西閣坐虛明目淨東谿照清泚素琴濁酒容一

榻落霞孤鶩供千里大舫何時繫門柳小詩屢欲書牕

紙文昌新構滿鸚鵡都邑正喧收杞梓相逢一醉豈有

命南來寂寞君歸矣

三國虞翻傳孔融答書曰觀子之治易乃知東南之美非徒會稽之竹箭也晉王  
導傳妻曹氏性妒導密營別館以處眾妾曹氏知之將往焉導恐妾被辱遽命駕  
猶恐遲以所執塵尾柄驅牛而進蔡謨聞之戲導曰朝廷欲加公九錫導弗之覺  
但謙退而已謨曰不聞餘物惟短轅轎車長柄塵尾南史蔡廓傳為吏部尚書問  
中書令傅亮選事若悉以見付不論不然不能拜也亮以語錄尚書徐羨之美之  
曰黃門郎以下悉以委蔡自此上故宜共參同異廓曰我不能為徐干木署紙尾  
遂不拜羨之小字干木漢天文志斗魁戴筐六星曰文昌宮唐百官志光宅元年  
改尚書省曰文昌臺左傳襄二十六年如杞梓皮革自楚往也韓退之贈張進士  
詩況當營都邑  
杞梓用不疑



思結總石由人

高郵陳直躬處士畫鴈二首

陳直躬偕之子也家故饒財而偕與其弟獨喜學畫

其後伎日以進家日以微遂以為業士大夫既喜其畫且愛其為人往往稱之直躬亦世其學云見高郵志

野鴈見人時未起意先改君從何處看得此無人態無

乃槁木形人禽兩自在北風振枯葦微雪落璀璨慘澹

雲水昏晶熒沙礫碎弋人悵何慕一舉渺江海

衆禽事紛爭野鴈獨閑潔徐行意自得俯仰若有節我

衰寄江湖老伴雜鵝鴨作書問陳子曉景畫苔雪依依

聚圓沙稍稍動斜月先鳴獨鼓翅吹亂蘆花雪

和王旂二首

公自注旂平甫子按王旂字元龍父安國字平甫介甫之弟幼敏悟以文章稱於世神宗賜對問卿兄秉政外論謂何曰恨知人不明聚斂太急耳為祕閣校理屢以新法力諫其兄惡呂惠卿之姦數摧抑之惠卿得政因鄭俠上書

西繼云无咎集  
中有和蘇翰林  
題李甲函雁二  
首乃用此韻不  
知何謂

遂陷平父奪官放歸田里  
年四十七復官命下而卒

異時長怪謫仙人舌有風雷筆有神聞道騎鯨游汗漫

憶嘗捫蝨話悲辛氣吞餘子無全目詩到諸郎尚絕倫

白髮故交空掩卷淚河東注問蒼旻

曾鞏雜識王平父熙寧癸丑歲宿直崇文館夢有要之至海上見水中宮殿其中樂作笙簫鼓吹之伎甚衆題其宮曰靈芝宮平父欲與俱往有人在宮側隔水曰時未至且命去它日迎之至此恍惚夢覺時禁中已鐘鳴平父自是頗負不凡為詩曰萬頃波濤木葉飛笙簫宮殿號靈芝揮毫不似人間世長樂鐘來夢覺時晉苻堅載記桓溫入關王猛詣之一面談當世之事捫蝨而言李白贈張鎬詩捫蝨對相公願得論悲辛孫綽天台山賦投刃皆虛目牛無全選詩驚雀無全目世說顧長康拜相宣武墓人問曰卿憑重相乃爾哭之狀其可見乎顧曰鼻如廣莫長風眼如懸河决溜或曰聲如震雷破山淚如傾河注海杜子美詩猶有淚成河經天復東注爾雅春為蒼天夏為昊天秋為旻天冬為上天

嫋嫋春風送度關娟娟霜月照生還遲留歲暮江淮上

勤舊刻



來往君家伯仲間。未厭冰灘吼新洛。且看松雪媚南山。  
野梅官柳何時動。飛蓋長橋待子閑。

新洛汴渠舊引黃河。元豐中始引洛水。易之謂之清汴。或謂之新洛。杜甫西郊詩。市橋官柳細。江路野梅香。

次韻張琬

是時有兩張琬。一韓城人。父昇。樞密使。歸老嵩山。元祐初。琬自齊州倅求便親。養兩易衛尉丞。以才擢知秀州。

崇寧間為廣東轉運副使。移京東西路。又一鄱陽人。治平二年登第。詩中有臨淮自古多奇士之句。臨淮乃泗邑。疑自有一張琬。而二人者皆非也。姑載於此。以俟知者正之。

新洛霜餘兩岸隆。塵埃舉袂識西風。臨淮自古多名士。  
樽酒相連一作從樂寓公。半日偷閑歌嘯裏。百年暗盡往來  
中。知君不向窮愁老。尚有清詩氣吐虹。

禮記諸侯不臣寓公。史記虞卿傳。非窮愁不能著書。歐陽公詩。昔年叨入武成宮。曾見揮毫氣吐虹。

第六好

次韻王定國南遷回見寄

土暈銅花蝕秋水。要須悍石相礮砥。十年冰蘖戰膏梁。  
萬里煙波濯紈綺。歸來詩思轉清激。百丈空潭數魴鯉。  
逝將桂浦擷蘭蓀。不記槐堂收劍履。卻思庾嶺今何在。  
更說彭城真夢耳。公自注。來詩。君知先竭是甘井。我願得全  
如苦李。妄心不復九回腸。至道終當三洗髓。廣陵陽羨

何足較。

公自注。余買田陽羨。來詩以為不如廣陵。

只有無何真我里。樂全老子今禪

伯。

公自注。謂張安道也。定國其壻。

掣電機鋒不容擬。心通豈復問云何。印可

聊須答如是。相逢為我話畱滯。桃花春漲孤舟起。

李賀長平箭頭歌。淒淒古血生銅花。白樂天詩。三年為刺史。飲冰復食蘖。國語膏粱之性。難以力正。漢班固傳。在於綺襦紈袴之間。非其好也。莊子。山木篇。直木先

清峭之氣以名然



伐甘井先竭苦李用王戎語注已見漢武洞冥記東方朔游於鴻蒙之澤有黃眉翁語朔曰吾御食已九千歲三千年一反骨洗髓三千年一剝肉伐毛吾生已三洗髓五伐毛矣莊子應帝王出六極之外游無何有之鄉金剛經云何降伏其心又諸菩薩應如是住如是降伏其心世說世尊默然則為許可漢溝洫志社欽說王鳳曰來春桃李水盛必羨溢

### 贈梁道人

採藥壺公處處過笑看金狄手摩挲老人大父識君久造物小兒如子何寒盡山中無曆日雨斜江上一漁蓑神仙護短多官府未厭人間醉踏歌

壺公費長房事金狄劉子訓事並已見史記封禪書李少君嘗從武安侯飲坐中有九十餘老人少君乃言與其大父游射處老人為兒時從其大父識其處一坐盡驚景龍文館記杜審言好大言臨終宋之問往候之乃曰甚被造物小兒相苦僕在世久歷公等今死固當慰人心但恨不見替人耳唐書本傳云造化小兒又互見前唐人詩山中無曆日寒盡不知年青瑣集贈採蓮公詩八十仙翁今釣客一輪一艇一漁蓑韓退之記夢詩乃知仙人未賢聖護短憑愚邀我敬續仙傳藍

采和每於城市持大拍版常醉踏歌行則振靴言踏踏歌藍采和

### 雍秀才畫草蟲八物

#### 促織

月叢號耿耿露葉泣漙漙夜長不自暖那憂公子寒

古詩明月皎夜光促織鳴東壁詩國風零露漙兮又為公子裳

#### 蟬

蛻形濁汗中羽翼便翾好秋來閒何闊已抱寒莖槁

淮南子蟬飲不食三十日而蛻漢諸葛豐傳為司隸校尉刺舉無所避京師為之語曰閒何闊逢諸葛

#### 蝦蟇

睥目知誰瞋蟠腹空自脹慎勿困蜈蚣飢虵不汝放



左傳宣二年宋城華元為植巡功城者諷曰睥其目瞞其腹小說世有畫蜈蚣蝦  
蟻地三物為圖者謂蜈蚣畏蝦蟇蝦蟇畏蛇而蛇復畏蜈蚣也今以三物聚而為  
一雖有相吞噬之意無敢先之者  
蓋更相制伏去一則能肆其毒焉

### 蠃娘

洪鐘起暗室飄瓦落空庭誰言轉丸手能作殷牀一作雷聲

莊子外物篇雖有有心者不怨  
飄瓦莊子蠃娘之智在於轉丸

### 天水牛

兩角徒自長空飛不服箱為牛竟何事利吻穴枯桑

詩小雅既彼牽牛不以  
服箱選詩枯桑知天風

### 蝎虎

跂跂有足虵脈脈無角龍為虎君勿笑食盡蠆尾蟲

漢東方朔傳臣以為龍又無角謂之為虵又有足跂跂脈脈善緣壁再  
見左傳昭四年鄭子產作丘賦國人謗之曰其父死於路已為蠆尾

### 蝸牛

腥涎不滿殼聊足以自濡升高不知回竟作黏壁枯

### 鬼蝶

雙眉卷鐵絲兩翅暈金碧初來花爭妍忽去鬼無迹

### 泗州南山監倉蕭淵東軒二首

偶隨樵父採都梁公自注南山名都梁山出都梁香故也竹屋松扉試乞漿但見

東軒堪隱几不知公子是監倉谿中亂石牆垣古山下

寒蔬七箸香我是江南舊游客挂冠知有老蕭郎

古樂府行胡從何方列國持何來醜醜登穩五木香迷迭艾  
納及都梁白樂天詩能文好飲老蕭郎身似浮雲鬢似霜



北望飛塵苦晝霾。洗心聊復寄東齋。珍禽聲好猶思越。野橋香清未過淮。有信微泉來遠嶺。無心明月轉空階。一官倉庾真堪老。坐看松根落斷崖。

詩國風終風且霾。爾雅風而雨土曰霾。史記陳軫傳凡人之思故在其病也。彼思越則越聲不思越則楚聲。周禮橋踰淮而北為枳。史記平準書居官者以為姓號。注倉氏庾氏是也。再見。

泗州除夜雪中黃師是送酥酒二首

自此詩以下至書劉君射堂凡

七詩墨蹟刻於成都府治續帖中。其後跋云。過泗州作此數詩。偶此佳紙精墨寫之。以遺旌德君。元豐八年正月十日。東坡居士書。旌德蓋王夫人也。墨蹟刻本與集本開有不同。今皆從刻石本。黃師是名實。

暮雪紛紛投碎米。春流活活走黃沙。舊游似夢徒能說。遷客如僧豈有家。冷硯欲書先自凍。孤燈何事獨

成一作生花使君半夜分酥酒。驚起妻孥一笑譁。

關右土酥黃似酒。揚州雲液卻如酥。欲從元放覓拄杖。忽有麴生來坐隅。對雪不堪令飽煖。隔船應已厭歌呼。明朝積玉深三尺。高枕牀頭尚一壺。

杜詩金城土酥淨如練。土酥者彼中酥名。雲液揚之公厨酒名也。神仙傳孔元放與客會飲。元放作令以杖拄地。手把杖倒。頭下足上一手持杯倒飲之。人莫能為也。或曰。即左元放一說。左慈字元放。孫討逆欲殺之。慈著木履。拄一竹杖。徐徐而行。討逆著鞭策馬。終不能及。見太平廣記。開天傳信記。葉法善有道術。一日與朝士會。玄真觀忽有一人叩門稱麴秀才。未及延接。已突入座。中少年美風姿。語論不凡。葉疑其非人。潛飛小劍擊之。應手墮地。乃一酒榼。中有美醞。共飲之。同坐皆曰。麴生風味不可忘。

章錢二君見和復次韻答之

黃昏已作風翻絮。半夜猶驚月在沙。照汴玉峰明佛刹。



廉陽二字商而老

隔淮雲海暗人家。來年有信迎三白。蒼筤無香散六花。  
欲喚阿咸來守歲。林烏樞馬鬪。謹一作譁

西陽雜俎花少六出者惟梔子花六出陶貞白言即西域蒼筤花杜子美杜位宅詩守歲阿戎家椒盤已頌花盞簪喧樞馬列炬散林鴉按杜詩諸本皆云守歲阿戎家獨謝無逸手抄陳無已所校本作阿咸蓋子美於杜位為宗從故當用阿咸事也無已云太清本

分無纖手裁春勝。更有新詩點蜀酥。醉裏冰髭失纓絡。  
夢回布被起廉隅。君應旅睫寒生暈。我亦飢腸夜自呼。  
明日南山春色動。不知誰佩紫微壺。

觀音普門品經即解頸眾寶珠纓絡而以與之南山在泗州盱眙縣自泗州過淮即米元章所謂東南第一山也紫微壺事未詳然杜牧之獨酌詩云獨佩一壺游秋毫太山小牧之終中書舍人開元元年改中書省曰紫微疑用此句

正月一日雪中過淮謁客回作二首

十里清淮上。長堤轉雪龍。冰崖落屐齒。風葉亂裘茸。  
萬頃穿銀海。千尋渡玉峰。從來脩月手。合在廣寒宮。

左傳僖五年晉士蔿賦曰狐裘龙茸一國三公吾誰適從漢劉向傳始皇驪山以水銀為江海西陽雜俎太和中鄭仁本弟仁表游嵩山迷路見一人枕一襪物而坐因問之乃云君知月七寶合成乎常有八萬二千戶脩之我乃其一也十洲記冬至月伏於廣寒之宮養魄於廣寒之地

攢眉有底恨。得句不妨清。霽霧開寒谷。饑鴉舞雪城。  
橋聲春市散。塔影暮淮平。不用殘燈火。船牕夜自明。

書劉君射堂集本云劉乙新作射堂公自注乙父嘗知眉州

蘭玉當年刺史家。雙鞬馳射笑穿花。而今白首閑驄馬。  
只有清樽照畫蛇。寂寂小軒蛛網遍。陰陰垂柳鴈行斜。  
手柔弓燥春風後。置酒看君中戟牙。



後漢董卓傳奮力過人雙帶兩鞬左右馳射鮑明遠詩氈帶佩雙鞬杜子美詩使君五馬一馬驄晉書樂廣傳有親賓久闊不復來廣問其故答曰前在座蒙賜酒方欲飲杯中有一蛇影意甚惡之既飲而疾于時河南廳事壁上有角漆畫作地廣意杯中地即角影也復置酒于前處謂客曰酒中復有所見不答曰所見如初廣乃告其所以客豁然意解沈疴頓愈魏文帝典論歲之暮春句芒司節和風扇物弓燥手柔草淺獸肥與族兄子丹獵于鄴西終日手獲麋鹿九雉兔三十後漢呂布傳植戟於營門謂袁術將紀靈曰請君觀布射戟小支中者當各解兵不中可雷決鬪布一發正中戟支靈等皆驚曰將軍天威也明日復歡會然後罷

孫莘老寄墨四首

徂徠無老松易水無良工珍材取樂浪妙手惟潘翁自公

注潘谷作墨雜用高麗煤魚胞熟萬杵犀角盤雙龍墨成不敢用進入

蓬萊宮蓬萊春晝永玉殿明房櫺金牋灑飛白瑞霧縈

長虹遙憐醉常侍一笑開天容

詩魯頌徂徠之松新甫之柏墨譜唐有祖氏易水人世為墨官又李庭珪父子張遇皆易水人嗣為南唐墨官漢地理志樂浪郡武帝元封三年開應劭曰故朝鮮國

也文房四譜韋仲將墨法云煙一斤好膠五兩浸椀皮汁中下鐵臼搗三萬杵多

尤善又造墨法有使鯉魚胞者王闢之滙水燕談蔡君謨評墨云李廷珪張遇墨

著名當時其制有進貢供堂劍脊圓握其面多龍文唐地理志改東內為蓬萊宮

杜子美莫相疑行憶獻三賦蓬萊宮書苑飛白書者漢蔡伯喈見鴻都役人以聖

帝成字心有悅焉歸而為飛白之書唐太宗作飛白字賜羣臣或乘醉爭取於

帝前散騎常侍劉洎登御牀引手得之帝笑曰昔聞婕妤辭輦今見常侍登牀

谿石琢馬肝剡藤開玉版噓噓雲霧出奕奕龍蛇縮此

中有何好秀色紛滿眼故人歸天祿古漆窺蠹簡隄麋

給尚方老手擅編剡分餘幸見及流落一歎赧

漢武帝時外國獻馬肝石硯譜端州深溪之石其色紫如馬肝者為上舒元輿悲

剡谿古藤文剡溪上多古藤株棘谿中多紙工擘剡皮肌以給其業異日過數十

百郡泊東維西雍歷見書文者皆以剡紙相夸漢揚雄傳校書天祿閣三輔故事

天祿閣在大殿北以藏祕書晉束皙傳太康二年汲郡人不準盜發安釐王冢得

竹書數十車銅劍一枚漆書皆科斗字漢官儀尚書丞郎



者唐夫子遠致烏玉玦公自注唐林夫寄張遇墨半丸先生又繼之圭璧爛  
箱篋晴牕洗硯坐。虵蚓稍蟠結。便有好事人。敲門求醉  
帖。

子孟東野弔盧殷詩故書窮鼠齧狼籍一室間唐鄭虔好書常苦無紙慈恩寺貯柿葉數屋度日取肄書歲久殆遍法書苑僧懷素善草書常作醉帖

吾窮本坐詩久服朋友戒五年江湖上閉口洗殘債今  
來復稍稍快癢如爬疥先生不譏訶又復寄詩械幽光  
發奇思點黜出荒怪詩成自一笑故疾逢鰕蟹

白樂天齋戒詩詩債填還亦欲平又多生債負是歌詩韓退之詩愜興劇爬疥杜牧之讀韓杜集詩杜詩韓筆愁來讀似倩麻姑廣處抓點黜見衛恒四體書勢一本作點點

### 留題蘭臯亭

雪後東風未肯和叩門遷客夜經過不知舊竹生新筍  
但見清伊換濁河無復往來乘下澤聊同笑語說東坡  
明年我亦開三徑寂寂兼無雀可羅

下澤車用後漢馬援傳語注再見東坡白樂天謫忠州州有東坡屢作詩以言之故公在黃州亦作東坡乃樂天之遺意也又白詩園荒唯有薪堪採門冷兼無雀可羅

### 和人見贈

只寫東坡不著名此身已是一長亭壯心無復春流起  
衰鬢從教病葉零知有雪兒供筆硯應嗤竈婦洗盆餅  
回來索酒公應厭京口新傳作客經

王子韶雞跡集唐韓定酬馬或詩曰盛德好將銀筆述麗詞堪與雪兒歌馬問雪兒歌事韓曰雪兒李密歌姬也每賓僚文章奇麗者即付使歌之禮記奧者老婦之祭也盛於盆尊於餅



和田仲宣見贈

頭白江南醉司馬。寬心時復喚殷兄。寒潮不應淮無信。客路相隨月有情。未許低頭拜東野。徒言共飲勝公榮。好詩惡韻那容和。刻燭應須便置觥。

醉司馬白樂天也。白自號醉吟先生。嘗謫江州司馬。白歲日家宴詩。猶有誇張少年處。笑呼張丈喚殷兄。晉王戎傳嘗與阮籍飲時。劉昶在坐。籍以酒少。酌不及昶。昶無恨色。戎異之。他日問籍曰。彼何如人也。答曰。勝公榮不可不與飲。若減公榮。則不敢不共飲。惟公榮可不與飲。昶字公榮。

和王勝之三首

城上湖光暖欲波。美人唱我踏春歌。魯公賓客皆詩酒。誰是神仙張志和。

異聞集。邢鳳之子。夢一美人歌踏陽春之曲。曰。踏陽春人間二月雨。和塵陽春踏盡秋風起。愁盡人間白髮人。酉陽雜俎。元和初。有士人因醉臥廳中。及醒。見古屏。

上婦人悉於牀前踏歌。歌曰。長安女兒踏春陽。無處春陽不斷腸。士人驚叱之。忽然上屏。續仙傳。玄真子姓張。名志和。魯國公顏真卿與之友善。真卿為湖州刺史。與門客會飲。乃唱和為漁父詞。其首唱即志和之詞。曰。西塞山邊白鷺飛。桃花流水鱖魚肥。青箬笠。綠蓑衣。斜風細雨不須歸。真卿與陸鴻漸。徐士衡。李成。矩共唱和。二十五首。遞相誇尚。又互見十七卷。過賈收水閣詩注。

齊釀如澠漲綠波。公詩句句可絃歌。流觴曲水無多日。更作新詩繼永和。

左傳。昭十二年。晉侯以齊侯宴。投壺。齊侯舉矢曰。有酒如澠。有肉如陵。寡人以此與君代興。李白詩。風來綠酒生微波。史記。孔子世家。詩三百篇。孔子皆絃歌之。王羲之傳。與同志宴集於山陰之蘭亭。自為叙曰。永和九年。暮春之初。會于蘭亭。修禊事也。故列叙時人。錄其所述。蘭亭曲水詩集云。一十一人。詩兩篇。成一十五人。一篇。成一十六人。詩不成。各罰酒三觥。

要知太守憐孤客。不惜陽春和俚歌。坐睡樽前呼不應。為公雕琢損天和。



宋玉對楚王問客有歌於郢中者其始曰下里巴人國中屬而和者數千人其為陽春白雪屬而和者數十人韓退之石鼎聯句序三子坐睡及覺日已上後漢劉寬嘗講經於靈帝前被酒坐睡

記夢 并叙

樂全先生夢人以詩三篇示之字皆旁行而不可識旁有人道衣古貌為讀其中一篇云人事且常在留質悟圓間凡四句覺而忘其二以告其客蘇軾軾以私意廣之云

圓間有物物間空豈有圓空入井中不信天形真箇樣故應眼力自先窮連環易一作已解如神手萬竅猶號未濟風稽首問公公大笑本來誰礙更求通

楞嚴經鑿井求水出土一尺於中則有一尺虛空此空若因土出則出時應見空入若土先出無空入者云何虛空因上而出王注昔言天者有渾天有宣夜有蓋天其論天形之說各異戰國策秦昭王嘗遣使者遺君王后玉連環曰齊多知而解此環不后以示羣臣羣臣不知解后引椎推破之謝秦使曰謹以解矣莊子天下篇連環可解也我知天之中央

寄蘄篔與蒲傳正

蒲傳正名宗孟閬州新井人嘗以書寄東坡云晚年學道有所得坡答之曰聞所得

甚高然有二事持勸一曰慈二曰儉此詩云霧帳銀牀牙籤玉局云云亦可見其奉養矣坡女姪歸其子澈傳正守長安其婦冬月閉戶以酥滴花菓設客一客二十旬用已輒更以此諸婦滴酥日夜不輟

蘭谿美箭不成笛離離玉筋排霜脊千溝萬縷自生風  
入手未開先慘慄公家列屋閑蛾眉珠簾不動花陰移  
霧帳銀牀初破睡牙籤玉局坐彈碁東坡病叟長羈旅  
凍臥饑吟似饑鼠倚賴春風洗破衾一夜雪寒披故絮



健筆在少陵昌  
君之向

火冷燈青誰復知。孤舟兒女自憂。皇天何時反炎燠。  
愧此八尺黃琉璃。願君淨掃清香閣。臥聽風漪聲滿榻。  
習習還從兩腋生。請公乘此朝閭闔。

蕪春地志。蕪水縣。漢蕪春地也。宋永嘉中立浠水縣。唐改為蕪溪縣。又改曰蕪水。蘭溪源出苦竹山。笛竹生羅田縣山中。蕪竹亦生於此。用以為簞。韓退之送李愿序。曲眉豐頰。粉白黛綠者。列屋而閑居。詩國風。榛首蛾眉。巧笑倩兮。晉周顛傳。王敦籍頰家。得素簞數枚。盛故絮而已。晉吳隱之。字處默。雖居清顯。祿賜皆頒親族。冬月無被。澣衣乃披。其絮孫樵迎春。凍切人骨。闔閭感感。燈膏火白。門無蹠轍。跡韓退之。鄭羣贈簞詩。蕪州笛竹。天下知。鄭君所寶尤環奇。攜來當畫不得臥。一府傳看黃琉璃。又誰謂故人知我意。卷送八尺含風漪。說文。楚人名門曰閭。閭閭天門也。漢司馬相如傳。云掛閭闔入帝宮。

奇怪石石斛與魯元翰

山骨裁方斛。江珍拾淺灘。清池上几案。碎月落杯盤。老去懷三友。平生困一簞。堅姿聊自傲。秀色亦堪餐。好去

髯卿舍。憑將道眼看。東坡最後供。霜雪照人寒。

陸士衡羅敷歌。鮮膚一何潤。秀色若可餐。王維六祖禪師碑。弟子曰神會。遇師於晚景。聞道於中年。雖末後供樂。最上乘。東坡雜文有怪石供後。怪石供二篇。

漁父四首

漁父飲。誰家去。魚蟹一時分付酒。無多少。醉為期。彼此不論錢數。

漁父醉。蓑衣舞。醉裏卻尋歸路。輕舟短棹。任斜橫。醒後不知何處。

漁父醒。春江午。夢斷落花飛絮。酒醒還醉。醉還醒。一笑人間今古。

漁父笑。輕鷗舉。漠漠一江風雨。江邊騎馬。是官人。借我



孤舟南渡

杜子美詩江天漠漠鳥飛去又詩劍外官人冷韓退之王君墓誌一女伶之必嫁官人不以與凡子

施註蘇詩卷之二十二

施註蘇詩卷之二十三

漫堂先生宋 犖

長洲顧嗣立

樸園先生張榕端

閱定

毗陵邵長蘅

刪補

商丘宋 至

詩四十八首

起常州居住洎赴登州道中作是歲元豐乙丑先生年五十 施注缺今補

李憲仲哀詞

并序 叙

同年友李君諱惇字憲仲賢而有文不幸早世軾不及與之遊也而識其子廌有年矣廌自陽翟見予於南京泣曰吾祖母邊母馬前母張與君之喪皆未葬貧不敢以饑寒為戚顧四喪未舉死不瞑



目矣。適會故人梁先吉老聞余當歸耕陽羨以絹  
十匹絲百兩為贖辭之不可乃以遺薦曰此亦仁  
人之餽也既又作詩以告知君與薦者庶幾皆有  
以助之薦年二十五其文曄然氣節不凡此豈終  
窮者哉

大夢行當覺百年特未滿。遑哀已逝人長眠寄孤館念  
我同年生意長日月短鹽車困騏驥烈火廢圭瓚後生  
有奇骨出語已精悍蕭然野鶴姿誰復識中散有生寓  
大塊死者誰不窾嗟君獨久客不識黃土煖推衣助孝  
子一漑滋湯旱誰能脫左驂大事不可緩

莊子齊物論覺而後知其夢也且有覺而後知此大夢也野鶴用稽紹事見十  
二卷京師哭任遵聖詩注莊子大宗師大塊載我以形勞我以生佚我以老息我  
以死西漢楊王孫報所侯書曰乃得歸土就其真宅由是言之焉用久客詳見十  
六卷遊桓山會者十人詩注嵇康養生論為稼於湯世偏有一漑之功者雖終焦  
爛必一漑者後枯然則一漑之益固不可誣禮記檀弓孔子之衛遇舊館人之喪  
入而哭之哀出使子貢脫驂而賻之史記管晏傳越石父賢在縲紲中晏子解左  
驂贖之

### 贈眼醫王生彥若

鍼頭如麥芒氣出如車軸。閒關絡脈中性命寄毛粟而  
况清淨眼內景含天燭琉璃貯沆瀣輕脆不任觸而子  
於其閒來往施鋒鏃笑談紛自若觀者頸為縮運鍼如  
運斤去翳如拆屋常疑子善幻他技雜符祝子言吾有  
道此理君未矚形骸一塵垢貴賤兩草木世人方重外

有韻之文汪洋自  
恣一至于此乎在  
人未見其



祝詩明白

五輪按能樹王善  
落眼許望風氣  
肉五輪之五職也見  
於以齋偶詠第七  
卷幸寅之

車夫紅赤洋

著名之語抵八百  
羅場之幸在父吏  
拘牽真以國社考

妄見瓦與玉而我初不知刺眼如刺肉君看目與翳是  
翳要非目目翳苟二物易分如麥菽寧聞老農夫去草  
更傷穀鼻端有餘地肝膽分楚蜀吾於五輪閒蕩蕩見  
空曲如行九軌道竝驅無擊轍空花誰開落明月自肫

音雙

胸女六

請問樂全堂忘言老尊宿

先生門下醫也

素問鍼頭如芒氣出如篴黃庭經有內景外景楚辭遠遊餐六氣而飲沆瀣張衡  
思玄賦翕青岑之玉醴兮餐沆瀣以為糧注沆瀣北方夜半氣也莊子徐無鬼郢  
人堊漫其鼻端若蟬翼匠石運斤成風聽而斲之盡堊而鼻不傷再見韓退之高  
閑上人序吾聞浮屠人善幻多技能漢書張騫傳解鞍眩人注眩全幻即今吞刀  
吐火植瓜種木屠人戮馬之術皆是莊子達生其巧一也而有所矜則重外也凡  
外重者內拙五輪眼科常談周禮經涂九軌詩國風竝驅從兩肩兮楞嚴經亦如  
翳人見空中花翳病若除花於空滅釋名肫月未盛明也魄月始生魄然也註承  
大月月生三日謂之魄承小月月生謂之肫又晦而月見西方謂之朏朔而見東  
方謂之縮胸朏健  
行貌縮胸遲貌

與歐育等六人飲酒

忽驚春色二分空且看樽前半丈紅苦戰知君便白羽  
倦遊憐我憶黃封年來齒髮老未老此去江淮東復東  
記取六人相會處引杯看劍坐生風

家語子路曰赤羽若日白羽若月按赤白羽指箭羽也歐育武將故云黃封輦下  
以黃封酒為貴蓋重內醞也李賀詩紫絲竹斷驄馬小家住淺塘東復東杜子美  
詩看劍引  
杯長再見

觀杭州鈴轄歐育刀劍戰袍

青綾衲衫暖襯甲紅線勒帛光遶脅禿襟小袖雕鶻盤  
大刀長劍龍蛇柶兩軍鼓譟屋瓦墜紅塵白羽紛相雜  
將軍恩重此身輕笑履鋒鏑如一插書生只肯坐帷幄



兒戲旁現托勝古  
今一轍

談笑毫端弄生殺。叫呼擊鼓催上竿。猛士應憐小兒點。  
試問黃河夜偷渡。掠面驚沙寒霎霎。何如大艦日高眠。  
一枕清風過茗雪。結尾六慰藉之詞耳

李賀詩禿襟小袖調鸚鵡。後漢光武紀城中亦鼓譟而出。中外合執震呼。動天地會大雷風。屋瓦皆飛。史記趙奢傳秦軍鼓譟勒兵。武安屋瓦盡震。

### 王伯敷所藏趙昌花四首

歐陽歸田錄近世名畫趙昌花寫生逼真而筆法較俗殊無古

人格致然時亦未有其比。圖畫見開志趙昌字昌之廣漢人工畫花果時稱絕倫。

### 梅花

南行渡關山。沙水清練練。行人已愁絕。日暮集微霰。慙小梅花。鬢髮吳姬面。暗香隨我去。回首驚千片。至今開畫圖。老眼凄欲泣。幽懷不可寫。歸夢君家倩。

杜詩岫花飛  
客

詩小雅如彼雨  
雪先集唯霰

### 黃葵

弱質困夏永。奇姿蘇曉涼。一作晚低昂黃金盃。照曜初日光。檀心自成暈。翠葉森有芒。古來寫生人。妙絕誰似昌。晨粧與午醉。真態含陰陽。君看此花枝。中有風露香。

### 芙蓉

此木芙蓉

清飈已拂林。積水漸收潦。溪邊野芙蓉。花水相媚好。坐看池蓮盡。獨伴霜菊槁。幽姿強一笑。莫景迫。摧倒淒涼。似貧如嫁晚。驚衰早。誰寫少年容。樵人劍南老。

趙昌自題其畫  
云劍南樵叟

宛有可憐

口畫芳鮮



山茶冬月開者皆淺紅色詩中云散火又云鶴頂豈他產更有深紅者耶  
淮以北皆有之

德仁名璞以入邊路  
唐仕至虞部有外年  
四十六孫仕歸  
宋史隱逸傳

山茶 故是翻新却似抃揚太甚

蕭蕭南山松黃葉隕勁風誰憐兒女花散火冰雪中能  
傳歲寒姿古來惟丘翁趙叟得其妙一洗膠粉空掌中  
調丹砂染此鶴頂紅何須誇落墨獨賞江南工

圖書見聞志丘文播漢州人畫品降高趙輩後名潛又徐熙鍾陵人世為江南仕族熙識度閒放以高雅自任善畫花木禽鳥自作翠微堂記云落筆之際未嘗以傅色暈淡細碎為工李後主特愛重其畫開寶末歸朝悉貢上朝廷藏之祕府

寄吳德仁兼簡陳季常 吳名璞新老人

東坡先生無一錢十年家火燒凡鉛黃金可成河可塞  
只有霜鬢一作鬚無由玄龍丘居士亦可憐談空說有夜不  
眠忽聞河東師子吼拄杖落手心茫然誰似濮陽公子

賢飲酒食肉自得仙平生寓物不留物在家學得忘家  
禪門前罷亞十頃田清溪遶屋花連天溪堂醉臥呼不  
醒落花如雪春風顛我遊蘭谿訪清泉已辦布襪青行  
纏稽山不是無賀老我自興盡回酒船恨君不識顏平  
原恨我不識元魯山銅駝陌上會相見握手一笑三千  
年

漢書郊祀志樂大言臣之師曰黃金可成而河決可塞不死之藥可得仙人可致也王注龍丘居士指陳季常河東師子事有王覲者字達觀本嘉州犍為人舊在江南武昌居名天常嘗從先生遊達觀為坡公言季常之妻柳氏最悍妒每季常設客有聲妓柳氏則以杖擊照壁大呼客至為散去濮陽公子吳德仁也唐書顏真卿為平原太守安祿山反河朔盡陷唯真卿城守具備玄宗聞之喜曰朕不識真卿何如人所為得如此元德秀字紫芝為魯山令蘇元明謂人曰吾不幸生衰俗所不恥者識元紫芝銅駝陌上會相見握手一笑三千

季常之妻柳氏  
柳氏詩河東女  
兒身姓柳為戲



題王逸少帖

顛張醉素兩禿翁。追逐世好稱書工。何曾夢見王與鍾。妄自粉飾欺盲聾。有如市倡抹青紅。妖歌嫚舞眩兒童。謝家夫人淡丰容。蕭然自有林下風。天門蕩蕩驚跳龍。出林飛鳥一掃空。為君草書續其終。待我他日不念念。

漢書竇田傳蚡已罷朝出止車門召御史大夫韓安國載怒曰與長孺共一禿翁何為首鼠兩端世說謝過絕重其姝張玄常稱其姝有濟尼者竝遊張謝二家人問其優劣答曰王夫人神情散朗故有林下風氣顧家婦清心玉映自是閨房之秀王夫人謝道韞也漢禮樂志天門開誅蕩蕩書評王右軍書字勢雄強如龍跳天門虎臥鳳閣又張旭草書如驚蛇入草飛鳥出林念念用張伯英念念未暇草書語再見

書林逋詩後

逋字君復杭州錢塘人仁宗賜諡和靖先生

吳儂生長湖山曲。呼吸湖光飲山綠。不論世外隱君子。

何玉乃尔以於杭州人確有異者矣

傭奴販婦皆冰玉。先生可是絕俗人。神清骨冷無由俗。我不識君曾夢見。瞳子瞭然光可燭。遺篇妙字處處有。步遶西湖看不足。詩如東野不言寒。書似西臺差少肉。平生高節已難繼。將死微言猶可錄。自言不作封禪書。更甯悲吟白頭曲。公自注逋臨終詩云茂陵異日求遺草猶喜初無封禪書我笑吳人不好事。好作祠堂傍修竹。不然配食水仙王。一盞寒泉薦秋菊。

西臺御史李建中善真行字

和仲伯達

歸山歲月苦無多。尚有丹砂奈老何。繡谷只應花自染。鏡潭長與月相磨。君方傍海看初日。我已橫江擊素波。



人不我知斯我貴。不須雷雨起龍梭。

漢武帝秋風詞。橫中流。今揚素波。簫鼓鳴。今發棹歌。晉陶侃傳。侃少時漁於雷澤。網得一織梭。以挂于壁。有頃雷雨。自化為龍而去。

春日

鳴鳩乳燕寂無聲。日射西牕潑眼明。午醉醒來無一事。只將春睡賞春晴。

贈袁陟

袁陟字世弼。豫章人。自號遊翁。有集十卷。嘉祐間終秘書丞。

是身如虛空。萬物皆我儲。胡為強分別。百金買田廬。不見袁夫子。神馬載尻輿。游乎無何有。一飯不願餘。官湖為我池。學舍為我居。何以遺子孫。此身自蘧篲。薰風暗楊柳。秋水靜芙蕖。應觀我知子。不怪子知魚。

莊子大宗師。浸假而化。子之尻以為輪。以神為馬。子因而乘之。豈更駕哉。又游於無何有之鄉。柳子厚贈江華長老詩。一飯不願餘。跣趺便終夕。後漢逸民傳。劉表謂龐公曰。先生苦居畎畝。而不官。祿何以遺子孫乎。龐公曰。世人皆遺之以危。今獨遺之以安。唐韻。蘧篲。籬籬。一曰蘧竹席也。知魚用莊子語。屢見。

蘇子容母陳夫人挽詞

名頌。字子容。元祐中為尚書左丞。

蘇陳甥舅真冰玉。正始風流起頽俗。夫人高節稱其家。凜凜寒松映修竹。鷄鳴為善日日新。八十二年如一晨。豈惟室家宜壽母。實與朝廷生異人。忘軀殉國乃吾子。三仕何曾知愠喜。不須擁笏彊垂魚。我視去來皆夢爾。誦詩相挽真區區。墓碑千字多遺餘。他年太史取家傳。知有班昭續漢書。

爾雅。謂我舅者。吾謂之甥。晉書。衛玠傳。玠妻父樂廣。有海內重名。議者以為婦公。冰清女壻。玉潤。又王敦鎮豫章。長史謝鯤先雅重玠。敦謂鯤曰。昔王輔嗣吐金聲。



於中朝此子復玉振於江表微言之緒絕而復續不意永嘉之末復聞正始之音  
何平叔若在當復絕倒又互見三十五卷詩注詩魯頌魯侯燕喜令妻壽母韓  
退之曹成王碑王之遭誣在理念太妃老將驚而戚出則囚服就辨入則擁笏垂  
魚後漢列女傳班昭字惠班彪之女也兄固著漢書其八表及天文志未及竟而  
卒和帝詔昭就東觀藏書閣踵而成之又漢書始  
出多未能通者同郡馬融伏於閣下從昭受讀

歸宜興雷題竹西寺二首

宜興常州屬縣竹西寺在揚州杜牧詩誰知竹西路歌吹是揚

州再見

十年歸夢寄西風此去真爲田舍翁剩覓蜀岡新井水  
要攜鄉味過江東

唐地理志揚州節度使杜亞自江都西循蜀岡之右引陂趨城按蜀岡有井陸羽品爲第五泉相傳與岷江相通故先生曰鄉味江東指常州

道人勸飲雞蘇水童子能煎鶯粟湯暫借藤牀與瓦枕  
莫教孤負竹風涼

本草水蘇紫蘇假蘇三種各異水蘇一名雞蘇再見鶯粟本草名罌子粟一名米囊子秋種冬生嫩苗作蔬甚佳其實形如酒罌中有細米極白可煮粥江東人呼千葉者爲麗春花或謂是罌粟別種非也其花變態本自不常有白者紅者紫者粉紅者杏黃者半紅半紫半白者艷麗可愛故曰麗春又曰賽牡丹曰錦被花詳見游默齋花譜

此生已覺都無事今歲仍逢大有年山寺歸來聞好語  
野花嘯鳥亦欣然

唐王維因赦拜官詩云花迎喜氣皆知笑鳥識歡心亦解歌按通鑑元祐六年侍御史賈易劾軾元豐末在揚州聞先帝厭代作詩無人臣禮先生辨題詩劄子云是歲三月六日聞先帝遺詔舉哀挂服了當當遙往常州至五月初因往揚州竹西寺見百姓父老十數人道旁語笑一人以手加額云見說好箇少年官家臣實喜聞百姓謳歌吾君之子出于至誠又是時臣初得請歸耕常州蓋將老焉而淮浙閒所在豐熟因作詩云此身已覺都無事今歲仍逢大有年山寺歸來聞好語野花嘯鳥亦欣然蓋喜聞此語故作詩書之當途僧舍壁上若稍有不善之意豈敢書壁上以示人乎又其時去先帝上仙已及兩月決非山寺歸來始聞之語而君錫等公然誣罔伏乞付外施行稍正國法



孟震同遊常州僧舍三首

孟震字亨之東平人嘗為黃州通判

年來轉覺此生浮。又作三吳浪漫游。忽見東平孟君子。

夢中相對說黃州。

唐元結自稱為浪士人呼之為漫郎先生君子泉銘序孟君亨之篤學而力行克有常德信於朋友一時皆稱之曰此君子也因號之孟君子君通守齊安其圃有泉旱不加損水不加益因名之曰君子泉

湛湛清池五月寒。小山無數碧巒岿。穉杉戢戢三千本。

且作凌雲合抱看。

知君此去便歸耕。笑指孤舟一葉輕。待向三茅乞靈雨。

半篙流水送君行。

神仙傳大茅君名盈次弟名固小弟名衷太上老君拜盈為司命真君固為定錄君衷為保命君故曰三茅君

贈常州報恩長老二首

碧玉盃盛紅馬腦。井花水養石菖蒲。也知法供無窮盡。

試問禪師得飽無。

薦福老懷真巧便。淨慈兩本更尖新。憑師為作鐵門限。

準備人閒請話人。

鐵門限詳見十三卷贈寫御容妙善師詩注

次韻答賈耘老

五年一夢南司州。饑寒疾病為子憂。東來六月井無水。仰看古堰橫奔牛。平生管鮑子知我。今日陳蔡誰從丘。夜航爭渡泥水澀。牽挽直欲來瓜州。自言嗜酒得風痺。



故鄉不敢居溫柔。定將泛愛救溝壑。衰病不復從前樂。今年太守真臥龍。笑語炎天出冰雹。時低九尺蒼鬢髯。過我三閒小池閣。故人改觀爭來賀。小兒不信猶疑錯。為君置酒飲且哦。草閒秋蟲亦能歌。可憐老驥真老矣。無心更秣天山禾。

郡邑志唐武德三年於黃州黃陂縣置南司州七年廢其初蓋北齊武帝置也又常潤閒有聞名奔牛溫柔鄉趙飛燕外傳語已見杜子美詩虛名但蒙寒喧問泛愛不救溝壑辱張籍詩與君相逢莫寂寞衰老不復從前樂襄陽記諸葛孔明為臥龍龐士元為鳳雛司馬德操為水鏡皆龐德公語天山在伊州伊吾縣唐薛仁貴傳將軍三箭定天山壯士長歌入漢關韓退之詠駑驘饑食天山禾

○墨花

并引叙

墨花蓋自丹

世多以墨畫山水竹石人物者未有以畫花者也

未有以画花起

汴人尹白能之為賦一首

造物本無物。忽然非所難。花心起墨暈。春色散毫端。縹緲形纔具。扶疎態自完。蓮風起顛倒。杏雨半摧殘。獨有狂居士。求為黑牡丹。兼書平子賦。歸向雪堂看。

唐末劉訓者京師富人梁氏開國嘗假貸以給軍京師春遊以觀牡丹為勝賞訓邀客賞花乃繫水牛數百在前指曰劉氏黑牡丹也漢張衡字平子作歸田賦

送竹几與謝秀才

平生長物擾天真。老去歸田只此身。畱我同行木上座。贈君無語竹夫人。但隨秋扇年年在。莫鬪瓊枝夜夜新。堪笑荒唐玉川子。莫年家口若為親。

世說王恭從會稽還王大看之見其坐六尺篔因語恭卿東來故應有此物可以一領及我恭無言大去後即舉所坐者送之既無餘便坐薦上大聞之甚驚曰吾



本謂卿多故求耳對曰丈人不悉恭恭作人無長物王太名忱傳燈錄佛日禪師  
出遊或問誰為同行師舉拄杖示之曰惟有木上座耳南史陳後主每使諸貴人  
及女學士與狎客共賦新詩采其尤豔麗者以為曲調被以新聲選宮女有容色  
者以千百數令習而歌之分部迭進其曲有玉樹後庭花臨春樂等其略云璧月  
夜夜滿瓊樹朝朝新六抵皆美張貴妃孔貴嬪之容  
色玉川子盧仝也有詩云蛙蛇是家口草石是親情

### 溪陰堂

白水滿時雙鷺下。綠槐高處一蟬吟。酒醒門外三竿日。  
臥看溪南十畝陰。

劉禹錫竹枝詞日出三竿春霧  
消杜詩與致溪邊十畝陰再見

### 次韻許遵

蒜山渡口挽歸艍。朱雀橋邊看道裝。供帳已應煩百兩。  
擊鮮無久溷諸郎。問禪時到長干寺。載酒閒過綠野堂。

此味只憂兒輩覺。逢人休道北牕涼。

王注蒜山在潤州朱雀橋在江寧府晉之建康也長干里在建康漢書疏廣傳廣  
受乞骸骨歸公卿大夫故人邑子設祖道供張東都門外送者車數百兩漢陸賈  
傳謂其子曰與女約過女女給人馬酒食極飲十日而更一歲中以往來過它客  
率不過再過數擊鮮毋久溷女為也唐裴度請老治第東都作別墅具燠館涼臺  
號綠野堂度野服蕭散與白居易劉禹錫把酒為文章窮晝夜不問人間  
事或曰時王介父閑居長干故以綠野堂比之兒輩覺用王羲之語屢見

### 贈章默

并序

章默居士字志明生公侯家才性高爽棄家求道  
不蓄妻子與世無累而人母與兄之喪貧不能舉  
以是眷眷世間不能無求於人余深哀其志既有  
以少助之又取其言為詩以贈其行庶幾有哀之  
者



既能包括復輕重  
得休又當捷起息  
無窮妙境

章子親未葬。餘生抱羸疾。朝吟噎鄰里。夜淚腐茵席。前  
年黑花生。今歲白髮出。身隨日月逝。恨與天地畢。願求  
不毛田。親築長夜室。難從王孫裸。未忍夏后塋。五陵多  
豪士。百萬付一擲。心知義財難。甘就貧友乞。不辭毛粟  
施。行自丘山積。此志苟朝遂。夕死真不戚。誓求無生理。  
不踐有為迹。棄身尸陀林。烏鳶任狼藉。

王禹偁表蚤年多病。眼有黑花。晚歲多憂。頭生白髮。漢楊王孫傳病且死。令其子  
曰吾欲裸葬。以反吾真。又互見本卷禮記檀弓。有虞氏瓦棺。夏后氏塋。周鄭注火  
熟曰塋。燒土治以周于棺也。漢高帝葬長陵。惠帝安陵。景帝陽陵。武帝茂陵。昭帝  
平陵。五陵皆在長安北。徙天下豪傑之家以寔之。晉書劉毅傳家無擔石之儲。擄  
捕一擲百萬。諸經音義尸陀林。此言寒林。其林幽邃而寒。因以名  
也。在王舍城側。死人多送其中。莊子上為烏鳶食。下為螻蟻食。

### 送穆越州

穆名珣  
字東美

江海相忘十五年。羨公松柏蔚蒼顏。四朝耆舊冰霜後。  
兩郡風流水石間。舊政猶傳蜀父老。先聲已振越溪山。  
樽前俱是蓬萊守。莫放高樓雪月閒。

唐元微之守越。以州宅誇白樂天詩云。我是玉皇香案吏。謫居猶得在蓬萊。今  
越州有蓬萊閣。登州亦有蓬萊閣。又倚郭乃蓬萊縣。公是時已聞新命。故云。

### 贈葛葦

竹椽茅屋半摧傾。肯向蜂窠寄此生。長恐波頭卷室去。  
欲將船尾載君行。小詩試擬孟東野。大草閑臨張伯英。  
消遣百年須底物。故應憐我不歸耕。

### 贈王寂

與君暫別不須嗟。俯仰歸來鬢未華。記取江南烟雨裏。



青山斷處是君家

南都妙峰亭

千尋挂雲闕。十頃含風灣。開門弄清泚。照見雙銅環。池臺半禾黍。桃李餘榛菅。無人肯回首。日暮車斑斑。史君非世人。心與古佛閒。時要聲利客。來洗塵埃顏。新亭在東阜。飛宇臨通闕。古甃磨翠壁。霜林散烟鬟。孤雲抱商丘。芳草連杏山。俯仰盡法界。逍遙寄人寰。亭亭妙高峰。了了蓬艾閒。五老壓彭蠡。三峰照潼關。均為拳石小。配此一掬慳。煩公為標指。免使勤躋攀。

後漢五行志京都童謠曰車斑斑入河間河間姪女工數錢莊子齊物論大子者猶存乎蓬艾之間韓退之炭谷秋詩巨靈尚其捧保此一掬慳

神宗皇帝挽詞三首

文武固天縱。欽明又日新。化民何止聖。妙物獨稱神。政已三王上。言皆六籍醇。巍巍本無象。刻畫愧孤臣。未易名堯德。何須數舜功。小心仍致孝。餘事及平戎。典禮從周舊。官儀與漢隆。誰知本無作。千古自承風。

左傳文十八年史克曰舜有大功二十而為天子莊子知北遊至人無為大聖不作

接統真千歲。膺期止一章。周南稍畱滯。宣室遂淒涼。病馬空嘶櫪。枯葵已泫霜。餘生臥江海。歸夢泣嵩邙。

後漢律歷志閏七而盡其歲十九名之曰章按神宗在位十九年故曰一章漢司馬遷傳是歲天子始建漢家之封而太史畱滯周南不得與從事發憤且卒而子遷適反見父於河洛之間太史公執遷手而泣曰今天子接千歲之統封泰山而余不得從行是命也夫漢賈誼傳後歲餘文帝思誼徵之至入見上方受釐坐宣

神宗元豐中  
改定官制



室上因感鬼神而問鬼神之本。誼具道所以然之故。至夜半文帝前席。按公時在謫籍而神廟升遐。故云九域志河南府古蹟有嵩山北。山先生洛中詩。嵩高蒼翠北。印紅。

金山妙高臺

此等詩是信手拈成。下中冬月。

我欲乘飛車。東訪赤松子。蓬萊不可到。弱水三萬里。不  
如金山去。清風半帆耳。中有妙高臺。雲峰自孤起。仰觀  
初無路。誰信平如砥。臺中老比丘。碧眼照牕几。巉巖玉  
為骨。凜凜霜入齒。機鋒不可觸。干偈如翻水。何須尋德  
雲。卽此比丘是。長生未暇學。請學長不死。

帝王世紀奇肱民能為飛車。從風遠行。湯時西風吹奇肱車。至於豫州。湯破其車。不以示民。十年東風至。乃復作車。遣歸之。其地去玉門四萬里。史記封禪書三神山者。其傳在渤海中。去人不遠。未至望之。如雲。及到三神山。反居水下。臨之風輒引去。終莫能至。云神仙傳謝自然汎海求蓬萊。一道士謂曰。蓬萊隔弱水三萬里。

真迹作乘輕舟。樂天遊悟真寺詩。山下望山上。初疑不可攀。誰知中有路。盤折通岩巔。縮作二日更妙。陸魯微。縹緲奉詩。朔。攀。登。過。未。不。法。

非飛仙不可到。妙高臺取華嚴經德雲比丘所居。妙高峰為義也。詩小雅。則道如砥。傳燈錄。神機交激。若拄於箭鋒。晉書鳩摩羅什日誦十偈。韓退之詩文如翻水。成華嚴經。善財童子問法於五十三善知識。而德雲比丘乃第一。王注。長生謂學仙長不死。謂佛不生不滅也。許渾詩。長生難。

贈杜介

并序

元豐八年七月二十五日杜幾先自浙東還與余

相遇於金山。話天台之異。以詩贈之。

我夢遊天台。橫空石橋小。秋風吹茵露。翠濕香嫋嫋。應  
真飛錫過。絕澗度雲鳥。舉意欲從之。翛然已松杪。微言  
粲珠玉。未說意先了。覺來如墮空。耿耿牕戶曉。羣生陷  
迷網。獨達從古少。杜叟子何人。長嘯萬物表。妻孥空四  
壁。振策念輕矯。遂為赤城遊。飛步凌縹緲。問禪不歸舍。

平如砥。德雲比丘。妙高故以此。公。長生二字。輕。輕收轉。前半。此化於法者也。如此。結束。非老。能。不。能。

元豐八年七月二十五日



屢為瓠壺繞。何人識此志。佛眼自照瞭。我夢君見之。卓爾非魔嬈。仙葩發茗椀。翦刻分葵蓼。從今更不出。閉戶閑驥裏。時從佛頂巖。馳下雙蓮沼。

天台石橋見十一卷次韻周邦寄鴈蕩山圖詩注宋永初山川記寧州瘴氣菌露四時不絕菌者草名其上露露人之肉即潰爛故鮑昭有苦熱行云瘴氣書董體菌露夜露衣孫綽游天台賦王喬控鶴以冲天應真飛錫以躡虛又被毛褐之森森振金策之鈴鈴又晒夏蟲之疑冰整輕翻而思矯又赤城霞起而建標瀑布飛流以界道釋氏要覽高僧鄧隱峰游五臺出淮西擲錫飛空而往西天比丘持錫有二十五威儀凡至室中不得著地必挂於壁牙故釋子稱遊行僧為飛錫安住僧為挂錫支遁天台山銘序云往天台當由赤城山為道徑會稽記赤城山石色皆赤狀似雲霞倦遊錄金鑾長老問歐陽景取書索米于玉泉長老景授一絨及詩一絕云金鑾來覓玉泉書金玉相逢賈倍珠到了不干藤蔓事壺盧自去纏壺蘆先生十八羅漢頌後跋佛滅度後閻浮提衆生剛狠自用莫肯信入故諸聖賢皆隱不見獨以像設遺言提引未悟而峨嶠五臺廬山天台獨出光景變異使入了然見之軾家藏十六羅漢像每設茶供則化為白乳或凝為花木桃李芍藥僅可指名

### 次韻孫莘老斗野亭寄子由在邵伯堰

寰宇記邵伯堰在揚

州廣陵縣云謝安所築按安傳及至新城築埭於城北人追思之名為召伯埭然則所謂新城豈乃廣陵耶

落帆謝公渚。日脚東西平。孤亭得小憩。暮景含餘清。坐待斗與牛。錯落挂南甍。老僧如夙昔。一笑意已傾。新詩出故人。舊事疑前生。吾生七往來。送老海上城。逢人輒自哂。得魚不忍烹。似聞績溪老。復作東都行。小詩如秋菊。艷艷霜中明。過此感我言。長篇發春榮。

晉書阮裕赴山陵事畢便還諸人相與追之至方山不相及劉惔歎曰我入東正當泊安石渚下耳不敢近思曠傍唐房瑄開元中為盧氏宰與道士邢和璞遇夏日入廢佛寺鑿池得甕中所藏婁師德與永禪師書笑曰頗憶此邪因悵然悟前生為永禪師按先生既自黃移汝子由亦自監筠州鹽酒稅移知歙之績溪先生未至汝繼得請歸常州尋起知登州而子由自績溪以校書郎被召入京亦須由召伯堰至東都故於篇末及之



送楊傑

并序王注元祐二年高麗僧義天航海聞道至明州傳云義天棄王位出家上疏乞徧歷叢林問法受道有詔朝奉

郎楊傑次公館伴所至吳中諸刹皆迎餞如王臣禮至金山僧了元乃牀坐受其大展次公驚問其故了元曰義天亦異國僧耳叢林規繩如是不可易朝廷聞之以了元知大體

無為子嘗奉使登太山絕頂雞一鳴見日出又嘗以事過華山重九日飲酒蓮華峰上今乃奉詔與高麗僧統游錢塘皆以王事而從方外之樂善哉未曾有也作是詩以送之

天門夜上賓出日萬里紅波半天赤歸來平地看跳丸  
一點黃金鑄秋橘太華峰頭作重九天風吹灑黃花酒  
浩歌馳下腰帶鞵醉舞崩崖一揮手神游八極萬緣虛

下視蚊雷隱汗渠大千一息八十返笑厲東海騎鯨魚  
三韓王子西求法鑿齒彌天兩勍敵過江風急浪如山  
寄語舟人好看客

太山記太山盤道屈曲而上凡五十餘盤經小天門大天門仰視天門如穴中視天牕矣自下至古封禪處凡四十里山頂西崑為仙人石閣東崑為介丘東南崑名日觀者雞一鳴時見日始欲出長三丈所腰帶鞵華山地名李白大鵬賦序余昔於江陵見天台司馬子微謂余有仙風道骨可與神遊八極之表詩國風深則厲淺則揭注牽衣涉之也爾雅繇帶以上為厲三韓韓有三種曰馬韓曰辰韓曰弁韓皆高麗也晉書釋道安與習鑿齒相見鑿齒曰四海習鑿齒道安曰彌天釋道安人以為名對撫言唐令狐楚鎮揚州處士張佑常與狎宴楚視佑改命曰上水船風又急帆下人須好立佑應聲曰下水船船底破好看客莫倚柂

次韻送徐大正

公自注嘗與余約卜鄰於江淮間將赴登州同舟至山陽以詩見送畱別

別時酒醖照燈花知我歸期漸有涯去歲渡江萍似斗  
今年竝海棗如瓜多情明月邀君共無價青山為我賒



千首新詩一竿竹。不應空釣漢江槎。

家語楚昭王渡江。江中有物大如斗。直觸王舟。舟人取之。王使人問於孔子。孔子曰。此為萍實者也。異時小兒謠曰。楚王渡江得萍實。大如斗。赤如日。剖而食之。甜如蜜。漢書郊祀志。李少君曰。臣嘗遊海上。見安期生食臣棗。大如瓜。

楊康功有石狀如醉道士為賦此詩

楚山固多猿。青者黠而壽。化為狂道士。山谷恣騰踈。誤入華陽洞。竊飲茅君酒。君命囚巖間。巖石為械杻。松根絡其足。藤蔓縛其肘。蒼苔眯其目。叢棘哽其口。三年化為石。堅瘦敵瓊玖。無復號雲聲。空餘舞杯手。樵夫見之笑。抱賣易升斗。楊公海中仙。世俗那得友。海邊逢姑射。一笑微俛首。胡不載之歸。用此頑且醜。求詩紀其異。本

游哉得三昧。橫說豈通達。了無滯礙。齋語之怪。漆園傲滑稽。香山昌黎之間。

未得細剖吾言豈妄云。得之亡是叟。

仙經句曲山即三十六洞天之第八洞名曰華陽洞。大茅君之所治也。在江寧府句容縣。互見本卷前三茅注。司馬相如傳。子虛虛言也。為楚稱。烏有先生者。烏有此事也。為齊難。亡是公者。亡是人也。欲明天子之義。故虛藉此三人為辭。按公詩意言猿化道士。道士又化石。止設虛辭為稱耳。

迨作淮口遇風戲用其韻

我詩如病驥。悲鳴向衰草。有兒真驥子。一噴羣馬倒。養氣勿吟哦。聲名忌太早。風濤借筆力。勢逐孤雲掃。何如陶家兒。遶舍覓梨棗。君看押彊韻。已勝郊與島。

杜子美詩驥子好男兒。前年學語時。注驥子宗武小名。又贈寶侍御詩驥之子。鳳之雛。穆天子傳。天子東遊于黃澤。宿于西洛。歌曰。黃之陶。其馬歎。沙皇人威儀。黃之澤。其馬歎。玉皇人壽穀。歎即噴字。王子韶雞跖集。王筠字元禮。為詩能押彊韻。郊島孟郊賈島也。

次韻徐積

徐積字仲車



殺雞未肯邀季路。裹飯先須問子來。但見中年隱槐市。豈知平日賦蘭臺。海山入夢方東去。風雨留人得暫陪。若說峨眉眼前事。故鄉何處不堪回。

莊子大宗師子輿與子桑友而霖雨十日子輿曰子桑殆病矣裹飯而往食之按子桑非子來也豈先生偶誤記邪淮南子槐市學也樹以青槐三輔黃圖明堂辟雍為博士舍三十區為會市但列槐樹數百行諸生朔望會此市各持其郡所出物及經書所與買賣雍容揖讓議論槐下蘭臺用宋玉風賦語再見

元豐七年有詔京東淮南築高麗亭館密海二州騷然有逃亡者明年軾過之歎其壯麗留

絕云

簷楹飛舞垣牆外。桑柘蕭條斤斧餘。盡賜昆邪作奴婢。不知償得此人無。

漢汲黯傳匈奴渾邪王來降賈人與市者坐當死五百餘人黯入請開見高門曰夫匈奴攻當路塞絕和親中國舉兵誅之死傷不可勝計而費以鉅萬百數臣愚以為陛下得胡人皆以為奴婢賜從軍死者家國獲困與之以謝天下塞百姓之心今縱不能又徵文殺無知者五百餘人臣竊為陛下弗取也

過密州次韻趙明叔喬禹功

先生依舊廣文貧。老守時遭醉尉嗔。汝輩何曾堪一笑。吾儕相對復三人。黃雞唱曉淒涼曲。白髮驚秋見在身。一別膠西舊朋友。扁舟歸釣五湖春。

唐鄭虔為廣文館博士醉尉用李廣屏居藍田事俱已見詩意以鄭虔比趙以李廣比喬也杜子美詩何當官曹清爾輩堪一笑唐牛僧孺詩且鬪樽前見在身

再過常山和昔年畱別詩

偃僂山前叟。迎我如迎新。那知夢幻軀。念念非昔人。江湖久放浪。朝市誰相親。卻尋泉源去。桃花逢避秦。



左傳昭七年正考父鼎銘云一命而僂  
再命而偃楞嚴經日月歲時念念遷變

### 再過超然臺贈太守霍翔

超然臺在密州舊因城以為臺  
公守密州葺而新之自為之記

昔飲零泉別常山。天寒歲在龍蛇間。山中兒童拍手笑。  
問我西去何當還。十年不赴竹馬約。扁舟獨與魚簑閒。  
重來父老喜我在。扶挈老幼相遮攀。當時襁褓皆七尺。  
而我安得畱朱顏。問今太守為誰歟。護羌充國鬢未斑。

所遇非故物安得不  
連老

公自注翔自言在  
熙河作屯田有功

躬持牛酒勞行役。無復杞菊嘲寒慳。超然

置酒尋舊迹。尚有詩賦鏡堅頑。孤雲落日在馬耳。照耀

金碧開煙鬟。卻當从扶  
或作却淇自古北流水。跳波下瀨鳴玦環。

願公談笑作石埭。坐使城郭生溪灣。

先生之密州日以公厨  
蕭條作杞菊賦

按公以熙寧丙辰冬末罷知密州正在辰巳之間故借用龍蛇字周禮卿大夫辨  
夫家之可任者國中自七尺以至六十野自六尺以及六十有五疏云七尺謂年  
二十六尺謂年十五漢趙充國年七十餘以後將軍出平羌戎條上畱田便宜十  
二事杞菊公超然臺記云始至之日歲比不登盜賊滿野獄訟充斥而齋厨索然  
日食杞菊公又有後杞菊賦大意譏公使庫之儉陋也衡按酈道元水經注有扶  
淇水無卻淇水道元澗水條下云又北左合扶淇之水水出西南常山東北流注  
維又云維自箕縣北逕東武縣西北流合扶淇之水晏謨伏琛云東武城西北二  
里維水者即扶淇之水也按此則公詩所用的是扶淇無疑故曰自古北流水也  
又考漢地理志琅邪郡有却縣師古曰音夫又音扶又二十六卷送喬全詩隨師  
東游渡維却王注維却密州二水名則扶淇似亦可作却淇至卻淇字別無据依  
當是集本訛却為卻諸注  
家相沿不覺耳今改正

### 施註蘇詩卷之二十三



施註蘇詩卷之二十四

漫堂先生宋 犖

閱定

長洲顧嗣立

毗陵邵長蘅 刪補

樸園先生張榕端

商丘宋 至

詩四十三首

起自登州還朝泊元祐丙寅改元在西掖作本卷用王鞏韻送其姪震以後詩如千首施註缺今補

海市

并引叙

起伏萬態

予聞登州海市舊矣父老云常出於春夏今歲晚不復見矣予到官五日而去以不見為恨禱於海神廣德王之廟明日見焉乃作此詩

東方雲海空復空羣仙出沒空明中蕩搖浮世生萬象



王逸注朱丹其宮

重樓翠阜出霜曉  
是說海市前後皆  
憑空結撰

朱子韓文考異

以為謁衡嶽廟

詩乃自山陽還

時作後自潮州

量移袁州未

嘗過衡

龍鍾用裴公事

杜牧詩秋來江靜

鏡新磨韓王同

馬紅芍藥歌

鏡  
臆磨通青銅

舒卷在我萬象  
隨之

豈有貝闕藏珠宮。心知所見皆幻影。敢以耳目煩神工。

歲寒水冷天地閉。為我起鰲鞭魚龍。重樓翠阜出霜曉。

異事驚倒百歲翁。人間所得容力取。世外無物誰為雄。

率然有請不我拒。信我人厄非天窮。潮陽太守南遷歸。

喜見石廩堆祝融。自言正直動山鬼。豈知造物哀龍鍾。

信看一笑豈易得。神之報汝亦已豐。斜陽萬里孤鳥沒。

但見碧海磨青銅。新詩綺語亦安用。相與變滅隨東風。

楚辭九歌紫貝闕分珠宮已見金剛經一切有為法如夢幻泡影唐韓愈傳諫佛骨事貶潮州刺史又謁衡岳詩潛心默禱若有應豈非正直能感通須臾靜掃眾  
峯出仰見突兀撐青空紫蓋連延接天柱石廩騰擲堆祝融蘇氏演義龍鍾謂不  
昌熾不翹舉如鬢髮拉搭之類漢薛宣傳欲君自圖進退可復信者於後十洲記  
蓬萊山在碧海中  
水皆碧故曰碧海

登州孫氏松堂

萬松誰種已攸攸。半嶺蒼雲映此邦。露重珠瓔蒙翠蓋。  
風來石齒碎寒江。浮空兩竹橫南閣。倒景扶桑射北牕。  
坐待夕烽傳海嶠。重城歸去踏逢逢。

梁元帝纂要日景在上曰反景在下曰倒景司馬相如大人賦貫列缺之倒景兮  
涉豐隆之滂瀆注倒景氣去地四千里其景皆倒在下也詩大雅鼉鼓逢逢韓退  
之詩不踏曉鼓  
朝安眠聽逢逢

過萊州雪後望三山

東海如碧環。西北卷登萊。雲光與天色。直到三山回。我  
行適冬仲。薄雪收浮埃。黃昏風絮定。半夜扶桑開。參差  
太華頂。出沒雲濤堆。安期與羨門。乘龍安在哉。茂陵秋

真靖作



風客勸爾麾一杯。帝鄉不可期。楚些招歸來。太白語。

劉禹錫詩水遶亭臺碧玉環地志萊州掖縣載三山在海之南岸史記封禪書秦始皇東遊海上行禮祠各山川及八神求僊人羨門之屬又八神四曰陰主祠三山又樂大敢為大言處之不疑大言曰臣嘗往來海中見安期羨門之屬顧以臣為賤不信臣漢紀武帝葬茂陵李賀金銅仙人歌茂陵劉郎秋風客晉孝武帝紀長星勸汝一杯酒陶淵明歸去來辭富貴非吾願帝鄉不可期宋玉招魂竟今歸來君無上天些

遺直坊

并引

富公之客李君諱常登人也故太守李公諱師中榜其間曰遺直而其子大方求詩於軾為賦一首使君不浪出羔鴈親扣門先生但清坐薤水已多言當時邦人化市無晨飲豚歲月曾幾何客主皆九原魯經有遺歎楚些無歸覓我作遺直詩過者式其藩

禮記飾羔雁者以績後漢陳實傳子紀紀子羣弟堪父子並著高名同時旌命羔鴈成羣後漢龐參傳為漢陽守郡人有任棠者隱居教授參到先候之棠不與言但以薤一本水一盂置戶屏前自抱孫兒伏於戶下參思其微意良久曰是欲曉太守也水者欲吾清拔大本薤者欲吾擊強宗抱兒當戶者欲吾開戶恤孤於是歎息而還家語初魯之販羊有沈猶氏者常朝飲其羊以詐市人孔子為政沈猶氏不敢飲其羊左傳昭十四年仲尼曰叔向古之遺直也

次韻趙令鑠

趙令鑠字伯堅一云字景貺熙寧中以諸衛將軍對策學士院改職方員外郎

東坡已報六年穰。惆悵紅塵白首郎。枕上谿山猶可見。門前冠蓋已相望。故人年少真瓊樹。落筆風生戰堵牆。端向甕間尋吏部。老來專以醉為鄉。

史記貨殖傳歲在金穰水毀木飢火旱莊子庚桑楚北居畏壘之山居三年畏壘大穰先生在黃州凡跨六年故云漢文帝紀遣使者冠蓋相望結轍於道晉王戎傳戎目王衍神姿高激如瑤林瓊樹杜子美莫相疑行集賢學士如堵牆觀我落筆中書堂指趙對策事也甕間用晉畢卓事已見二十一卷岐亭詩注王績醉鄉記阮嗣宗陶淵明等十數人並游於醉鄉沒身不返



次韻王定國得穎倅二首

仙風入骨已凌雲。秋水為文不受塵。一噫固應號地籟。餘波猶足挂天紳。買牛但自捐三尺。射鼠何勞挽六鈞。莫向百花潭上去。醉翁不見與誰親。

漢司馬相如傳奏大人賦。天子大說飄飄有凌雲氣游天地之間。意。杜子美詩。天兒九齡色清澈。秋水為神玉為骨。禹貢餘波入於流沙。孟郊詩。簷溜擲天神。韓退之詩。是時雨初霽。懸瀑垂天紳。三國魏杜襲傳。千鈞之弩。不為鼯鼠發機。再見左傳。定八年。顏高之弓六鈞。注云。三十斤為鈞。百花潭。疑當在穎州。歐陽文忠公自號醉翁。致仕居清穎尾。

滔滔四海我知津。每媿先生植杖耘。自少多言晚聞道。從今閉口不論文。灑翻白獸樽中酒。歸煮青泥坊底芹。要識老僧無盡處。牀前牛蟻不曾聞。

晉禮樂志。正旦元會。設白獸樽於殿庭。蓋上施白獸。有能獻直言者。發此樽飲之。時哲宗即位。求言。上書者以千計。司馬溫公考定孔宗翰居第一。定國第二。稍進用。故用白獸尊事。杜子美詩。飯煮青泥坊底芹。仙傳拾遺。周末殺萇。弘於蜀。其血碧色。入地化為碧玉。數里內土皆青色。今蜀有青泥坊。即弘死處。傳燈錄。壽州道樹禪師云。伊伎倆有窮。我不見不聞。無盡。牛蟻用殷仲堪父事。再見。

次韻趙令鑠惠酒

神山無石髓。生世悲暫寓。坐待玉膏流。千載真且暮。青州老從事。高上非所部。惠然肯見從。知我憎市醕。開餅自洗盞。肴核誰與具。門前聽剝啄。烹魚得尺素。

東方朔十洲記。瀛洲有蘊玉石。出泉如酒。味甘名玉酒。或名玉膏。飲之數升。令人長生。莊子齊物論。萬世之後。而一遇大聖。知其解者。是且暮遇之也。石髓。青州注。並再見。

送范純粹守慶州

范純粹字德孺。文正公之季子。哲宗即位。以直龍圖閣。京東轉運副使。代其兄忠宣公守慶。請棄所侵西夏地。曰。爭地未棄。則邊隙無時可除。於是還四砦。而夏人服。紹聖後。以棄地。故又坐黨錮。婁起婁仆。終龍圖閣。



直學士此詩言文正公在仁宗時李元昊叛命  
訖以計降之德孺守慶州竟如先生所期云

和太古難用論高常近迂君看趙魏老乃為滕大夫浮  
雲無根蒂黃潦能須臾知經幾成敗得見真賢愚羽旄  
照城闕談笑安邊隅當年老使君赤手降於菟諸郎更  
何事折箠鞭其雛吾知鄧平叔不鬪月支胡

孫樵與賈希逸書玉川子月蝕詩韓吏部進學解莫不倚天拔地句句欲活讀之  
如赤手捕長蛇不施控騎生馬老使君指文正也後漢鄧禹傳帝徵禹還勅曰赤  
着無穀自當來東吾折箠答之非諸將憂也又鄧訓傳字平叔為護羌校尉先是  
小月氏胡分居塞內勝兵者二三千騎每與羌戰常以少制多時迷吾子迷吾與  
武威種羌合兵萬騎來至塞下欲脅月氏胡訓擁衛稽故令不得戰又令開城及  
所居園門悉驅羣胡妻子納之嚴兵守衛羌掠無所得因即解去由是湟中諸胡  
皆言漢家常欲鬪我曹今鄧使君待我以恩信  
開門納我妻子咸歡喜叩頭曰惟使君所命

### 次韻王震

即序尚書文者

攜文過我治平閒霧豹當時始一斑聞道吹噓借餘論  
故教流落得生還清篇帶月來霜夜妙語先春發病顏  
詩酒暮年猶足用竹林高會許時攀

竹林謂叔羣

劉向列女傳陶答子相陶家教不修而富其妻曰妾聞南山有豹霧雨七日不下  
食欲以澤其毛衣而成文章也晉書王獻之年數歲嘗觀門生樗蒲曰南風不競  
門生曰此郎亦管中窺豹時見一斑後漢鄭太傅孔公緒清談高論噓枯吹生南  
史謝朓傳是子聲名未立應其獎成無惜齒牙餘論晉嵇康傳所與神交者阮籍  
山濤預其流者向秀劉伶籍兄子咸王戎遂為竹林之遊  
世謂竹林七賢按震字子發定國之姪也故以咸為此

### 次韻王定國謝韓子華過飲

楚有孫叔敖長城隱千里哀哉練君子負薪躡破履豈  
無故交親逝去如覆水不如老優子談笑託諧美世家  
不可恃如倚折足几祥符有賢相手握天下砥懿敏亦



名公三貴德爵齒蓋棺今幾日公子誰料理誰要卿料理欲說且止止宅相開府公久為蒼生起如何垂老別冰盤餽蒼耳親嫌妨鸚薦相對發微泚新詩如彈丸脫手不移晷我亦老賓客苦語落紈綺莫辭三上章有道貧賤恥

唐李勣傳帝嘗曰我用勣守井突厥不敢南向賢長城遠矣南史檀道濟傳壞汝萬里長城又任昉傳昉卒後有子不能自振生平舊交莫有收卹西華冬月著葛帔練帶道逢劉孝標法然矜之為著廣絕交論優孟事在史記滑稽傳屢見按定國大父魏國文正公相真宗於景德祥符間四方底平懿敏公事仁宗出入侍從將帥三十餘年法華經止止不須說我法妙難思晉魏舒傳外家甯氏起宅相者云當出貴甥舒曰當為成此宅相韓子華乃王氏甥後漢禰衡傳孔融上疏薦衡曰鷦鳥累百不如一鶚使衡立朝必有可觀枉子美墜馬歌甫也諸侯老賓客班氏叙傳綺襦紈袴之間

### 惠崇春江晚景二首

圖畫見聞志建陽僧惠崇尤工小景為寒汀遠渚蕭灑虛曠之象人所難到

竹外桃花三兩枝  
春江水暖鴨先知  
蒹葭滿地蘆牙短  
正是河豚欲上時

梅聖俞河豚詩春洲生荻牙春岸飛楊花河豚於此時貴不數魚鰕

兩兩歸鴻欲破羣  
依依還似北歸人  
遙知朔漠多風雪  
更待江南半月春

### 次韻周邠

周邠字開祖已見第六卷公倅杭相與倡醜故結句云

南遷欲舉力田科  
三徑初成樂事多  
豈意殘年踏朝市  
有如疲馬畏陵坡  
羨君同甲心方壯  
笑我無聊鬢已皤  
何日西湖尋舊賞  
淡煙疎雨暗漁簑

### 次韻胡完夫

胡完夫名宗愈晉陵人副樞宿之姪



青衫別淚尙爛斑十載江湖困抱關老去上書還北關  
朝來拄笏看西山相從杯酒形骸外笑說平生醉夢閒  
萬事會須咨伯始白頭容我占清閑

抱關用蕭望之事拄笏用王徽之事竝已見莊子德充符子與我游於形骸之內而子索我於形骸之外不亦過乎後漢胡廣傳字伯始達練事體明解朝章京師諺曰萬事不理問伯始天下中庸有胡公

### 次韻錢穆父

欽宗在東宮時所藏東坡帖甚富多有宸翰僉題即位後出二十軸賜吳少宰元中元中為曾文清妹婿以十軸歸之今藏於元孫戶部郎樂道槃宿為餘姚嘗刻石縣齋墨蹟云病客來從飯顛山集本作遷客一言置我老劉閒集本作二劉諸家所註皆引石勒載記云朕當在二劉之間耳先生自註云公行軾告詞引董仲舒劉向事此註集本亦不載今補穆父名勰吳越讓王諸孫五歲日誦千言十三歲制舉業成既中秘閣選廷對入等矣會王介甫惡孔經父策罷科不得第以蔭入官神宗召對將任以清要介甫知其必不附已命權鹽鐵判官元祐初拜中書舍人故有故人飛上金鑾殿之句哲宗蒞政入翰林

章子厚當軾憾其疇昔謫詞有怏怏非少主之臣經碑無大臣之節一語罷知池州以卒後追復龍圖閣學士

老人明光踏舊班染須那復唱陽關故人飛上金鑾殿  
病客來從飯顛山大筆推君西漢手一言置我老劉

集作遷  
集注  
公自注公行軾告詞  
二劉引董仲舒劉向事

便須置酒呼同舍看賜飛龍出帝閒

漢武帝紀太初四年秋起明光宮杜子美十二月一日詩明光起草人所羨羣執誦翰林內志至德以後道學士東院於金鑾殿西隨上所有而遷取其近便李太白詩承恩初入銀臺門著書獨在金鑾殿晉王珣傳夢人以大筆如椽與之既覺語人云此當有大手筆事王注劉向劉歆父子俱以文章學術稱又晉書載記石勒謂徐光曰朕當在二劉之間耳蘄按公自注云云則王注非唐兵志天子御馬總十有二閑其後禁中又增置飛龍廡

### 次韻穆父舍人再贈之什

此首集本不載今補入是時先生為起居舍人故用唐志所

載起居郎執筆記錄事

詔語春溫昨夜班屋頭鳴鳩便關關游仙夢覺月臨幌



賀雨詩成雲滿山。憐我白頭來仗下。看君黃氣發眉間。鳳池故事同機務。火急開樽及尚閑。

續漢禮儀志立春之日下寬大詔書唐儀衛志衙凡朝會之仗三衛番上分為五仗一曰供奉仗二曰親仗三曰勳仗四曰翊仗五曰散手仗每月以四十六人立內廊閣外號曰內仗以左右金吾將軍當上中郎將一人押之朝罷皇帝步入東序門然後放仗又百官志每仗下議政事起居郎一人執筆記錄於前韓退之詩看間黃色見歸期相書喜色紅黃管荀勗傳奪我鳳凰池何賀我耶唐百官志中書舍人參議表章百司奏議考課皆預裁焉

### 再次韻答完夫穆父

公自注二公自言先世同在西掖

掖垣老吏一作史識郎君。並轡天街兩絕塵。汗血固應生有種。夜光那復困無因。豈知西省深嚴地。也著東坡病瘦身。免使謫仙明月下。狂歌對影只三人。

劉禎詩誰謂相去遠隔此西掖垣注引應劭漢官儀曰左右曹受尚書事前世文上以中書在右因謂中書為右曹又稱西掖垣李太白月下獨酌詩舉杯邀明月

林垞先生云身字韻極難叶以其近彈詞也按上之去亮近沈樵園等語相城有兩朝廷道

對影成三人

### 次韻答滿思復

滿思復字中行元豐末為左司郎中哲宗即位東坡自登州召入為郎禮部尚書餘擢起居舍人

中行並命為起居郎又同省而中行為東陽人故有跛牂隨赤驥嘯烏巷有顏之句

自甘茅屋老三閒。豈意彤廷綴兩班。紙落雲煙供醉後。詩成珠玉看朝還。誰言載酒山無賀。記取嘯烏巷有顏。但恐跛牂隨赤驥。青雲飛步不容攀。

杜子美和賈至詩朝罷香煙攜滿袖詩成珠玉在揮毫載酒用李白稽山無賀老句注屢見異苑東陽顏烏以純孝著聞父死負土成墳羣鳥銜土助之烏口皆傷因名縣曰烏傷圖經云即今義烏也顏烏秦時人

### 送戴蒙赴成都玉局觀將老焉

拾遺被酒行歌處。野梅官柳西郊路。聞道華陽版籍中。

純用杜詩點化成篇風調清綺可愛

風調冷

續和也四處心後集卷之二



通休兼西青亦六  
望而不憂

玉局向以是詩識  
六奇

至今尚有城南杜我欲歸尋萬里橋水花風葉暮瀟瀟  
芋魁徑尺誰能盡椴木三年已足燒百歲風狂定何有  
羨君今作峨眉叟縱未家生執戟郎也應世出埋輪守  
莫欺老病未歸身玉局他年第幾人會待子猷清興發  
還須雪夜去尋君

杜子美西郊詩時出碧鷄坊西郊向草堂市橋官柳細江路野梅香子美至德二  
年拜右拾遺見唐本傳唐地理志成成都府蜀郡華陽縣本蜀縣乾元元年更名王  
子韶鷄跖集韋曲杜鄩近長安諺云城南韋杜去天尺五趙抃成都集記萬里橋  
諸葛孔明於此送吳使張溫曰此水下至揚州萬里因以為名或云孔明送費禕  
聘吳至此曰萬里之行自此始二說雖殊要之因孔明得名杜子美詩萬里橋西  
一草堂百花潭水即滄浪漢翟方進傳童謠曰飯我豆食羹芋魁貧殖傳卓氏遷  
之蜀曰吾聞岷山之下沃野下有駿鴟至死不飢顏師古注駿鴟謂芋也蜀本記  
蜀人以椴木為薪種之三年可燒杜子美詩飽聞椴木三年大韓退之詩男兒不  
再壯百歲如風狂漢揚雄傳揚雄字子雲蜀郡成都人也又雄待詔歲餘奏羽獵  
賦除為郎後漢張綱傳漢安元年選遣八使循行風俗綱獨埋其車輪於洛陽都

亭曰豺狼常路安問狐狸遂條奏大將軍冀十五事京師震悚按雄與綱俱蜀人  
詩故云北斗經地神湧出扶一玉局而作高座成都集記永壽元年老君駕龍車  
張道陵乘白鶴同至太皞玉女修大丹之所感地神湧出句脚玉牀老君升座說  
北斗經開元中道士羅上清奏重修殿宇本名玉局治遊高宗諱改為玉局化國  
朝為玉局觀置  
提舉主管官

### 送陳睦知潭州

陳睦字和叔嘉祐六年第進士初和叔為兩浙  
提刑嘗駁勘裴氏婢夏沈香獄差秀州倅張若

濟重勘夏沈香遂坐死杜陳戚三掾亦得衝替語在第七卷公時  
倅杭賦詩送之云殺人無驗中不快此恨終身恐難了蓋指和叔  
若濟云茲送和叔所述者止少時登臨相從  
而已並無一語及其人則不與之意可見

華清縹眇浮高棟上有纈林藏石壺一杯此地初識君  
千巖夜上同飛鞚君時年少面如玉一飲百觚嫌未痛  
白鹿泉頭山月出寒光潑眼如流汞朝元閣上酒醒時  
臥聽風鸞鳴鐵鳳舊游空在人何處二十三年真一夢



我得生還雪髯滿君亦老嫌金帶重有如社燕與秋鴻  
相逢未穩還相送洞庭青草渺無際天柱紫蓋森欲動  
湖南萬古一長嗟付與騷人發嘲弄

唐地里志京兆府昭應縣注有宮在驪山下正觀十八年置咸亨二年始名溫泉宮天寶六載更曰華清宮杜牧之華清宮辭神仙高縹渺白樂天詩黃夾纈林寒有葉鄭嵎津陽門詩注云津陽門在華清宮之外闕石鑿寺崑下有天然石形如甕以貯飛泉寺僧於上層飛樓中懸轆轤斜引修綆泉出於紅樓喬木之杪互見十九卷注又朝元閣南即老君見處述征記長安東則驪山西則白鹿原而驪山中又有白鹿觀云陸倕石闕銘蒼龍玄武之制銅雀鐵鳳之工薛綜西京賦注圖闕上作鐵鳳皇令張兩翼舉頭敷尾故老杜贊公房詩曰鐵鳳森翺翺又贈崔評事詩曰陰沈鐵鳳闕杜和公詩老嫌金帶重再見杜子美詩洞庭猶在目青草續為名注青草湖與洞庭湖相連在岳州衡山記天柱峯高四千二百尺夏禹理水刻石峯上紫蓋峯多隱雲表常有白鶴仙童飛翔其側杜子美詩湖南清絕地萬古一長嗟

用前韻答西掖諸公見和

雙猊蟠礎龍纏棟金井輓轆鳴曉甕小殿垂簾碧一作玉  
鉤大宛立仗青絲鞵風馭賓天雲雨隔孤臣忍淚肝腸  
痛羨君意氣風生坐落筆縱橫盤走汞上樽日日瀉黃  
封賜茗時時開小鳳閉門憐我老太玄給札看君賦雲  
夢金奏不知江海眩木瓜屢費瓊瑤重豈惟蹇步困追  
攀已覺侍史疲奔送春還宮柳腰支活一作水入御溝鱗  
甲動借君妙語發春容顧我風琴不成弄

梅聖俞和人早朝詩耽耽玉宇龍纏棟藹藹金爐獸鬚環李賀詩輓轆伊啞轉鳴玉戴延之西征記洛陽太極殿有金井欄金博山輓轆蛟龍負山於井上漢張騫傳大宛有善馬唐顏真卿傳太宗置立仗馬二有急奏須乘者聽漢翟方進傳賜上尊酒黃封內庫官法酒也歐陽公龍茶錄後序茶之為物至精而小團又其精者仁宗南郊致齋之外中書密院各四人共賜一餅宮人剪金為龍鳳貼其上兩府人家分割以歸嘉祐七年明堂始入賜一餅茶經云茗茶之晚取者集韻亦云



左傳成十二年金奏作於下史記孟嘗君傳孟嘗君待客坐語而屏風後嘗有侍史主記君所與客語杜子美漫興詩隔戶楊柳弱嫋嫋恰似十五女兒腰潘閔風琴詩到底不能成一曲

### 次韻王觀正言喜雪

王觀字明叟泰州如臯人第進士元祐初呂正獻范忠宣薦其可大任擢右正

言進司諫極言當位者姦邪害正使一二元老不得行其志章數十上公論黷之公時為右史故云我方執筆待君猶伏閣爭云云

聖人與天通有詔寬獄市好語夜喧街濕雲朝覆砌紛

然退朝後色映宮槐媚欲誇剪刻工故上朱藍袂我方

執筆待一作侍未敢書上瑞君猶伏閣爭高論亦少慰霏霏

止還作益益風與氣神龍久潛伏一怒勢必倍行當見

三白拜舞謹萬歲歸來飲君家酣詠追既醉

漢曹參傳以齊獄市為寄慎勿擾也韓退之李花詩誰將平地千堆雪剪刻作此連天花吳陸暢雪詩天人寧底巧剪冰作飛花宋畫大明五年正月朔賀雪落太

困學紀聞云宋朝舊制太史局隸秘書省凡天官失度三館皆知之每有災異館吏以片語錄報得因事獻言

卓義恭衣有六出奏以為瑞上說李郢雪霽登樓詩城樓飛雪定猶看謝莊衣注云謝莊朝迴衣為飄雪印點時人翫之為風韻見宋書符瑞志舊唐書陽城為諫議大夫伏閣上疏杜牧李賀詩集序春之益益不足為其和也漢武帝紀元封元年詔曰翌日親登嵩高御史乘屬在廟旁吏卒咸聞呼萬歲者三毛詩既醉太平也醉酒飽德人有士君子之行焉

### 和蔣發運之奇字穎叔宜興人

夜語翻千偈書來又一言此身真佛祖何處不羲軒船

穩江吹坐樓空月入樽遙知思我處醉墨在頽垣

### 送表弟程六知楚州

公母成國太夫人程氏魯山著姓其姪之才字正輔第二之元字德孺第六即

楚州也之邵字懿叔第七

炯炯明珠照雙璧當年三老蘇程石里人下道避鳩杖

刺史迎門倒鳧鳥我時與子皆兒童狂走從人覓梨栗



健如黃犢不可恃。隙過白駒那暇惜。醴泉寺古垂橘柚。  
石頭山高暗松櫟。諸孫相逢萬里外。一笑未解千憂集。  
子方得郡古山陽。老手生風謝刀筆。我正含毫紫微閣。  
病眼昏花困書檄。莫教印綬繫餘年。去掃墳墓當有日。  
功成頭白早歸來。共藉梨花作寒食。

後漢禮儀志仲秋之月縣道案戶比民年七十者授以玉杖杖端以鳩鳥為飾鳩不噎之鳥也欲老人不噎杜子美百憂集行憶昔十五心尚孩健如黃犢走復來庭前八月梨棗熟一日上樹能千回唐地里志楚州本江都郡之山陽地漢趙廣漢傳見事風生蕭何傳起秦刀筆吏顏師古曰刀所以削書也古者用簡牘故吏皆以刀筆自隨唐百官志開元元年改中書省為紫微按公時為中書舍人爾雅書記曰書說文檄二尺書也釋名檄激也下官激迎其上之書文也漢嚴延年傳行矣去女東歸掃除墳墓耳

### 和人假山

上黨攬天碧玉環。絕河千里抱商顏。試觀煙雨三峰外。  
都在靈仙一掌間。造物何如童子戲。寫真聊發使君閑。  
何當挈取西征去。畫作圍牀六曲山。

漢溝洫志引洛水至商顏下顏師古曰商顏商山之顏也楊敬之華山賦天雨初霽三峯相差張平子西京賦巨靈高掌厥跡猶存山志華山首陽山黃河流於二山間相傳此本一山當河河水過而曲行河神巨靈以手擘開其土以足蹈離其下以通流今華山有手跡仙掌峰是也法華經乃至童子戲聚沙為佛塔李賀屏風曲團迴六曲抱膏蘭

### 送王伯敷守虢

王伯敷名廷老

華山東麓秦遺民。當時依山來避秦。至今風俗含古意。  
柔桑淥水招行人。行人掉臂不回首。爭入峭函土囊口。  
惟有使君千里來。欲飲三堂無事酒。三堂本來一事無。



日長睡起聞投壺。牀頭硯石開雲月。澗底松根斲雪腴。  
山棚盜散人安寢。勸買耕牛發陳廩。歸來只作水衡卿。  
我欲攜壺就君飲。

楊文公談苑華山南有川廣袤數百里連山洞壑不知其極人有登蓮華峰絕頂俯瞰人煙舍屋相望四時常有花木疑靈仙之窟宅又云秦人避難者居此其裔也史記孟嘗君傳馮驩曰君獨不見夫朝趨市者乎明旦側肩爭門而入日暮之後過市朝者掉臂而不顧又秦本紀孝公據崤函之固擁雍州之地宋玉風賦起於青蘋之末盛怒於土囊之口唐文粹呂溫號州三堂記云開元初天子思二南之風並選宗英共持理柄號大而近匪親不居時惟五王出入相授承平易理逸政多暇考卜惟勝作為三堂三者明臣子在三之節堂者勵宗室克構之義韓退之  
和號州劉使君三堂新題詩序云號州刺史宅連水池竹林往往為亭臺島渚目其處為三堂劉兄出刺此州職修人治州中稱無事頗復增飾從子弟而游其間米芾硯史號石可為硯又有茯苓舊唐書憲宗紀李師道與嵩山僧圓淨謀反呂元膺圍之賊入嵩岳山棚盡擒之亦見通鑑漢循吏傳龔遂為渤海太守民有帶持刀劍者使賣劍買牛賣刀買犢又秋冬課收斂益畜果實菱芡郡中皆有畜積吏民皆富實數年上徵遂以年老并為水衡都尉

道者院池上作

下馬逢佳客。攜壺傍小池。清風亂荷葉。細雨出魚兒。井  
好能冰齒。茶甘不上唇。歸塗更蕭瑟。真箇解催詩。

杜子美水檻遣心詩細雨魚兒出微風燕子斜又詩歸路翻蕭颯  
颯陂塘五月秋又丈人溝納涼詩片雲頭上黑應是雨催詩

次韻子由送千之姪

江上松楠深復深。滿山風雨作龍吟。年來老幹都生菌。  
下有孫枝欲出林。白髮未成歸隱計。青山儻有濟時心。  
閉門試草三千牘。仄席求人少似今。

柳子厚與蕭俛書朽枿敗腐猶足蒸出芝菌嵇康琴賦乃斲孫枝準量所任史記滑稽傳東方朔初入長安至公車上書凡用三千牘後漢章帝紀建初五年詔曰朕思遲直士仄席異聞羊叔子讓開府表側席求賢不遺幽賤



書文與可墨竹

并引叙

亡友文與可有四絕詩一楚辭二草書三畫四與可嘗云世無知我者惟子瞻一見識吾妙處既沒七年觀其遺跡而作是詩

筆與子皆逝詩今誰為新空遺運斤質卻弔斷絃人

次韻錢舍人病起

牀下龜寒且耐支杯中蛇去未應衰殿門明日逢王傅  
欄具爭先看不疑坐覺香煙攜袖少獨愁花影上廊遲  
何妨一笑千疴散絕勝倉公飲上池

龜支牀出史記龜策傳杯蛇出晉書樂廣傳竝已見史記日者傳宋忠賈誼聞司馬季主言伏軾低頭卒不能出氣居三日宋忠見賈誼於殿門外乃相引屏語相

陸儼山云墨竹起于李夫人其法具于老可

謂自嘆云云誼為梁王傅漢雋不疑傳暴勝之為直指使者不疑冠進賢冠帶欄具劍上謁應劭曰欄具木標首之劍欄落大壯也晉灼曰古長劍首以玉作轆轤形刻木作山形如蓮花未敷時今大劍木首其狀似此欄音磊莊子達生篇桓公田於澤見鬼焉公反談詒為病齊士有皇子告敖者曰公則自傷鬼惡能傷公云云桓公輟然笑曰此寡人之所見也於是正衣冠與之坐不終日而不知病之去也史記扁鵲傳少時遇長桑君出其懷中藥予扁鵲曰飲是以上池之水三十日當知物矣按倉公淳于意也飲上池乃扁鵲事公詩偶誤

次韻和王鞏

謫仙竄夜郎子美耕東屯造物豈不惜要令工語言王  
郎年少日文如餅水翻爭鋒雖剽甚聞鼓或驚奔天欲  
成就之使觸羝羊藩孤光照微陋耿如月在盆歸來干  
首詩傾瀉五石樽卻疑彭澤在頗覺蘇州煩君看騶忌  
子廉折配春溫知音必無人壞壁挂桐孫



唐李白傳賀知章曰子謫仙人也後以從永王璘碎長流夜郎杜子美移居東屯詩淹雷為稻畦又東屯稻畦二百頃漢張良傳楚人剽疾願上慎毋與楚爭鋒周易羝羊觸藩不能遂不能退無攸利史記騶忌子以鼓琴見威王曰大絃濁以春溫者君也小絃廉折以清者相也再見李善注文選周禮注云孫枝竹枝之未生者桐孫亦然李賀詩嶧陽老樹非桐孫風俗通梧桐生於嶧陽山採東南孫枝為琴聲甚清雅

用王鞏韻送其姪震知蔡州

王震字子發文正公曰曾孫子發時為給事中故云夕郎

九門插天開萬馬先朝屯舉鞭紅塵中相見不得言夜走清虛宿扣門驚鵲翻君家汾陽家永巷車雷奔夕郎方不夕列戟以自藩相逢開月閣畫簷低金盆至今夢中語猶舉燈前尊阿戎修玉牒未憚筆削煩君歸助獻納坐繼岑與溫我客二子間不復尋諸孫

孫尋諸

公自注子美詩云權門多噂沓且復

長安志郭汾陽宅在親仁里居其里四分之一中通永巷子孫甚眾杜牧阿房宮賦雷霆乍驚宮車過也漢故事黃門郎每日暮入對青瑣門拜故謂之夕郎即今之給事中也金盆用杜詩語屢見晉王戎傳阮籍謂王渾曰與卿語不如其阿戎談王注岑則岑文本與其兄子長倩溫則溫大雅與其弟彥博也文本為中書舍人侍郎令而兄子長倩為兵部侍郎同中書門下平章事大雅為黃門侍郎而彥博為中書舍人侍郎令

虢國夫人夜游圖

佳人自鞚玉花驄翩如驚燕踏飛龍金鞭爭道寶釵落何人先入明光宮宮中羯鼓催花柳玉奴絃索花奴手坐中八姨真貴人走馬來看不動塵明眸皓齒誰復見只有丹青餘淚痕人間俯仰成今古吳公臺下雷塘路當時亦笑張麗華不知門外韓擒虎

唐史正月望夜楊家五宅夜游與廣平公主爭西市門楊氏怒鞭及公主衣公主墮馬羯鼓注再見玉奴已見十九卷楊妃外傳如善琵琶諸王貴主洎虢國已下



並為弟子每授曲畢皆廣有進獻汝陽王名璉小名花奴尤善羯鼓帝嘗謂侍官曰名花奴將羯鼓來為我解穢又八姨封虢國夫人不施粧自有美麗常素而朝天杜子美詩虢國夫人承主恩平明騎馬入宮門卻嫌脂粉澆顏色淡掃蛾眉朝至尊又詩明眸皓齒今何在血汗游魂歸不得地志揚州吳公臺以陳將吳明徹得名在江都縣西雷塘在縣東北十里煬帝初葬吳公臺下唐平江南改葬雷塘大業拾遺帝昏酒滋深嘗行吳公臺下恍惚與陳後主遇後主云每憶張麗華方憑臨春閣作壁月詞未終見韓擒虎躍領萬騎直來衝入便至今日始謂殿下政治在堯舜之上今日還此逸游曩時何見罪之深也帝叱之不復有所瞻杜牧詩門外韓擒虎樓頭張麗華

即送元翰知洛州韻

### 用舊韻送魯元翰知洛州

我在東坡下躬耕三畝園君為尚書郎坐擁百吏繁鳴蛙與鼓吹等是俗物喧永謝十年舊老死三家村惟君綈袍信到我雀羅門緬懷故人意欲使薄夫敦新年到宣室白首代堯言相逢問前輩所見多後一作從昆道館雖

通身老杜

云樂冷卿當復溫還持刺史節卻駕朱輪軒黃髮方用事白鬢宜少存嗣聖真生知拯民如救燔初囚羽淵魄盡返湘江魂坐憂東郡決老守思王尊北流桑柘沒故道塵埃翻知君一寸心可敵千步垣流亡自栖止老幼忘崩奔得閑閉閣坐勿使道眼渾聊乘應捨筏直泝無生源歸來成二老夜榻當重論

澤字奇

因話錄祠部謂之冰廳以其冷也王注世傳京師謂光祿為飽卿衛尉為煖卿鴻臚為睡卿司農為走卿宗正為冷卿左傳堯殛鯀於羽山其神化為黃熊以入於羽淵王注時哲宗初登極太后垂簾悉罷新法而元豐末年用事宰執皆斥逐當時議新法不合被竄謫者皆召還錄用金剛經如來常說汝等比丘知我說法如筏喻者法尚應捨何況非法

### 次韻朱光庭初夏



朝罷人人識鄭崇。直聲如在履聲中。臥聞疎響梧桐雨。獨詠微涼殿閣風。諫苑君方續承業。醉鄉我欲訪無功。陶然一枕誰呼覺。牛蟻初除病後聰。

漢書鄭崇傳字子游。哀帝擢為尚書僕射。數諫爭。上初納用之。每見曳革履。上笑曰。我識鄭尚書履聲。南史李承業集古今章疏作諫苑。

### 次韻朱光庭喜雨

久苦趙盾日。欣逢傅說霖。坐知千里足。初覺兩河深。破屋常持傘。無薪欲爨琴。清詩似庭燎。雖美未忘箴。

左傳文七年。趙衰冬日之日也。趙盾夏日之日也。書說命。若歲大旱。用汝作霖雨。詩小雅庭燎。美宣王也。因以箴之。

### 奉敕祭西太一和韓川韻四首

一熙寧初詔作宮於京城之東西隅。謂之中太一。

東軒筆錄太一宮舊在京城西蘇村。謂之西太一。

聖主新除秘祝。侍臣來乞豐年。壽宮神君欲至。半夜靈風肅然。

漢文紀十三年詔曰。蓋聞禍自怨起。而福由德興。今秘祝之官。移過於下。以彰吾之不德。朕甚不取其除之。漢郊祀志武帝置壽宮神君。神君最貴者太一。其佐曰大禁。司命之屬。皆從之。非可得見。聞其言。言與人音等。時去時來。來則風肅然也。三輔黃圖壽宮北宮有神。仙居壽宮。張羽旗。設供具。以禮神明。若神明來。則肅然風生。幃帳皆動。

玉璽親題御筆。金童來侍天香。禮罷祝融參乘。前驅已過衡湘。

司馬相如大人賦。祝融警而蹕。御兮清氣氛而後行。

解劍獨行殘月。披衣困臥清風。夢蝶猶飛旅枕。粥魚已響枯桐。



施註蘇詩卷之二十四  
七  
陂水初含曉。淥稻花半作秋香。皂蓋卻迎朝日。紅雲正繞宮牆。

西太一見王荆公舊詩偶次其韻二首

王荆公詩云柳葉鳴

蝴蝶綠暗荷花落日紅酣三十六陂春水白頭相見江南二十年前此地父兄持我東西今日重來白首欲尋舊迹都迷先生見此兩絕注目久之曰此老野狐精也遂和之後魯直亦和四首

秋早川源淨麗。雨餘風日清酣。從此歸耕劍外。何人送

我池南。

杜詩草木變衰行劍外池南蓋歸蜀之路

但有樽中若下。何須墓上征西。聞道烏衣巷口。而今烟草萋迷。

吳興記上若下若村並出美酒再見魏武紀注載公十二月己亥令云云後徵爲都尉及遷爲典軍校尉意遂更欲爲國家討賊立功欲望封侯作征西將軍然後題墓道言漢故征西將軍曹侯之墓此其志也烏衣巷在金陵荆公居金陵是時已薨故云

施註蘇詩卷之二十四







